

XANA VUTOMI BYA WENA BYI

YI RINGANERILE EVHANGELI-KE?

2 A hi yimiseni sweswo xinkadyananyana, loko hi ri karhi hi korhamisa tinhloko ta hina sweswi kutani hi langutisa eka Hosi. Loko kuri na swikombelo swin'wana na swin'wana leswi swi faneleke ku tiviwa hi Xikwembu, sweswi eka nkarhi lowu mi nga yimisa mavoko ya n'wina eka Xona, kukotisa *sweswo*, kutani mi swi khoma etimbilwini ta n'wina leswi mi swi lavaka.

2 Tata wa hina la nga Matilweni, hi khensa swinene hikokwalaho ka siku rin'wana. Nakona sweswi ri sungurile ku fungha; ri tava matimu. Swikhongelo swa mixo lowu se swi hundzile. Marito lama ma nga vuriwa ma le moyeni, eka thepi, nakona hi ta fanela ku hlangana na Wona siku rin'wana. Ma ta boheka kuva lama lulameke kumbe mo hoxeka. Kutani hi—hi pfumela leswaku Ma lulamile, hikuva hi Wona Rito ra Wena.

3 Sweswi, ha khongela leswaku U ta hi nyika, vusiku lebyi, swikombelo leswi hi kombelaka. Na mavoko ya hina, lawa hi nga ya tlakusa, hi ri karhi hi kombelela swikombelo. Wena wa swi tiva leswi hi swi lavaka, na leswi hi swi kombelaka. Swingaleswi ha khongela leswaku U ta hi hlamula, Hosi, kutani u hi nyika ku navela ka timbilu ta hina, ku nga leswaku, loko ingi hi nga swi tirhisa ku xixima Wena. Hi nyike swona, Hosi.

4 Horisa vuvabyi exikarhi ka hina. Susa vudyoho hinkwabyo na ku kala ripfumelo. Hi nyike ya Wena... xiave xa minkateko ya Wena nakambe, vusiku lebyi, Hosi, tani hi leswi hi ehleketa ehenhla ka Rito, na nkarhi lowu hi hanyaka eka wona. Hi hlengeletanile kun'we, Tatana, ku ngari hikokwalaho ka xikongomelo xin'wana ehandle ka ku ringeta ku dyondza hi ku hanya ku antswa, na ku hanya ekusuhi na Wena. Hikuva hi vona siku ri ri karhi ri tshinela, kutani hi fanele ku hlengeletana kun'we minkarhi hinkwayo, na ku teka swileriso ku suka eka Wena. Hi nyike swona, Tatana, hi Vito ra Yesu. Amen.

Ndza mi khensa. Mi nga tshama ehansi.

5 Ndza swi tiva leswaku ku kufumela ngopfu, na ndhawu hinkwayo yi pakanile hi ndlela leyi yi nga xiswona. Swingaleswi ha tisola kuva hi ngari na... xiphyuphyisi na xin'we. Nakona ndzi... Kumbexani sweswo swi tava... Ku na swilo swimbirhi leswi ndzi lavaka ku swi endlela kereke, loko ndzi vuya hi ndlela leyi ndzi swi lavisaka xiswona, loko ndzo vuyela enhlengeletanweni hi ndlela ya kona. Ndzi lava e—e piyano, laha yi nga ta tshama hi ndlela *leyi*, swingaleswi muchayi wa piyano u tava a langutanile na nhlengeletano. Ndzi lava ogene kwala

tlhelο leri; na xiphyuphyisi. Kutani ndzi twa ingaku sweswo swi tava swi ri swona. Swingaleswi hi... Hi ta tshembha Hosi, na ku tiva leswaku Yi ta hi nyika swona.

⁶ Ndza pfumela, va ndzi byerile, Makwerhu Hickerson wa ha ku humesa *leswi* eka magazini. U swi vekile edesikeni ra mina endzhaku lahaya. Walowo i ntlawwa wa Tintsumi leti nga endzeni ka magazini leti a ku vulavuriwa hi tona. Ma xi vona xivumbeko xa phiramidi? Langutisani Leyi eka tlhelο leri, ripiko leri tlakukeke, leyi takia yi humeserile xifuva xa Yona ehandele kukotisa *sweswo*, hi tlhelο ra voko ra xinene ra mina. Tani hilaha ndzi nga swi vula ku suka eka phuluphiti yaleyi, tin'hweti na tin'hweti na tin'hweti leti nga hundza, wa vona, hi Leswiya. Kutani *Look* maga-... Kumbe, *Life* magazini yi na Swona, e-e mhaka ya Mudyaxihi, ti 17 ta Mudyaxihi, ndzi pfumela leswaku hi tona. Hi swona sweswo? Mudyaxihi hi ti 17, mhaka ya kona. Manana Wood a ri karhi a ndzi byela namuntlha leswaku vo tala va n'wi foyinerile kutani va n'wi vutisa. Sweswo swi le ka mhaka ya Mudyaxihi, ti 17 ta Mudyaxihi.

⁷ I papa leri nga hlamuselekiki. Papa ra kona ri na makume mbirhi-ntsevu wa timayili kuya ehenhla na makume nharhu wa timayili hi ku anama. Nakona sweswo hi leswi a hi vulavula hi swona lahawani. Kwalaho hi kona laha Ntsumi ya Hosi yi nga xikela ehansi yi ta ninginisa ndhawu. Kutani hinkwayo... Ku pfumile hi matimba...

⁸ Ndza swi tiva leswaku ku na wanuna un'wana, loko... Ndzi ehleketa, Makwerhu Sothmann, ndzi n'wi vonile khaleyana, kun'wana. U kona kwala. A yimile... Ina. Kona endzhaku *lahawani*. A yimile ekusuhi loko swi humeleta. Ndza tshembha leswaku a ndzi ngari ekule na yena. Ntsena ndzi lo n'wi vona, ndzi ringeta ku n'wi yimisela voko. Ntsena, a ndzi ri na tibayinokhula ta yena. Leswaku, e-e swiharhi, leswi a hi swi hlota, a swi... A swi ngari kona exitshabyanini lexi. Sweswi a swi yile exitshabyanini lexin'wana. Ndzi swi kumile, hi xa matolo, kutani ndzi va byela laha va faneleke kuya kona. Ndzi yile *lahawani*, laha, loko a vo ta hi ndlela leyi, a ndzi ta balesa emoyeni kutani ndzi swi tsutsumisela endzhaku hi ndlela leyi, leswaku va ta kuma xiharhi xa vona—vona—vona. Swingaleswi, javhelina hi lexi a xi ri xona.

⁹ Swingaleswi ndzi yile kwalahaya, hi tlhelο leri, nakona a ti ngari kona. A ti ngari kona eka matlhelo ha mambirhi. Ndzi vonile Makwerhu Fred a humeleta, nakona a ti ngari kona. U tlhelerile endzhaku, kutani Makwerhu Norman a ya ehenhla ka xitshabyana. Kutani ndzi hundzulukile, ndzi rhelela hi le ndzeni ka vangwa lerintsongo kutani ndzi humeleta, ntsena ndzi ri ndzexe, ku ringana mayili na hafu ku hundza etikweni rin'wana ra rikhwarha. Kutani a ndzi tshamile ehansi ndzi ri karhi ndzi langutisa kwalahaya. A ri ri karhi ri ya exikarhi ka siku.

Kutani a ndzi ri karhi ndzi susa leswiya, leswi hi swi vitanaka lahaya, tinhloko ta timbuti. I nchumu lowu fanaka na gwandy. Ku swi susa enengeni wa buruku ya mina, ntsena tani hi muxaka lowu ndzi nga tivona mina n'winyi ndzi ri karhi ndzi swi endla loko ndza ha ri kwala ndzi ri karhi ndzi mi byela hi mayelana na xivono, ntsevu wa tin'hweti, kwalomu ka, loko swi nga se humelela. Ndzi te, "Sweswo a swi tollovelekanga. Vonami leswaku ndzi le n'walungu wa Tucson kahle njhani, muxaka wa n'walungu vuxa. Swi endla..."

"Tucson," ma tsundzuka, ndzi te, "dzonga vupela-dyambu swintsongo."

Kutani ndzi ku, "Sweswo a swi tollovelekanga." A ndzi langutile magwandy, kukotisa *leswi*, ndzi ri karhi ndzi ma susa eka ya mina... mo tala ma wona, ku masusa emilengeni ya buruku ya mina. Loko mi nga se tshama mi va kwalahaya, leriya i tiko ra mananga. A ri fani na leri, na swintsongo. Kwalomu ka makume mbirhi hi ku vangama; nakona ku hava mirhi na swilo swo kotisa leswi swi nga kona lahawani. Kova ntsena midorho na sava.

¹⁰ Swingaleswi ntsena a ndzi—ndzi ri langutile, kukotisa *sweswo*. Ntsena ndzi tlakuserile matihlo ya mina ehenhla. Kutani kwalomu ka, ndzi ngaku, hafu ya mayili ku suka laha a ndzi ri kona, ndzi vonile nhloko hinkwayo ya... ntlhambu wa tijavhelina, ti tshamile, ti ri karhi ti humela ehandle hi le makumu, laha a ti ri karhi ti dya swin'wana swa swiluva swa filarha. Kutani ndzi ehleketeile, "Sweswi, loko ntsena ndzi nga yisa Makwerhu Fred na Makwerhu Norman lahaya, liya hi yona ndhawu ya kona."

¹¹ Kutani hi vusiku bya matolo, Moya lowo Kwetsima a wu hlamarisa swinene emuxaxeni, laha a Wu ndzi byela hi swilo leswi nga humelela na leswi nga eku humeeleni. A ndzi boheka ku tlakuka ndzi ya ekule na muxaxa wa mina.

Kutani, hi mixo luwa a wu landzela, ndzi yile kwale henhla. Kutani ndzi sungula... Ndzi ku, "Sweswi, loko ndzo kota ku fika eka Makwerhu Fred, ndzi ta n'wi rhendzelekisa hi ntshava leyi," leyi nga kwalomu ka—ka mayili hi ndlela *leyi*. A ndzi boheka ku famba kwalomu—kwalomu ka timayili timbirhi, kumbe ku antswa, ndzi n'wi teka, kumbexani tinhharhu. Endzhaku hi ndlela *leyi*, ku rhelela hi leyi, leswi hi swi vitanaka "nhlana wa nguluve," ndzi khandziya kukotisa *leswi*, ehenhla ka leti ta rikhwarha, tintshava ta maribye yo tontswa, kutani ndzi tsutsumela ehansi hi ndlela *leyi*, ndzi tsemakanya ivi ndzi humelela, kutani ndzi rhelela hi ndlela *leyi* ivi ndzi ya n'wi teka. Kutani a boheka ku famba hi ku hetiseka kuya ehansi ka xitshabyana, kuya kuma Makwerhu Norman, leswi kumbexani a swi tava kwalomu ka mune kumbe ntlhanu wa timayili, kutani va vuyela endzhaku. Kutani a ndzi ta vekela e—e xiphemu

xintsongo xa Kleenex lexi a ndzi ta xi hayeka ehenhla ka xiphemu xa—xa ndzhengha lahaya, leswaku ndzi ta kota ku tikomba mina n'winyi leswaku hi yihi nhlonhlorhi leyi ndzi nga taya eka yona loko ndzi vuya.

¹² Kutani ndzi humelerile ehenhla ka nhlonhlorhi leyintsongo leyi ku nga na maribye yo tala yo tontswa, nakona kuna e—e minkondzo ya ndhakazi leyi nga rhelela hi ndlela leyin'wana, kwalomu ka, oho, makume mune, makume ntlanu wa majarata ehansi ka riwa. A kuri kwalomu ka, oho, a kuri exikarhi ka siku, ndzi ngaku hi awara ya nhungu, kumbe ya nkaye. Xana u ngava u ehleketa swin'wana swo kotisa sweswo, Makwerhu Fred, kumbexani awara ya nkaye, swin'wana? Ndzi tsutsumile hi tlheloi *leri*, hi xihatla, ku endlela leswaku tijavelina ti nga ndzi voni. I tinguluve ta nhova, ma swi tiva, nakona ta chavisa nyana.

¹³ Swingaleswi ndzi—ndzi yile ehenhla ka xitshabyana hi ndlela *leyi*, kutani ndzi tsemakanya, ndzi sungula, ku tsutsumela ehenhla ka xitshabyana. Kute loko ndza ha tsutsuma, hi leswintsongo, leswi hi swi vitanaka, ku tsutsuma hi magoza ya mbyana. Kutani xikan'we-kan'we, tiko hinkwaro ri hingakanyiwa. A ndzi se tshama ndzi twa ku buluka ko chavisa hi ndlela liya! Ntsena ku ninginisa, kutani maribye ya khunguluka. Nakona ndzi twile ingaku ndzi ngava ndzi—ndzi tlurile magoza ya ntlanu ku suka ehansi, a swi languteka tano. Ntsena—ntsena swi ndzi chavisile. Ndzi ehlekete, “Oho, mina!” A ndzi ehleketa leswaku ndzi baleseriwile. Leswaku munhu un'wana... A ndzi ambarile xihuku xa ntima. Ndzi ehlekete, leswaku va tava va ehlekete, leswaku a kuri javhelina leyi tsutsumelaka ehenhla ka ntshava, munhu un'wana a ndzi balesela. Ku pfumile hi matimba, kwala henhla ka mina, kukotisa sweswo. Kutani, xikan'we-kan'we, Xin'wana xi ku, “Langutisa ehenhla.” A Swi ri kwalahaya. Kutani Xi ndzi byela, “I ku lemuriwa ka Swilemo leswiya swa Nkombo. Tlhelela ekaya.” Swingaleswi, hi loko ndzi ta.

¹⁴ Ndzi hlanganile na Makwerhu Fred na Makwerhu Norman, endzhaku ka awara, loko ndzi ta va kuma. A va nyanyukile va ri karhi va vulavula hi swona. Hi leswiya. Nakona sayense yi vula leswaku a swi kotekei kuva—kuva muxaka wun'wana na wun'wana wa—wa hunguva kumbe xin'wana na xin'wana xi fika ehenhla kukotisa sweswo, nkungwa, ntsuvi. Wa vona? Swi nga ya ntsena... A ndzi swi tivi. Ndzi—ndzi...

¹⁵ Hina, loko hi ya entsungeni wa malwandle, hi famba magidi nkaye wa magoza. Sweswo hi le henhla ka swidzedze. Sweswo hi kwalomu ka mune wa timayili. Kutani ndzi ngaku, a hi nge, kumbexani i khume ntlanu wa timayili ku kondza mi nga ha kumi mberha. Kambe leti i makume mbirhi-ntsevu wa timayili, nakona ri nembelerile kwalahaya siku hinkwaro. Wa vona? A va swi tivi leswaku Ri yini. Kambe, hi khensa Hosi, hina ha swi tiva.

Ndza ku khensa, Makwerhu Hickerson. Ndzi ta swi hlayisa edesikeni ra mina lahaya. Kutaku loko hi tsala buku, hikokwalaho ka yini, kutani hi tava na swona.

¹⁶ Ndzi na tinotsi tintsongo lahawani leti ndzi nga nyikiwa tona. Ndzi pfumela leswaku ku vile na ku engeteleka eka nhlayo ya hina hi mpfhuka ka loko ndzi vile kona nkarhi lowu nga hundza. Ndzi ehleketa leswaku vito ra yena i—i...leswintsongo, vito ra tata wa yena, David West. Nakona u na nakulorhi lontsongo lahawani loyi va lavaka ku n'wi nyiketa eka Hosi. Hi swona sweswo? Xana a kuri vusiku lebyi, kumbe xana a kuri vusiku bya Ravunharhu? A ndzi swi tivi. Swi na...Vusiku lebyi? Sweswo swi kahle. Kunene, swi tava njhani hi...Hi wena David, a hi wena xana? Sweswo hi leswi a ndzi ehleketa leswaku u swona. Swi lulamile. Swi ngava njhani loko mo tisa nakulorhi lontsongo haleno?

Loko sesi wa hina a nga ta lahawani eka piyano leyi, kutani a hi nyika risimu ra ku *Va Ngheniseni Endzeni*. Mufundhisi, loko a nga swi kota, ku ta haleno, hi ta nyiketa xifanyetana lexi eka Hosi. Sweswi, hi ringeta ku swi hlayisa hi Matsalwa.

¹⁷ Loyi i ntukulu wa wena, Makwerhu West. A swi tikombi swi koteka, a hi swona? Sesi West, u ehleketa yini hi mayelana na sweswo? Xana a swi... Ma swi tiva leswi ndzi swi ehleketa, hambiswiritano? Ma swi tiva, ndzi kokwani, na mina.

Swi ndzi tsundzuxa Makwerhu Demos Shakarian. A yimile emahlweni ka ntshungu wu kulukumba wa vanhu. U hlanganisela swilo hinkwaswo kukotisa leswi ndzi swi endlaka, ma swi tiva. A yimile kwalahaya. A ku, “Ma swi tiva,” a ku, “Ndzi—ndzi byerile Rose, a ndzi twa,” yaloye i nsati wa yena, a ku, “a ndzi twa ndzi khegule ngopfu hi mpfhuka ka loko ndzi vile kokwani wa xisati.” A ku, “Ee. Ndzi vula kokwani-...” Ma swi tiva, ndzi...

¹⁸ A wu wexe, Makwerhu West. Ku na vo tala va vona lahawani. Nakona swi lulamile. Ndzi ehleketa leswaku hakunene hi nga ha khensa vatukulu va hina. Leswi a swi... Ndzi tshembha leswaku leswi a swi nge twali swi bihile. Kambe hi nga hava na nkarhi wo tala na vona, ndza pfumela, ku tlula lowu hi ngava na wona na va hina—va hina vana. Ndzi vutisile nsati sweswo, siku rin’wana. A ku, “I ntiyiso. U va rhandza xinkadyananyana, u va tlherisela eka vamanana va vona, kutani va tifambela.”

¹⁹ Kunene, ndzi na ntukulu wa xinuna endzhaku lahaya. U te, “Papa, chumayela. Papa, chumayela.” Kutani va tekile minyikelo hi vusiku bya Sonto lowu nga hundza, kutani va yi tshika yi tshamile etafuleni. Va n'wi nghenisile endzeni, endzhaku lahaya, ivi—ivi a ndzi twa hi xiteka-marito. A ku, “Papa, chumeyela. Papa, chumayela.”

Kutani Billy a ku, “Ina, ehenhla *lahaya*.”

Yena a ku, "Ee." Nakona minyikelo yi hangalakile ehansi. A—a lava ku ta lahwani, ma swi tiva. Nakona u tshamela ro ndzi huwelela, wa ndzi tiva, wa ndzi vona eka khonivhexini yin'wana na yin'wana. Wa huwelela a ku, "Papa, chumayela." U huwelela hi matimba. Swingaleswi ndza swi tiva leswaku va xongile.

Mi nge ndzi ku, ndza tivutisa loko ndzi nga lomba yin'wana ya misisi liya? A nga yi lavi sweswi. Mina ndza yi lava. Xana i mani vito ra yena? [Sesi West a ku, "David Jonathan."—Muhleri.] David Jonathan. Xana rero a hi vito ro saseka? Kunene, ndza tshembha vutomi bya yena byi tekelela eka lava a nga thyiwa endzhaku ka vona. Davhida, wa hosi, Davhida; loyi, Kreste a nga ta tshama exiluveweni xa yena; na yena Jonathan, munghana la rhandzekaka. Ndza—ndza mi byela, hi vona vanakulorhi lavantsongo lava rhandzekaka. Ha va khensa, swinene ngopfu. Ndzi... U le ku pfukeni. Kutani u ta—u ta huwelela "amen" kahle kukotisa lavan'wana, ma swi tiva, swingaleswi ntsena a hi nge swi pfumeleli swi hi karhata. Hi n'wi nyiketa eka Hosi.

Ndzi ehleketa leswaku swi xongile swinene, kuva na varhandzani lavantsongo, lava Xikwembu xi nga va veka emavokweni ya vona nakulorhi lontsongo wo kotisa loyi, kutani va ta ku ta n'wi nyiketa eka Hosi. Nakona loko mi endla sweswo, swi kombisa leswaku a mi tano... leswaku mi tlherisela eka Xikwembu leswi Xikwembu xi nga mi nyika swona. Xikwembu xi n'wi katekisa.

Sweswi, loko u lava ku n'wi khoma, ndzi pfumela leswaku kumbexani manana a nga n'wi tlakula ku antswanyana ku tlula mina. Kutani swi ngava njhani loko hina ho n'wi tlhandleka mavoko? Swi nga antswa loko u swi endla sweswo? Hikuva, ndza chava leswaku ndzi nga n'wi wisa kumbe, ndzi nga n'wi wis, ndzi n'wi tshova kumbe swin'wanyana, ma swi tiva. Nakona ndzi tshamela ku chava ku va tshova, ma swi tiva. Mina—mina...

Meda u vurile, endzhaku lahaya... Ndzi ehleketa leswaku lowu i ntirho wun'we eka platifomo lowu a ndzi navelaka, ma swi tiva. U rhandza ku tlakula e...

Kunene, vonani laha, u ya eku ndzi langutiseni. I nakulorhi wa kahle. Ina, nkulukumba. Kumbexani ndzi nga n'wi tlakula. Ndza tivutisa. Oho, sesi, u nga... Ndzi tshembha leswaku a nge wi. Haleno, xana a hi ku xonga sweswo? Ku xonga kwaloko? Ku njhani? Kunene, sweswi, swi xongile.

A hi korhamiseni tinhloko ta hina.

Hosi Yesu, malembe mo tala lama nga hundza, loko Vukreste byi ta tswariwa hi xivumbeko xa Munhu loyi a vitaniwaka Kreste, Mesiya loyi a totiweke, Yesu a kuri Vito ra Yena. Vanhu a va tisa tindzumulo eka Yena, leswaku A ta tlhandleka mavoko ya Yena ehenhla ka tona na ku ti katekisa. Kutani U te, "Tshikani vana lavantsongo va ta eka Mina, nakona mi nga va sivel, hikuva ku Fuma ka Matilo i ka lava fanaka na vona." Varhandzani lava

lavantsongo, vakokwani va vona na vona va vile valendzeri va ntiyiso va Rito.

Hosi Yesu, ndzi tisa, na ku tlakusela eka Wena, yusiku lebyi, mufundhisi na mina, David Jonathan West loyi la rhandzekaka. Ndzi n'wi nyiketa eka Wena, ku suka eka manana na papa. Ndzi n'wi tisa eka Wena, Hosi, eka rihanyo, ntamu, vutomi byo leha bya ntirho, ku xixima Xikwembu xa Matimba hinkwawo, Lexi xi nga n'wi tisa emisaveni leyi. Ingaku minkateko ya Xikwembu yi nga tshama ehenhla ka yena. Ingaku Moya lowo Kwetsima wu nga tshama ehenhla ka n'wana. Loko ka hari na mundzuku, ingaku a nga rhwala Evhangeli leyi vatsvari va yena na vakokwani va yena va yi hlayiska swonghasi namuntlha. Hi nyike swona, Hosi. Sweswi, hi Vito ra Yesu Kreste, ndzi Ku nyiketa n'wana loyi, hi ku katekisiwa ka vutomi bya yena. Amen.

Ndzi pfumela leswaku va lava ku teka xifaniso xa nakulorhi lontsongo. [Khamera yi ntlokola—Muhleri.] Ndzi tlurile, na mina.

Xikwembu xi ku katekisa, sesi. Ingaku u nga tshama u ri karhi u rhandza na ku hlayissa Hosi Yesu, na nakulorhi lontsongo a kurisiwa hi ku lerisa ka Xikwembu, kutani mi va na xifanyetana xa kahle swinene. Ndzi na ntiyiso. Xikwembu xi mi katekisa.

Ndzi pfumela leswaku u wisile xiphaza xa yena? Xana va xi kumile? Oho, mina!

Sweswi a hi yimbeleleni risimu leriya rintsongo, *Va Nghaniseni Endzeni*. Munhu un'wana na un'wana, kun'we sweswi, eka nakulorhi lontsongo. Swi lulamile, sesi.

Va ngheniseni, va ngheniseni,
Tisani lavantsongo eka Yesu.

²⁰ A ndzi tivi mavoko yo antswa yo va veka kona. Xana ma ya tiva? Mavoko ya Hosi Yesu!

²¹ Sweswi, ndza swi tiva leswaku ka hisa ehandle lahaya. Ndzi lava ku byela mubasisi, makwerhu wa mina, Doc, kumbe un'wana, lava va wu hlayiska. Van'wana vasesi va le ku onheriweni ka swikete swa vona hi—hi girisi leyi nga ehenhla ka switulu. I va ngani lava nga na yin'wana ya yona ehenhla ka vona? Ndza swi tiva, kuna nsati wa mina, vanhwana va mina vambirhi, Betty Collins lontsongo, Manana Beeler, na van'wana va vona. I nchumu wun'wana, girisi leyi nga ehenhla lahaya. Loko a wo yi langutisa, Doc, loko u swi kota. I, ndzi pfumela leswaku, hi laha va . . . I girisi kumbe pende, kumbe swin'wana, kona kwalahaya va tirhaka ehenhla na le hansi, ka switulu. Kutani a hi yona? [Makwerhu Edgar “Doc” Branham a ku, “Ku hava girisi ehenhla ka swona, yo yi susa eka swona.”—Muhleri.] Kunene, a ndzi—ndzi swi tivi leswaku i yini, manuku. Nchumu wun'wana lowu ntsena ndzi nga . . . Ndzi byeriwile wona, kutani ndzi ta wu vula eka—eka Doc. Swi lulamile.

Sweswi, nhlengeletano ya xikhongelo xa vusiku bya Ravunharhu. Ku ngava kuri na xin'wanyana? Mi tivisile? U na swona switiviso swa wena, Makwerhu Neville? Switiviso hinkwaswo swi kona.

²² Sweswi, loko Hosi yi swi rhandza, hi mixo wa Sonto lowu taka, ndzi lava ku vulavula hi dyondzo ya ku hehla rixaka leri hi ku vamba Kreste. Mi ri, "Rixaka leri a ri tava ri nga swi endlanga." Hi ta swi kumisia loko ri swi endlile, kumbe ee, hi kuya hi Rito. Sweswi, hi mixo wa Sonto lowu taka, loko Hosi yi swi rhandza. Loko, sweswi, loko-loko-loko swin'wana swi humelela...

²³ Ndzi fanele kuva eHouston vhiki leri, na kona, eka khonivhexini, leyi nga ta ndzi teka ku fika hi Sonto, swingaleswi a ndzi tivi hambi ndzi ta swi kota kumbe ee. Kambe hi na Tisonto to hlayanyana to tlanga ha tona, loko yi nga se fika, hambiswiritan. Kutani hi ya eChicago eka khonivhexini, kumbe nhlengeletano eChicago, hi vhiki ro hetelela eka n'hweti leyi. Kutani ndzi ta fanele ku ttherisela ndyangu eArizona, hikuva—hikuva ku vhakacha ka vona ku herile na swona vana va fanele ku tlhelela exikolweni.

²⁴ Sweswi, i va ngani lava va nga tiphina hi ku hlayiwa ka Rito, na minkateko ya Hosi? [Nhlengeletano yi ku, "Amen."—Muhler.] Hinkwerhu hi tiphinile, hilaha kukulu.

²⁵ Sweswi, ka hisa, nakona ndza swi tiva leswaku van'wana va n'wina mi tlhelela ekaya vusiku lebyi. Ndza swi tiva leswaku Makwerhu Rodney na Charlie, na vona, va fanele ku chayela tindlela to leha. Kutani yimaninyana, mi vhakachile, a hi swona? Kunene, ndzi twa leswaku mi ya eku phaseni ka tihlampfi.

"Hosi a yi pimi nkarhi eka munhu loko a ri eku phaseni ka tihlampfi. A wu dyuhali loko u ri karhi u phasa tihlampfi." Swingaleswi, sweswi, n'wina vanhwana mi famba na vona. Wa vona? Kutani ndzi ta rhelela ndzi ta mi joyina, loko ndzo swi kota. Nakona ma swi tiva, "Hosi leyinene," va te, "a yi pimeli nkarhi eka munhu loko a ri eku phaseni ka tihlampfi." Swi endleni ko tala loko mi—loko mi titwa ingaku mi hlangananile. I nchumu wa kahle ku tlurisa kuva mi wisela kona, lowu ndzi nga kala ndzi wu kuma evuton'wini, i kuya eku phaseni ka tihlampfi.

²⁶ A ndzi ri na xikhadana, nkarhi wun'wana, xo huma eka Nkul. Troutman. Ku ngava kuri na loyi a tsundzukaka Nkul. Troutman, khamphani ya ayisi eNew Albany? A ri na xikhadana kwalahaya, a ku, "Ehandle eku phaseni ka tihlampfi." Kutani a ya emahlweni, a ku, "Wanuna loyi a nga na... Wanuna un'wana na un'wana, vamakwenu va yena, va le handle eku phaseni ka tihlampfi. Hi voko leri pfunaka, va tshamela ku tsavula, ehandle eku phaseni ka tihlampfi." A ri na nhungu kumbe khume wa swilo swo hambana. Kute loko a fika le hansi, a ku, "Munhu u le kusuhi na Xikwembu loko a ri ehandle eku phaseni

ka tihlampfi.” Swingaleswi ndzi ehleketa leswaku sweswo swi lulamile. “Swifumi na swisiwana hinkwavo va fana, ehandle eku phaseni ka tihlampfi.” Wa vona? “Voko leri pfunaka, u ta tshamela ku tsavula, ehandle eku phaseni ka tihlampfi.” Kutani hinkwaswo a swi ri hi mayelana na kuya, “Ehandle eku phaseni ka tihlampfi.”

²⁷ Kunene, ndzi ta mi byela ku phasa kun’wana loku ndzi nga ku endla kwalomu ka makume nharhu-nharhu wa malembe lawa ya nga hundza, ku vile ku phasa mimoya ya vanhu. Ingaku Hosi yi nga hi pfuna ku wina hinkwavo lava hi nga ta va kuma.

²⁸ Sweswi, vusiku lebyi, leswi swi le ku thepiweni. Sweswi, mixo lowu, (loko Jim a ri kona, kumbe eku thepeni), ndzi—ndzi ehleketa leswaku, eka thepi, munhu un’wana u kokile rinoko ra mina eka swona, ndzi ku, “Eksoda ya vumbirhi.” A ndzi nga vuli ya *vumbirhi*. Hi yona, “Eksoda ya vunharhu.”

Moya lowo Kwetsima hi xivumbeko xa Langavi ra Ndzilo, Xikwembu xi ri karhi xi xikela ehansi eku tivonakariseni, xi humelerisile eksoda yo rhanga, kutani—kutani endzhaku eka... xi humesile Israel ehandle ka Egipta.

Eksoda ya vumbirhi a kuri loko Kreste a humesa Kereke ehandle ka Xiyuda.

Kutani, *Eksoda Ya Vunharhu*, hi loko Langavi ra Ndzilo leri fanaka ri humesa Mutekiwa ekerekene. Wa vona? Ehandle ka ntumbuluko; ehandle ka swa ximoya; na swa Ximoya ehandle ka swa ximoya. Leswi swi nharhu, wa vona, swa Ximoya ehandle ka kereke, swa antswa. Kutani hi kuma leti nharhu, tinguva tinhарhu ta swona.

²⁹ Sweswi, vusiku lebyi, a ndzi lava ku endla thepi yin’wanyana, kutani yaleyo a yi vuriwa: *Xana Vutomi Bya Wena Byi Yi Ringanerile Evhangeli-ke?* Kumbexani a yi nga teki nkarhi wo leha ngopfu. Kunene, ntsena Matsalwa yan’wana na tinotsi leti ndzi nga na tonna lahawani, kambe xo sungula hi lava ku hlaya Rito ra Xikwembu. Loko hi nga se endla sweswo, hi ta korhamisela timbilu ta hina eka Xona ntsena xinkadyana.

³⁰ Hosi Yesu, wanuna un’wana na un’wana, enyameni, kumbe wansati, kumbe n’wana, a nga ha tlherisela mapapila ya Bibeleyi endzhaku, kambe ku hava na un’we loyi a nga ta Yi paluxa ehandle ka Wena. Ndza swi khongelela, Hosi, ku teka tsalwa leri tani hilaha swi nga vekiwa hakona embilwini ya mina ku ri rhumela ehandle ku tsemakanya matiko, eka vanhu, leswaku va ta tiva leswaku i vutomi bya muxaka muni lebyi byi lavekaka eka vona kuva va byi hanya. Hikuva, vo tala swonghasi va ndzi vutisile, “Xana Vutomi bya Xikreste i vutomi bya ntirho wa kereke-ke? Xana ku ngava kuri ku pfuna swisiwana, lava pfumalaka? Kumbe kova xirho xa nkarhi na nkarhi? Ku ngava kuri vutshembheki byo tshembheka eka kereke?” na swivutiso swo tani hi sweswo. Tatana, ingaku nhlamulo yo lulama yi nga ta

vusiku lebyi, hi marito lawa, loko ha ha endla hi matimba ku—ku swi yisela vanhu. Hi Vito ra Yesu Kreste, ha swi kombela. Amen.

³¹ Sweswi pfulani Tibibele ta n'wina, eka Buku ya Mukwetsimi Luka, kutani hi ta sungula eka kavanyisa ka vu14 na ndzimana ya vu16, ku hlaya Matsalwa yo karhi eku endleni ka masungulo, eka vuyimelo, eka leswi hi nga ta ringeta ku veka kwalomu ka makume nharhu kuya eka makume mune wa timinetse eka swona. Sweswi, ndzimana ya vu16 eka kavanyisa ka vu14 eka Mukwetsimi Luka.

Kutani a ku ka yena, Munhu un'wana u tshama a endla nkhuvu lowukulu wa swakudya, a rhamba vanhu lavo tala eka wona:

Kutani hi nkarhi wa ku dya a rhuma nandza wa yena ku ya tivisa lava va rhambiweke a ku, Tanani; hikuva—hikuva swilo hinkwaswo swi lunghisiwile.

Kambe hinkwavo va va nomu wun'we ku tilandzula. Lowo sungula a ku ka yena, ndzi...xavile nsimu, kutani ndzi fanele kuya yi vona: ndzi kombela leswaku u ya va byela va ndzi khomela.

Kutani un'wana a ku, ndzi xavile khume ra tihavi, kutani ndzi ya eku ti ringeten: ndzi kombela leswaku u ya va byela va ndzi khomela.

...un'wana a ku, ndza ha ku teka nsati, ... hikokwaho a ndzi koti ku ta.

Swingaleswi e nandza a tlhela, a ya tivisa n'wini wa yena e timhaka teto hinkwato. Kavaloko n'wini wa yindlu a kariha a ku ka nandza wa yena, ...

Xiyisisani, a hi malandza. "Nandza."

...Hatlisa u ya eswitarateni ni le mitsendzeleni, ni le madorobeni, u tisa haleno evapfumari, ni swilema, ni lavo khwita, ni mabofu.

Kutani nandza a ku, Hosi, ku endliwile hilaha u nga lerisa hakona, kambe vutshamo bya ha ri kona.

...n'wini a ku ka nandza, Famba etindleleni ni le mahlampfini, u sindzisa vanhu e ku nghena, leswaku yindlu ya mina yi tala.

Hikuva ndzi ri ka wena, A kuna munhu na un'we wa lava vitaniweke la nga ta nantswa nkhuvu wa mina.

³² Sweswi, xana mi swi lemukile, a kuri na ku koka ku nharhu, kumbe ku hundzuluxa ku nharhu, eka swona? Loko va tava va humile, ro sungula, kutani va vitana lavaya, kumbe, a va rhambiwile ku ta, nakona a va swi endlanga. Swingaleswi ku humile pfhumba ra ku horisiwa, ri huma kuya kuma mabofu na lava va khwitaka. Na swona ku tamile ka hari na vutshamo,

swingaleswi u humile kuya sindzisa lava kahle, lavo biha, na lava nga riki kahle; leswaku va nghena.

³³ Sweswi, mi xi hlayile xifananiso xin'wana xa leswi, swin'wana swa mukhuva wa xona, eka Matewu 22:1 kuya eka 10, loko mi tsakela ku xi hlaya, endzhaku ka nkarhi. Kambe ndzi—ndzi kokile dyondzo leyi ku suka kona: *Xana Vutomi Bya Wena Byi Yi Ringanerile Evhaneli-ke?*

³⁴ Sweswi, Yesu lahawani u le ku vuleni... Munhu nkarhi hinkwawo u ringetile ku endla swilandzulo, kuva a nga amukeli Rito ra Xikwembu ra xirhambo xa Xona. Ambi loko xi ngava xi khorwisile hi matimba eka vona, leswaku i—leswaku i Nkuhuwa wa Xona na xirhambo xa Xona, kambe munhu minkarhi hinkwayo u tshamela ku endla swilandzulo. Kutani loko mo hlaya Mukwetsimi Matewu 22, mi ta kuma leswaku swilandzulo swi endliliwile lahaya, na kona. Nakona—nakona va ringeta...

³⁵ Yi tlhelerile endzhaku eka tinguva hinkwato. Yi tlhelela endzhaku eka nguva yaleyo, kutani yi ku wanuna u va komberile, nakona—nakona a ri na nsimu ya vhinyo. Kutani hi kuma xifananiso xexo. Na hilaha a nga rhumela malandza ya yena kuya rhwalela ensin'wini leyi ya vhinyo. Nandza wo sungula a ya, xana va endlile yini? Va n'wi hlongorisa. Nandza wa vumbirhi a ya, na yena va n'wi khandla hi maribye. Kutani va hlongorisa nandza endzhaku ka nandza; vavanuna lava tihanyi. Hosi yi rhumela, eku heteleleni, jaha ra yona. Kute loko jaha ra vona ri vuyile, ha swi kuma, leswaku, "Va te, 'Loyi i mudyandzhaka. Hi ta n'wi dlaya, kutani hi tava na swilo hinkwaswo.'" Kutani Yesu a ku ka vona, "Hosi yi rhumerile kutani yi dlaya vadlayi lavaya, na ku hisa madoroba ya vona."

³⁶ Sweswi, wa vona, loko Xikwembu xi nyika munhu xirhambo, na ku endla swin'wana, kumbe ku amukela xirhambo lexi Xi nga n'wi nyika xona, ivi a xi tekela ehansi, kutani a ka hari na lexi nga sala, endzhaku ka loko ntsetselelo wu tsan'wiwile, ehandle ka ku avanyisa. Loko u kandziya ehenhla ka mindzilakano ya ntsetselelo, kutani kuna nchumu wun'we ntsena lowu nga sala, nakona sweswo i ku avanyisa. Kutani hi kuma leswaku munhu u endlile sweswo eka tinguva hinkwato. Swi humelerile, hakanyingi eka nguva yin'wana na yin'wana, eBibeleni.

³⁷ Loko Xikwembu xi rhumela Nowa, nandza wa Xona, kutani xi endla ndlela yo baleka ha yona eka vanhu hinkwawo lava a va lava ku—ku ponisiwa. Kambe vanhu va lo hleka na ku sapatela Nowa. Kambe Xikwembu xi endlile ndlela, kambe a vari na xilandzulo. A yi ngari hi kuya hi ku ehleketa ka vona—ka vona ka ximanguva lawa. A yi ngari... A yi ngari ndlela leyi a va yi lavisa xiswona, swingaleswi va endlile swilandzulo hi masiku ya Nowa.

³⁸ Va endlile swilandzulo hi masiku ya Muxe. Va endlile swilandzulo hi masiku ya Eliya. Va endlile swilandzulo

hi masiku ya Kreste. Na swona va endla swilandzulo na namuntlha.

³⁹ Sweswi, Xona xi ri karhi xi vulavula ku kongomana na Israel, lava a va vitaniwile enkhubyeni, laha na mina ndzi nga swi tirhisaka namuntlha eka vanhu, kereke, lava va nga komberiwa ku ta enkhubyeni, nakona va nga swi endli, nkhuvo wa ximoya wa Hosi. Nakona va ngaka va nga swi endli. A va lavi ku swi endla. Va na swilo swin'wana swo swi endla. Va kuma swilandzulo.

⁴⁰ Sweswi, loko Israel, magidi mbirhi wa malembe lawa ya nga hundza, a ri lo amukela xirhambo lexi a ri nyikiwile xona, a va nga tava va vile hi ndlela leyi va nga xiswona namuntlha. Magidi mbirhi wa malembe lawa ya nga hundza, Israel ri arile xirhambo xo ya enkhubyeni wa vukati, kutani va xi arile ivi va ya eku avanyisiweni. Kambe, tani hilaha Yesu a nga swi vula, va khandlile na ku dlaya vaprofeta lava a va rhumeriwile vona, hi ku endla swilandzulo, sweswi, swilandzulo leswi a va swi endla siku rin'wana na rin'wana.

⁴¹ Ha swi kuma, hi masiku ya Yesu, leswaku A nga—A nga tihlanganisanga na un'we wa vona. Va te, “Xana Munhu loyi u yi kuma kwihi dyondzo leyi? Xana U huma exikolweni xihi? Xana Loyi a hi yena N'wana wa muvatli? Xana mana wa Yena a nga vitaniwi Mariya? Xana vamakwenu va Yena i, Joses na James, na van'wana? Nakona xana vasesi va Yena a va na hina? Kutani xana Munhu loyi u ma kuma kwihi matimba yo endla leswi?” Wa vona? Hi marito man'wana, A nga tihlanganisanga na vona. Swingaleswi va ku, “Hi yena Beelzebub. Hi yena Musamariya. U na javulosi, nakona Wa penga. Hi yena—hi Yena... Hi yena Munhu loyi a nga na moyo lowo biha, eka ntila wa vukhongeri, nakona wu N'wi hlanganisile nhloko. Kutani sweswo hi leswi. U le handle lahaya kukotisa munhu wa nhova. Mi nga N'wi tekeli enhlokweni.” Kutani ha swi tiva leswi nga humelela Israel. Nakona va kalakarile. A va ri na ntiyiso wa leswaku Munhu luya a hoxisa, ku kondza, oho, loko va N'wi avanyisa, va ku—va ku, “Ngati ya Yena a yi ve ehenhla ka hina na le henhla ka vana va hina.” Kutani Yi vile kona ku sukela nkarhi wolowo.

⁴² Yesu a ri karhi a ringeta kuva byela leswaku swilandzulo swa vona a kuri leswi nga dlaya vaprofeta, na leswi nga dlaya lavo lulama lava nga ta. Va amukerile mikhuva ya vona leyi vanhu a va va nyikile yona, ematshan'wini ya ku teka Rito ra Xikwembu. Kutani, hi ku endla tano, va endlile leswaku Rito ra Xikwembu ri ngavi na ntikelo.

⁴³ Sweswi, u nga hava u boheka ku vula, eka leswi, leswaku *Leswi* i ku rhandza ka Xikwembu na ku navela ka Xikwembu, kumbe ku nga hava nchumu wun'wana lowu u nga wu humelerisaka, leswaku wu antswa ku tlula leswi *Leswi* swi nga xiswona. Sweswi, u fanele ku teka xin'we kumbe lexin'wana.

U ngaka u nga tirtheli Xikwembu na mamoni. U boheka ku vula leswaku, "Lowu i Ntiyiso," kumbe "Sweswo i xiphemu xa Ntiyiso," kumbe "A hi Ntiyiso na swintsongo," kumbe "A swi vekiwanga kun'we hi ndlela yo lulama," kumbe "A swi hlamuseriwanga kahle."

Kutani Bibele yi vurile, leswaku, "Rito ra Xikwembu a ri na nhlamuselo ya le xihundleni." Ku hava na un'we loyi a faneleke ku veka nhlamuselo eka Rona, Ri tsariwile ntsena hi ndlela leyi Xikwembu xi lavaka leswaku Ri hlamuserisiwa xiswona. Ntsena leswi Ri swi vulaka, Sweswo, sweswo hi leswi swi faneleke kuva xiswona. Ntsena Ri tekeni hi ndlela leyi Ri nga vuriwa hakona, hi ndlela leyi Ri nga tsariwa hakona ehansi Lahawani.

⁴⁴ Sweswi, va amukela mikhuva ya vona. Va endla leswaku switshembhiso swa Xikwembu swi nga vi na ntikelo eka vona. Va tlula Sweswo. Va tlulela ekule na Swona.

⁴⁵ Sweswi, loko Russia a ri amukerile Nkateko wa xipentekosta, makume nkombo-ntlhanu wa malembe lawa ya nga hundza, loko Moya lowo Kwetsima wu ta wela eRussia, a va tava va ngari makhomonisi namuntlha. Sweswi, makume nkombo-ntlhanu wa malembe lawa ya nga hundza, va vile na mpfuxelelo lowu kulukumba eRussia. Xikwembu xi tile exikarhi ka vona, kutani va vile na mimpfuxelelo leyi kulukumba, ndlela hinkwayo kuya eSiberia. Kutani xana va endlile yini? Va Ri arile. Kutani namuntlha, tiko ri fambile, na swona tikereke ti ngaka ti ngavi na kereke, ntsena ehansi ka mpfumelelo. Nakona va weriwile hi khombo ra ku avanyisiwa. Va sukile va famba hi xifafa lexi nga lawulekiki lexi xa xikhomonisi; va tixavisa eka javulosi.

⁴⁶ Makume ntlhanu wa malembe lawa ya nga hundza, Moya lowo Kwetsima wu werile eNghilandhi. Ntsena endzhaku ka sweswo ku tile George Jeffreys, na F.F. Bosworth, na Charles Price, Smith Wigglesworth, tinenha letiya tikulukumba ta ripfumelo, makume ntlhanu wa malembe lawa ya nga hundza, kutani ti nyiketa Nghilandhi mpfuxelelo wa Moya lowo Kwetsima. Kambe xana va endlile yini? Va va hlekurile, va va hoxa ekhotsweni, va va vula ku penga, a va ehleketa leswaku va hlanganile tinhloko. Tikereke ti alerile vanhu kuta va ta va yingisela. Na swona va horisile vavabyi, na ku hlongola vajavulosi, na ku endla mintirho leyikulu. Kutani hikokwalaho kova Nghilandhi, tani hi tiko, ri arile Evhangeli, swidyocho swa rona—rona swi tiveka misava hinkwayo. Ku hava e—e tiko ra vugwinihi byo tala emisaveni hinkwayo, hambi kuri ku katsa Rhoma na Furwa, ku tlula Nghilandhi. Hi rona manana wa vugwinihi. Kona kwale Finney na vo tala vavanuna lava kulukumba va nga chumayela kona, eka—eka Haymarket, na Charles G. Finney, na Wesley, na kuya ehansi, kutani ri Yi ala.

⁴⁷ Kutani sweswi, hambi kuri vhiki leri nga hundza, kumbe mambirhi, emaphepheni, mi kuma laha vavanuna va vona lava kulukumba va nga tsana hakona eka—eka rimbewu ra vaxisati, ku kondza tinhlorhi ti nghena. Kutani murhangeri wa vona u kumile van'wana va vona. Timagazini ti swi pakile. Vudyoho bya vona bya xihehlo, kwalahaya eka hulumende wa vona, byi byarile vito ra vona ra tingana ku rhendzeleka na misava. Hikokwalaho ka yini? Ri arile Ntiyiso. A ri ri na ku tilandzula ka rona, nakona ri herile. Nghilandhi ri hundzeriwile, eka Xikwembu, nkarhi wo leha lowu nga hundza. Loko . . .

⁴⁸ Amerika, khume ntlanu wa malembe lawa ya nga hundza, loko mpfuxelelo lowu kulukumba wo horisa wu yile emahlwени ku sukela hi pentekosta, wu sungurile etikwени, nakona a kuri na mimpfuxelelo entsindza, Washington, DC. Tipresidente, vaseketeri va tipresidente, vanhu lava kulukumba, tigavhenara; swilo leswi kulu swi humelerile, tigavhenara na—na vanhu va horisiwile. Kukotisa, Congressman Upshaw u vile xilema kwalomu—kwalomu ka makume ntsevu-ntsevu wa malembe, nakona a va nga ta hundzuluxa swikandza swa vona va vula leswaku a swi ngari tano. A swi ri kwalahaya mahlweni ka vona, kambe va Xi arile.

⁴⁹ Kutani, vusiku lebyi, xexo hi xona xivangelo xova tiko leri ri tshamile. Ri weriwile hi khombo. A ka hari na ntshembho eka rona, na swintsongo. Ri tsemakanyile layini exikarhi ka ku avanyisiwa na ntsetselelo. Nakona ri hlawurile eka leswi ri nga na swona lahawani, ku lawula tiko. Kutani ri borile, ku fika ensinghwени. Tipolotiki ta rona ti borile. Ndzhuti wa tiko leri wu le hansi ku tlula xin'wana na xin'wana lexi ndzi nga ehleketa hi xona. Na swona mafambiselô ya vukhongeri bya rona ya borile ku tlula ndzhuti wa rona. Ri hundzuka, hi ku endla leswi, sweswi ri joyinile hi roxe, na tikereke leti hinkwato, na ta tiko, eka mavandla ya tikereke, nakona ri tekile mfungho wa xivandzana. I nchumu muni! Hikokwalaho ka yini? Kreste u va nyikile nkateko, “Tanani enkhubyeni wa Mina,” nkhuvo wa pentekosta, leswi vulaka “makume ntlanu.”

⁵⁰ Loko Moya lowo Kwetsima wu chululekerile eRussia, a va vitaniwile eka nkhuvo wa pentekosta, nkhuvo wa ximoya, nakona va Wu arile. Nghilandhi, Moya lowo Kwetsima wu chululeriwile ehenhla ka vona, kutani va Wu arile. Amerika, Moya lowo Kwetsima wu chululeriwile ehenhla ka vona, nakona va Wu arile.

⁵¹ Xi va komberile ka nharhu. Ka nharhu, Xi rhumerile, nakona a va wu yingisanga nkhuvo. Kutani Xi va rhumerile nakambe, kutani Xi ku, “Fambani mi ya sindzisa vanhu lavaya kuva va ta. Tafula ri fanele ku lunghisiwa. Tafula ri lulamile. Ka hari na vutshamo.” Kutani ndza pfumela, leswaku, kumbexani, kumbexani kwala xikarhi ka tin'hweti tintsongo leti taka, kumbe swin'wana, kumbe lembe, kumbe hambi ku ngava kuri

yini, Xikwembu xi ya eku rhumeleni ka ku ninginisa kun'wana ku tsemakanya tiko, hikuva ka hari na munhu un'wana le handle, kun'wana, loyi a nga Mbewu leyi nga hlawuleriwa emahlweni, loyi ku Vonakala ku faneleka ku wela ehenhla ka yena, kun'wana, kun'wana emisaveni. Tiko, rona hi roxe, ri fambile.

⁵² A ndzi langutisile eka magazine wa *Life* wa vhiki leri; ehansi le, kunene, ehansi le Little Rock, siku rin'wana, kumbe, swa antswa, Hot Springs. Kutani kwalahaya ndzi vonile, ndzi pfumela leswaku a kuri gavhenara wa tiko ra New York, a ri na muxaka wa lava vo hluvula swiambalo eHonolulu, a ri karhi a cina na yena. Sweswi...Kutani kwala, ehansi ka sweswo, a kuri na wanuna un'wana a tivekaka. Oho, i tingana muni! Langutisani tiko ra hina namunlha. Langutisani xiyimo xa tiko ra hina—ra hina. Langutisani laha ri ngaya kona, hi laha ri nga mbombomela ehansi hakona.

⁵³ Langutisani mafambisele ya vukhongeri bya hina namunlha. Xana swi nga endlekisa ku yini leswaku tikereke ti nga kala ti fika eka xiyimo lexi ti nga xiswona sweswi? Swi hikokwalaho kova ti arile na ku kaneta Hungu ra Xikwembu, xirhambo xa kuya enkhubyeni. Xana mi nga vitana vutomi byo tani hi byebyo kuva byi ringanerile Evhangeli? Xana mi nga vitana vutomi, lebyi nga vekaka na ku pfumelela vanhu va byona—byona ku endla swilo sweswo, ku dzaha tisigarete?

⁵⁴ Siku rin'wana, kona kwala, kereke yo karhi, xipani xa liki lowuntsongo a xi ri karhi xi tlanga kwala ephakini, na swona xijahetana xa sivara wa mina i muhoxi wa bolo eka swin'wana swa swipani. Swingaleswi a xi ri kwalahaya xi ri karhi xi hoxa bolo, nakona a kuri na nhlangano wa kereke wu ri karhi wu tlanga. Kutani a kuri na mufundhisi, na vanakulorhi lava lavantsongo ehandle le rivaleni ra mintlangu, va ri karhi va tlanga. Kutani mufundhisi a dzaha sigarete endzhaku ka sigarete, wa kereke ya vuakelani bya kwala kusuhi na hina. Nakona xana mi nga n'wi anakanya wanuna...Na hambi kuri vanhu lava a va tshamile eka vahlaleri va swi xiyisisile. Kambe swi fika laha va nga ha swi tekeriki enhlokweni.

⁵⁵ Kereke yin'wana leyikulu, kereke ya Baptist, leyi ndzi yi tivaka, yi pfumelela kereke yi huma eka xikolo xa Sonto, hi khume ntlhanu wa timinetse tin'wana to engetelela, leswaku mufundhisi na lavan'wana hinkwavo va ta kota kuya yima ehandle va dzaha, loko va nga se tlhelela endzeni va ya tirha ntirho wa Hosi. John Smith, musunguri wa kereke liya, u khongerile hi matimba, leswaku Xikwembu xi rhumela mpfuxelelo, ku kondza matihlo ya yena ya pfimba ya pfaleka ni vusiku, kutani nsati wa yena a boheka ku n'wi heleketa etafuleni a ya n'wi dyisa hi lepula. Loko... Wanuna luya a ta hundzuluka esirheni ra yena loko a swi tiva leswaku kereke liya yi fikile eka xiyimo xexo. Xana i yini? Va komberiwile kuva va ta, ivi va swi

ala. Wolowo i nchumu wuri woxe. Nakona ma swi tsundzuka, Yesu u vurile, kona kwala, leswaku lavaya va nga rhambiwa, ivi va ala, va ngaka va nga nantswi nkhuvo wa Yena.

⁵⁶ Loko Xikwembu xi rhumela Moya lowo Kwetsima kutani wu gongondza enyangweni wa munhu, ivi a Wu ala ha vomu, nkarhi wun'wana u tava a Wu alela makumu, kutani a wu nga ha tava ximunhuhatwa xa nkateko. U nga ha tshama ekerekeni u yingisela Evhangeli, u tlhela u pfumelelana na Evhangeli. U nga ha endla swo tala ku fana ni ku vula leswaku, "Ndza swi tiva leswaku Yi lulamile," kambe u nga pfuki u vekile rintiho ra wena ehenhla ka Yona, ku Yi pfuna, wena n'winyi. Wa vona? Ntsena wo Yi yingisa, hikuva u ri, "Ndza pfumela leswaku Yi lulamile." Sweswo ntsena kova ku tiputa hi Yona.

Ndzi nga vula leswaku, "Ndza pfumela leswaku *yalawa* i khume ra magidi ya tidolara." Sweswo a swi vuli leswaku ndzi na wona. Wa vona? Ndzi nga ha vula leswaku, "*Yalawa* i mati yo titimela kahle," kambe ndzi ala ku ya nwa. Ma swi tiva leswi ndzi swi vulaka?

Kutani lebyi i Vutomi lebyi nga Heriki. Kutani ku byi ala, siku rin'wana mi ta tsemakanya layini exikarhi ka ku avanyisiwa na ntsetselelo, kutani a mi nga ha tava na nkateko wo ta mi ta Byi amukela.

⁵⁷ Eka n'wina vanhu lava mi taka lahawani. A ndzi na vutihlamuleri eka lavaya va...kumbe—kumbe lava tiministara tin'wana ti vulavulaka na vona. Kambe, loko Yi lulamile, mi kolota vutomi bya n'wina eka Yona. Xana hi swihi swin'wana leswi mi nga ha swi kumaka, leswi swi nga vaka ku vuyeriwa lokukulu eka n'wina, ku tlula ku tiva leswaku mi na Vutomi lebyi nga Heriki?

⁵⁸ A swi tava njhani loko a ndzi ri eku mi nyiken'i ka tiphilisi lahawani, leti, ti nga khorwisiwa hi xisayense, ti nga khorwisiwa hi xisayense leswaku philisi leyi yi nga mi endla mi hanya gidi ra malembe? Kunene, a ndzi—ndzi ta boheka ku kuma vuthu ra nyimpi ehandle lahawani, na ku ri rhurhisela ekule na ndhawu ley. A mi nga ta boheka ku endla ku vitana ka le altarini hikokwalaho ka swona. Ntsena a mi to fanelia ku va bela ekule na swona, kuva mi hanya gidi ra malembe.

Kutani, hambi leswi, swi nga khorwisiwa hi xisayense leswaku Xikwembu xa hilaha ku nga Heriki, matimba ya Xona hinkwawo ya ku pfuxa ka Xona, lawa ya mi tshembhisaka Vutomi lebyi nga Heriki, kutani Sathana u ta veka mavandla ya yena ehandle lahayna ku mi sivela ekule na Byona. Wa vona? Hambiswiritanu, mi nga ha langutisa, na kuva na vutitwi byo ringanelia kuva mi langutisa exikandzeni xa Byona mi tlhela mi swi vona leswaku Byi lulamile, kambe mi Byi ala. Wa vona?

⁵⁹ Swin'wana, muxaka wa ku tilandzulela. "Ku hisa ngopfu. Ndzi karhele ngopfu. Ndzi ta swi endla, mundzuku." Ntsena

muxaka wo karhi wa ku tilandzulela, sweswo hi leswi va swi endlaka. Hi ku ala siku ra ku endzela, swi mi hambanisa mi ya ekule na Xikwembu.

⁶⁰ Sweswi, ha swi xiyisisa. Kutani, eka Testamente ya Khale, a vari na leswi a va swi vitana lembe ra jubili. Sweswo a kuri loko vanhu hinkwavo, lava a vari mahlonga, a va ta ntshuxiwa loko jubili yi yimbiwa. Kutani loko munhu a nga humeli ehandle, loko kuri na ku ti landzulela loku a ta ku nyika, leswaku a nga lavi ku tlhelela eka rikwavo, kutani a boheka kuva a funghiwa endleveni, hi ntlhavo, emhandzini ya tempele. Kutani swi ngari na mhaka leswaku i tijubili tingani leti ti taka, munhu yaloye a va a xavisiwile. A nga ha ta pfuka a tlhelelerie eIsrael tani hi muaka tiko, na kan'we. Xana u endlile yini? U arile xirhambo xa yena. A nga fanelanga ku hakela nchumu. Xikweleti xa vuholonga bya yena a xi herile. Ndyangu wa yena a wu ntshuxekile. A ta tlhelela endzhaku etikweni ra yena ra rikwavo a ya kuma rifuwo ra yena. Kambe loko a ala ku swi endla, kutani a nga ha hlayiwi na Israel na kan'we, kutani rifuwo ra yena a ri nyikiwa munhu un'wana.

⁶¹ Sweswi, nchumu lowu fanaka eka ntumbuluko wu tirha na le ka swa ximoya. Leswaku, loko hina, tani hi vadya-ndzhaka va Vutomi lebyi nga Heriki, hi nga twa Evhangeli na ku tiva leswaku Yi ntiyiso, ivi hi Yi ala, kutani hi kaneta ku swi endla kumbe ku Yi yingisa, hi teka mfungho wa xivandzani.

⁶² Sweswi, un'wana u te, "Sweswi, ku tava na—na mfungho wa xivandzana, wu ta fika siku rin'wana." Mi nge ndzi mi byela. I khale wu fikile. Wa vona? Xikan'we-kan'we loko Moya lowo Kwetsima wu sungula ku wa, mfungho wa xivandzana wu sungule ku teka ndhawu. Wa vona?

⁶³ Mi na swilo swimbirhi ntsena. Xin'we xa swona, i, ku Wu amukela, mi teka Xilemo xa Xikwembu. Ku Wu ala, mi teka mfungho wa xivandzana. Ku ala Xilemo xa Xikwembu i ku teka mfungho wa xivandzana. Un'wana na un'wana wa swi twisisake? [Nhlengeletano yi ku, "Amen."—Muhleri.] Ku ala Xilemo xa Xikwembu i ku teka mfungho wa xivandzana. Hikuva, Bibele yi te, "Hinkwavo lava a va nga lemeriwanga hi Xilemo xa Xikwembu va tekile mfungho wa xivandzana."

⁶⁴ Loko nanga yi yimbiwa, hinkwavo lava a va lava ku ntshuxeka a va ta famba. Lava a va nga swi lavi, a va funghiwa.

Sweswi, ma swi vona, mfungho wa xivandzana, loko hi vulavula hi wona eka nkarhi lowu taka, hi laha wu nga ta vonakarisiwa, laha mi nga ta lemuka leswaku hi leswi ku nga khale mi swi endlile. Wa vona? Nakona swi tano hi Moya lowo Kwetsima, Wu ta vonakarisiwa. Loko hi vona Hosi Yesu a ri karhi a ta hi ku kwetsima, kutani hi twa matimba lawaya yo hundzula, ivi hi vona vafi va ri karhi va pfuka va huma emasirheni, na ku tiva leswaku hi ku leha ka sekene, hi tava hi cinciwile kutani hi

va na mimiri yo kotisa wa Yena. Wu ta vonakarisiwa. Kutani, ku vona lavaya va nga Wu ala, swi ta siyiwa ehansi, ehandle.

⁶⁵ Xana Yesu a nga vulanga leswaku tintombhi ti humile ku ya hlangana na Kreste-ke? Van'wana va vona va khomiwile hi vurhongo, hi ku langutela ko rhanga, ka vumbirhi, ka vunharhu, ka vumune, ka vuntlhanu, ka vuntsevu, kuya eka ku langutela ka vunkombo. Kambe, hi ku langutela ka vunkombo, kutani ku humelerile mpfumawulo, "Vonani, Muteki wa ta. Fambani mi ya hlangana na Yena." Kutani lava a va ettele, va pfukile. Hinkwato tinguva ta le ndzhaku, kuya eka Pentekosta, va pfukile. Wa vona? Ku suka eka nguva ya vunkombo, nguva ya kereke ya vunkombo, ndlela hinkwayo ku tlhelela endzhaku, va pfukile. Kutani lava a vari eka nguva leyi ya kereke, lava a va hanya, va cinciwile. Kutani va nghanile endzeni.

Hi nkarhi luwa va nga nghena hi wona, tintombhi letiya a ti ettele ti tile ti fika ti ku, "Hi lava ku xava Mafurha yan'wana ya n'wina."

⁶⁶ Kambe va te, "Hi na yo ringana hina ntsena. Yanani eka lava va Ma xavisaka."

"Kute loko va ha ringeta ku kuma Mafurha lawa, Muteki a ta." A ku se tshama kuva na nkarhi eka matimu ya misava, lava Maepiscopal, Mabaptist, Mamethodist, Mapresbyterian... Maphepha ya tele. Maphepha ya swa vukhongeri ya le ku dzuniseni ka Xikwembu, leswaku tintombhi leti nga etlela sweswi ti le ku ringetenka ku amukela pentekosta, va ringeta ku amukela Moya lowo Kwetsima. Nakona xana vanhu a va swi lemuki leswaku a swi nge humeleti, hi kuya hi Rito ra Xikwembu-ke? "Loko va ha ringeta ku vuyela endzhaku, Muteki u tile a ta teka Mutekiwa. Kutani vona va hoxiwile emunyameni wa le handle, kuya avanyisiwa," hikuva a va arile xirhambo xa vona.

⁶⁷ Vanhu hinkwavo va komberiwa ku ta. Xikwembu, eka nguva yin'wana na yin'wana, xi rhumerile ehandle Rivoni ra Xona, nakona Ri ariwile.

⁶⁸ Kutani, sweswi, namuntlha a ku hambananga na siku rihi na rihi, ku ala siku ra xirhambo. Loko Xikwembu xi ri karhi xi endzela Kereke na vanhu, kutani Xi amukeleni. Mi nga xi veki etlhelo ku kondza ku fika lembe leri taka, mpfuxelelo lowu landzelaka. Yaley i awara, "Namuntlha i siku ra ku ponisiwa."

⁶⁹ Na swona tsundzukani, Xikwembu a xi se tshama xi rhumela Hungu, hi siku rihi na rihi, ehandle ka leri Xi nga Ri tiyisisa hi leswi nga ehenhla ka ntumbuluko. Yesu u vurile, Yena hi yexe, "Loko Ndzi nga endli mintirho ya Tatana wa Mina, kutani mi nga Ndzi pfumeli. Kambe loko Ndzi yi endla mintirho, mi pfumela mintirho loko mi nga Ndzi pfumeli," kutani loko mi yi vona yi ri erivaleni na—na ku vonakarisiwa.

⁷⁰ Sweswi nkarhi wu fikile laha yi Ri alaka, kutani yi boxiwa endleveni hi ntlhavo, kutani yi ngaka yi nga pfuki yi Ri twile. Sweswi yi titeka yona hi yoxe yi tiyisa eka nhlangano wa tikereke, ku nghena yi ya teka mfungho wa xivandzana.

⁷¹ “Kun’wana ka ku navela lokukulu,” un’wana wa ha ku ndzi nyika phepha sweswi, mupophu loyi lontshwa u te, “i ku hlanganisa tikereke kun’we.” Va ta swi endla ntsena Kunene-nene tani hilaha ndzi yimeke lahwani. Kutani Tiprotestant ti yengiwa hi swona. Wa vona? Hikuva, kereke . . . Bibebe yi vurile, Paul, muprefeta wa Hosi, u te, “Siku rero a ri ngevi kona ehandle ka kuva ku ta ku wa, ku sungula, kutani e . . . loko wanuna wa xidyoho a nga se paluxiwa. Yena loyi a tshamaka etempeleni ya Xikwembu, loyi a titlakuselaka, ehenhla ka hinkwaswo leswi vuriwaka Xikwembu; yena, tani hi Xikwembu,” ku rivalela swidyoho emisaveni, na swin’wana. Hilaha swilo leswi swi nga humelela hakona! Kambe a swi nga ta humelela ku kondza kuva na ku wa, ku kondza kereke yi sungula kuya ekule na nkhuvo wa ximoya, yi tikokela endzhaku na ku tikondletela yona hi yoxe. Kutani nhlavutelo a wa ha tshamanga na kereke.

⁷² Tsundzukani, Israel yi fambile, vusiku na nhlekanhi, hi Langavi ra Ndzilo. Loko Langavi leriya ra Ndzilo ri famba, va fambile na Rona. Kutani tsundzukani, a Ri ri Ndzilo na vusiku, kutani ri va Papa ni nhlekanhi. Swingaleswi Ri nga ha ta, ni nhlekanhi kumbe na vusiku, nkarhi wihi na wihi. Kambe, kun’wana na kun’wana laha a Ri ri kona, a kuri na ku xavelela loku a ku endliwa, leswaku va nga tsandzeki ku Ri vona. A ri ri Rivoni na vusiku, na Papa ni nhlekanhi, nakona a va Ri landzela. Ina, nkulukumba. I nchumu wun’we!

⁷³ Martin Luther u Ri vonile. Xana u endlile yini? U humile eka Vukhatholiki. Kambe xana vona va endlile yini? Va akile rihlampfu lerintsongo kwalahaya, va ku, “Hi Malutheran. Leswi hi swona.”

⁷⁴ Kutani Wesley u Ri vonile ri ri karhi ri ya ekule ku suka kwalahaya. Hi loko a famba. Xana vona va endlile yini? Va akile rihlampfu lerintsongo ku rhendzeleka na rona, va ku, “Leswi hi swona.” Xana Rivoni ri endlile yini? Ri yile emahlweni, nakambe.

⁷⁵ Pentekosta yi Ri vonile. Xana va endlile yini? Va humile ku suka eka Mawesele na Manazarene, na swin’wana. Xana va endla yini? Va aka rihlampfu lerintsongo ku rhendzeleka na rona, va tivitana, “Hi hina maoneness,” na swona “Hi hina trinity,” na swona “Hi hina United,” na hinkwaswo leswi. Xana Xi endlile yini? Xikwembu xi humile eka swona. Wa vona?

⁷⁶ Hi ngaka hi nga swi endlili sweswo. Hi fanele ku landzela, siku rin’wana na rin’wana, awara yin’wana na yin’wana ya siku, goza rin’wana na rin’wana ra ndlela. Hi fanele kuva hi rhangeriwa hi Hosi Yesu Kreste. Loko hi nga swi endlili, hi teka vutomi bya

mavandla. Nakona vutomi lebyi byi nga landzeriki Kreste, hi masiku, a byi ringanelanga.

⁷⁷ Wanuna loyi a nga Mukreste hi Sonto, nakona a ya ekerekeni, a tshama le ndzhaku kutani a ehleketa leswaku u fuma kerekere hikuva a endla *leswi*, *sweswo*, kumbe *leswin'wana*, kutani hi Musumbhunuku u ta yiva a tlhela a hemba. Kutani vavasati lava nga ta huma va ya etibichini ta mani na mani, na—na le handle eswitarateni, va ambarile swiambalo swa vudlakuta!

⁷⁸ Ndzi ehleketele hi—hi nsati wa presidente, a nga kalanga a tola switolwa-tolani, kuva a ya emahlweni ka muphophu; kutani a vuyela endzhaku, ivi a endla mbhukuto wa misisi ya xijujuvani eka vavasati va tiko. Na hinkwato tirhoko leti, leti, loko a hundzuka manana, wansati un'wana na un'wana etikwени u lava ku ambala yin'wana ya tirhoko ta muxaka wa ximanana sweswi. Hi swona sweswo. I swikombiso. Nakona va swi tiva leswaku vanhu lava va nga swi endla sweswo. Va tekelela moyo wa misava. Nakona sweswo a swi weli eKerekeni ya Xikwembu lexi hanyaka.

⁷⁹ Vavasati va fanele ku langutissa Yesu Kreste. Mi fanele ku langutissa Sarah na lavaya va Testamente ya Khale.

⁸⁰ Sweswi, va fikile laha . . . A ndzi ri karhi ndzi chumayela eka vusiku byin'wana, kun'wana, hi mayelana na kuva vavasati va yingisa vanuna va vona. Ku yingisa? Ina. Sweswo swi huma eka ndhavuko wa vukati, nkarhi lowu nga hundza khale. Kambe a va nge swi endli sweswo. Ee, nkulukumba. Va hanya e Amerika, nakona va ku tivisa sweswo. A va nge swi yingisi. Kambe, ntsena loko u nga swi endli, u nga kali u ringeta ku tivitana Mukreste, hikuva a wu yena. A ndzi na mhaka leswaku u cina ku fika kwihi na ku vulavula hi tindzimi, loko u nga yingisi nuna wa wena, u le handle ka ku rhandza ka Xikwembu.

⁸¹ Wansati loyi a ambalaka leswo koma kutani a endla swilo leswi a swi endlaka exitarateni, u nga tivitani Mukreste. U lava kuva na misava kutani u tama u khomile vumbhoni bya wena. U ngaka u nga swi endli sweswo emahlweni ka Xikwembu, loko u tiva ku tlula ku antswa ku swi endla.

⁸² Xiyisisani, “ku boxiwa endleveni,” u funghiwa, kutani u ngaka u nga ha twi. Tsundzukani, yaleyo i xikombiso xa ku pfariwa ka tindleve. A wu nge he Ri twi nakambe. A wu nge he yingisi. A wu nge he pfuki u swi kotile nakambe, ku swi endla nakambe.

⁸³ Oho! “Wansati a nga swi pfumeli *Sweswo*.” Oho, mina! “U nga n’wi byeli. Wa swi pfumela.” Ee. “U ta ku byela kahle . . .” A nga Ri tivi. Xana swi nga endlekisa ku yini kuva—kuva wansati . . . Ntsena ku mi vutisa, xana swi nga endlekisa ku yini kuva wansati . . .

Tani hilaha ndzi nga swi vula hi Sonto, vusiku bya Sonto lowu nga hundza, vhiki leri nga hundza vusiku lebyi, eka

“rivoni ro tshwuka leri hatimaka,” hilaha ku—ku—ku tsutsuma ka vavasati ku nga hundzuka ko xonga ku tlula hilaha ku nga tshama kuva xiswona. Sweswi, sweswo a hi nchumu—nchumu wo lwisana na wansati, sweswi, sweswo ntsena kova... kambe hilaha a lawulaka sweswo. Wa vona? E... U na ndlela yaleyo, ku n’wi veka eku ringiweni, tani hilaha Evha a nga vekiwa emahlweni ka nsinya.

⁸⁴ Wanuna un’wana na un’wana, n’wana un’wana na un’wana loyi a taka eka Xikwembu, u fanele ku hundza eka awara liya ya ku ringetiwa. Leyi i nguva ya vavasati, rixaka leri ri kona, laha wansati a faneleke ku hundza eka ku ringetiwa kwaloko. Loko a ngava a ri wansati wo xonga, ivi a tikhoma kukotisa sesi, minkateko ya Hosi yi le henhla ka yena. Kambe loko vo tinghenisa eku—eku tiveni ka leswi, na ku tikombisa yena n’winyi, swi kombisa hi ku hetiseka leswaku u na e—e moyo wo biha eka yena. A nga vuli kuva hi ndlela yaleyo, a ndzi ehleketi tano, vo tala va vona a va vuli swona. Kambe a va swi lemuki sweswo.

⁸⁵ Xana mi nga ndzi byela leswaku wa mikhuva leyinene, wansati loyi a ehleketa a tiambexa yena n’winyi, hi swiambalo leswintsongo leswi va swi ambalaka kwala handle exitarateni?

⁸⁶ Ndzi na vanhwenyana vambirhi lavantsongo va nga tshama lahawani. A ndzi swi tivi leswaku mbuyelo wa vana lava wu tava yini. Ntsena ndza va khongeleta. Vana, namuntla, a ndzi... U ngaka u nga vuli. A ndzi swi tivi. A va swi sawutelanga sweswo. Va fanele ku yima hi milenge ya vona yi mbirhi, emahlweni ka Yesu Kreste, kutani va nyika nhlamulo. Va ngaka va nga ngheni endzeni hi leswi... hi—hi leswi mina ndzi swi pfumelaka, na leswi manana wa vona a swi pfumelaka. A ndzi swi tivi leswi va swi endlaka. Kambe kunene-nene ndza pfumela, eka awara leyti, loko vanhwenyana lava a va lo ya ehandle exitarateni, va ambarile swiambalo swa muxaka lowuya, ivi wanuna a va rhuketela, hi swiambalo swa muxaka luwa, a ndzi pfumeli leswaku, loko a ndzo va na nkateko, a ndzi ta kala ndzi avanyisa wanuna yaloye. Hi swona sweswo. Ndzi avanyisa vanhwenyana. A va vanga na mhaka na ku endla sweswo.

⁸⁷ Yingisani. Loko munhu a ehleketa, kutani a dyondzisa leswaku, “Munhu a hi nchumu lowu tlulaka xiharhi. U huma eka rixaka ra swiharhi.” Nakona vonani, kutani, mi n’wi veka le handle tani hi... .

⁸⁸ Mi teka mbyana mi yi yisa eka ya xisati leyintsongo hi minkarhi yo karhi, hi mahlampfu na hinkwaswo leswin’wana, hikuva ya xisati leyintsongo yi le ka xiyimo xexo; tinguluve, tintswele, xiharhi xin’wana na xin’wana. Kutani loko hi ri vutomi bya swiharhi; lebyi, hi nga byona, hi xiphemu xa xinyama. Kutani loko wansati a tikombisa vuyena kukotisa xisweswo, u khorwisa leswaku hi yena nchumu wun’we na leswi

mbyana leyintsongo yi nga xiswona, kumbe nchumu wun'we, hakunene, hikuva a nga tava a ri karhi a endla sweswo. Wa swi tiva. Ntumbuluko wu n'wi dyondzisa leswaku wanuna u ta n'wi langutisa. Nakona Bibele yi te, "Mani na mani loyi a langutisaka wansati hi ku n'wi navela u endlile vuoswi na yena khale embilwini ya yena."

⁸⁹ Sweswo swi veka nkarhi wa ku ringetiwa. Na swona javulosi u xongisa vavasati, na ku va hluvula, kutani a va veka ehandle lahaya, ku mi nyika xikambelwana. Vavanuna, hundzuluxani tinhloko ta n'wina. Vanani vana va Xikwembu. Vavasati, mi ambala kukotisa vanhwana va Xikwembu. Mi nga hlamuli hikokwalaho ka vuoswi hi Siku rero.

⁹⁰ Loko wansati yaloye, swi ngari na mhaka hilaha a nga riki na nandzu... A nga hava a nga endlanga nchumu wo hoxeka, a nga kalanga a va na swona emiehlekeweni ya yena ku endla swo hoxeka. Kambe loko mudyohi yaloye a langutile xivumbeko lexo saseka xa wansati yaloye (hi ku tiva leswaku hi yena wa xinuna, nakona rimbewu ra xisati ri le ka un'wana, tinhlarimbya eka un'wana, na ra xinuna eka loyi un'wana), kutani mudyohi yaloye u ta boheka ku tihamulela eka swona hi Siku ra ku Avanyisa: Xana i mani a nga swi endla? Xana i mani a nga na nandzu? Ku ngari wanuna. Wena. Hi sweswo, matikhomele yo biha.

⁹¹ Langutisani tiko leri. A ri tolrevele kuva tano, loko va—va hari na tirhoko ta le henhla ka matsolo leti vavasati a va ti ambala, a hi boheka ku rhumela eParis kuva hi ti kuma. Namuntha, Paris yi rhumela lahawani kuva yi ti kuma. Ri thyakile ku fika laha Paris ri nga ha koteki ku swi tiyisela. Hi swona sweswo. Hinkwaro... Hikokwalaho ka yini? Ku ala Evhangeli. Hikokwalaho ka yini?

Paris a yi ngari na Yona. Yi dzana ra tiphesente hi Vukhatholiki. Maprotestant a ma nge pfuki ma nghenile lahaya. Langutisani Billy Graham. Ndzi ehleketa leswaku kuna madzana ntsevu wa Vakreste ntsena eParis hinkwayo, ku suka eka mamiliyon, madzana ntsevu wa Vakreste, Maprotestants. Valava a va tatiwanga hi Moya lowo Kwetsima. Valava ntsena kova Maprotestant, madzana ntsevu wa vona, ku suka eka mamiliyon hi mamiliyon. A va kumanga nkateko wo Yi ala.

⁹² Kambe vanhu lava va na Evhangeli. Kutani loko va fambela ekule na Hungu na Evhangeli leyi va nga yi vona yi kombisiwa, va endla mafenya hi Yona hikokwalaho kova dyondzo ya nghwavava ya khale yi va lukelerile; na mufundhisi un'wana a yimeke ephuluphutini, a ri karhi a ehleketa swinene hi dolara na thikithi ra swakudya ku tlula kuva a ehleketa hi munhu wa le ndzeni, vanhu lava a va chumayilelaka, hi swona sweswo, sweswo hi leswi swi endliwaka. Sweswi yi rhangela misava.

⁹³ Ma swi tsundzuka, ku ngari khale ngopfu, eka tabernakele leyi. Ndzi chumayerile hi dyondzo, kwalomu ka makume mbirhi

wa malembe lawa ya nga hundza, “Ndzi ta mi komba xikwembukati xa Amerika,” nakona a kuri na wanhvana lontsongo wa ximanguva lawa lahayani, a tshamile lahayana xona. Sweswo hi leswi swi nga xiswona. Sweswi hambi kuri kuva, va swi kuma. Va le ku kumeni ka leswi va nga swi kombela. Nakona va ta swi kuma. Hi sweswo ntsena.

⁹⁴ Ee. A va nge swi pfumeli. Ee, nkulukumba. Va endla leswaku u swi tiva kuri hi vona vaaka-tiko va Amerika, nakona va na mfanelo yo—yo hanya hi ndlela yin’wana na yin’wana leyi va yi lavaka. Ntsena ndzi navela . . .

⁹⁵ Mi nge ndzi mi byela. Ndzi ta mi byela sweswi. Ee, nkulukumba, tipolotiki ti nge pfuki ti tirhile. Ee, nkulukumba, xidemokirasi xi nge pfuki xi tirhile. Xidemokirasi xi borile, kuya fika erhambyini. Loko a xo tirhisiwa exikarhi ka ntlawa wa Vakreste, a xi tava kahle. Kambe loko u xi veka le handle emisaveni, xi hundzuka maseyila hinkwako ku ngari na khokholo. Hi swona ngopfu.

⁹⁶ Langutisani lahayani, namunthla. Xin’wana na xin’wana xi nga humelela, nakona va tava ntsena . . . Xin’wana na xin’wana, ku koka tipolotiki tintsongo, kutani va ta hundza hi kona hi ku dlaya.

⁹⁷ Loko ndzi ta chumeyela kwalahaya, hi yusiku byebyo ku ringeta ku ponisa vutomi bya swihlangi leswiya swimbirhi. Va na nandzu hilaha va nga vaka na nandzu hakona. Hambi kuri gqweta leriya ri tlakukile ri yima endzhaku ka mina lahayana, kutani ri ku, “Swi lulamile.” A ku, “A ndzi pfumelelani na ku tekiwa ka vutomi bya vanhu.” A ku, “Loko mi nga xiyisisa eka marungula ya n’wina ya vugevenga, xana i vamani lava va dlayiwaka eswituwlwini swa gezi na swin’wana? A hi swifumi. A nga ha fikelela ku tikumela gqweta na ku koka ko karhi, mano yan’wana ya thyaka, na mavhilwa yan’wana *lahawani*, na yan’wana *lahawani*, kutani a ba mati tingwenya ti etlela.” A ku, “I swihlangi swa vambuyangwani vo kotisa valava, lava nga riki na mali yo ringanela ku tixavela swakudya swa kahle, wolowo i muxaka lowu wu swi kumaka. Hi wolowo muxaka lowu va wu bisaka hi gezi, munhu un’wana loyi a kotisaka lava va va vulaka ntlawa wa vanhu lava nga honisaka, kutani va tlakusa vito ra vona ra nxupulo wo twisa ku vava.”

⁹⁸ Ndzi ku, “Vugevenga byo sungula ku endliwa emisaveni, makwenu un’wana u dlayile un’wana, nakona Xikwembu a xi tekanga vutomi bya yena hikokwalaho ka swona. Xi n’wi tlhandlekile mfungho, leswaku ku ngavi na loyi a nga ta teka vutomi bya yena. Hi swona. Yaloye i Muavanyisi-Nkulu.”

Ndza swi vona leswaku va susile xigwevo ehenhla ka vona. Sweswi va ya eku kumeni ka nsengo wun’wana. Kumene, va ta kuma xigwevo xa vutomi sweswi, lexi xi nga tava khume n’we wa malembe, kumbexani xa kuva va yimela paruli. Va na nandzu.

Hakunene. Va na nandzu. A va fanele ku yisiwa ekhotsweni, ku ringana vutomi hinkwabyo, kambe ku ngari ku teka vutomi bya vona. Ku hava munhu loyi a nga na mfanelo yo teka vutomi bya munhu un'wana. Ee, nkulukumba. A ndzi pfumeli eka swona. Ee, hakunene.

⁹⁹ Oho! Va ri... Hikokwalaho ka yini, a va pfumeli leswaku va le handle ka ku rhandza ka Hosi, hikuva sweswo hi swona hinkwaswo leswi va swi tivaka, hinkwaswo leswi va lavaka ku swi twa hi swona. Va hundzuluxile tindleve ta vona ku lwisana na Ntiyiso, kwalahaya.

¹⁰⁰ Hambi yi ri Egupta a yi nga swi lavi ku tiva leswaku ntlawa luwa wa vavumbuluki vo kwetsima ehansi lahay a wuri ku rhandza ka Hosi. Xana a va ta swi lava njhani ku tiva leswaku wanuna un'wana wo penga u tile kwalahaya, ku suka emananga, na mambvele ya ri karhi ya lengalengela ehansi ku kotisa *leswi*, kutani a ku, "Faro, ndzi ta hi Vito ra Hosi. Ntshuxa vana lava"?

Faro a ta ku, "Mani? Mina? N'wi cukumeti ehandle." Wa vona? "Mina?"

"Loko u nga swi endli, Hosi Xikwembu xi ta ba tiko leri."

¹⁰¹ Hambiswiritano, "Mukiringi wa khale, n'wi tlherisele ehandle kun'wana. N'wi tshikeni a famba. Dyambu ri tava ri bakile miehleketo ya yena." Wa vona? Kambe swi tisile ku avanyisa, hikuva wanuna luya a ri muprefeta nakona a ri na LESWI SWI VULAKA HI HOSI. Hi swona ngopfu. A va lavanga ku swi pfumela.

Rhoma a yi lavanga ku swi pfumela, na yona, kambe swi humelerile ku fana.

¹⁰² Israel a ri lavanga ku swi pfumela leswaku luya a ri Mesiya. "Xana ku ngava vona njhani, ntlawa wa—ntlawa wa Magaleliya?" Va ku, "Xana a hi Magaleliya hinkwavo lava? Xana va huma kwihi? Xana i ntshungu wa muxaka muni lowu A fambaka na wona? Swona swisiwana swo hetelela leswi nga hlengeletiwaka kun'we, wolowo i ntshungu lowu A tihlanganisaka na wona. Valava hi lava va taka ku ya N'wi yingisela, i swisiwana, vanhu lava va nga tiviki nchumu. A va hlawuriwanga. A hi vona—a hi vona muxaka wo tlhariha lowu hina hi nga wona. Hi vona ntlawa wa swisiwana." Mi twa swi vuriwa hi mayelana na mpfxelelo eka siku leri. "I ntshungu wa muxaka muni lowu wu va twaka? I muxaka muni lowu wu yaka etinhlengeletanweni ta vona? Hi vona vanhu va muxaka muni?"

¹⁰³ Ndzi twile nakolorhi a swi vula, ku ngari khale ngopfu... Kunene, a ri tani hi... A ri tatana loyi a nga riki wa ngati wa Hope. Kutani a ndzi ri karhi ndzi n'wi byela hi mayelana na nkhuvulo wa Moya lowo Kwetsima. U te, "Sweswi, i mani loyi a nga ta pfumela nchumu wo tani hi wolowo, ehandle ka ntlawa wo tani hi lowu u nga na wona lahay?" A ku, "Pfumelela *Swingere-ngere*, n'wa-mabindzu wa kwala dorobeni, wo biha kukotisa

hinkwavo, a vuli leswaku u amukerile Moya lowo Kwetsima, kutani ndzi ta swi pfumela.”

¹⁰⁴ Ndzi ku, “U nga vileli. A nge pfuki a swi vurile.” Wanuna yaloye u file xikan’we-kan’we, a ngari na Xikwembu. Wa vona?

Mi va na vukheta hi leswi mi swi endlaka. Mi va na vukheta hi leswi mi swi vulaka. Mi lava vutomi lebyi nga ringanelia Evhangeli. Swi lulamile.

¹⁰⁵ Israel a ri nga swi pfumeli sweswo, ntlawwa luwa wa vanhu. “Wanuna luya wo penga, hi Vito ra Yesu wa Nazareta, u tswariwile,” a va ehleketa, “hi ku velekiwa hi vuhunguki.” Kutani vanhu a va swi pfumela. Hikuva, va te, “Sweswo a ku ngari swa yena. Hikokwalaho ka yini, tatana wa Yena i Yosefa, kutani Mariya a ta kuma N’wana loyi loko va nga se... U tswariwile, hikokwalaho ka yini, hi vuhunguki. Nakona hi Yena mani? Ntsena wanuna wo penga. Hi un’wana wa vanakulorhi lavo hlekisa. Mi nga yi mi ya N’wi yingisela.” Xana va endlile yini? A va rhumela mimoya ya vona etiheleni. Va tekile...

¹⁰⁶ Yesu u te, “Va tshikiseni sweswo. Loko bofu ri rhangela bofu, xana a va weli egojini ha vambirhi?” Hi swona sweswo. A va nga swi tivi. A va nga ta Ri pfumela. A va nga ta swi kota.

¹⁰⁷ A va nga ta swi vona hilaha vanhu vo olova na Hungu ro olova, kuva swi ariwa, a swi ta vanga leswaku tiko lerikulu ri wa ri va marhumbi. Sweswi yingisan. A va nga ta swi twisia leswaku: lowu wo olova, wa ntoloveloo, ntlawwa wa vanhu vo toloveleka. Ma swi tiva, Bibele yi vurile leswaku, “Ntshungu lowo tala a wu N’wi yingisa hi ku tsaka.”

¹⁰⁸ A ndzi ri na nchumu wuntsongo lowu a wu ta humeleta eMexico, a hi khale ngopfu. Ndhuna Valdena, muhlawuriwa wa Xikwembu, Rivoni ri voningile ku tsemakanya ndlela ya yena kan’we, eka yin’wana ya tinhlengeletano. Nhenha liya yi kulukumba ya Mukhatholiki, yin’wana ya tindhuna ta le henhla eMexico, u yile hi ku titsongahata e altarini a ya amukela nkhuvulo wa Moya lowo Kwetsima. U tlhelerile le hansi eMexico. U tshamerile ro ndzi rilela, kuva ndzi ya kwalahaya. Eku heteleleni, ndzi kunguhatile kuya kona. Hosi yi ndzi fambisile; a ndzi ri na xivono. Ndzi byerile nsati wa mina. Ndzi ya kwalahaya.

Kute loko a swi endlile, yena tani hi un’wana wa tindhuna-nkulu, ndhuna ya tinyeleti ta mune, u yile entsindza-nkulu, eka hulumende. Kutani, vona, va tikisela eka Tiprotestant lahaya, ma swi tiva. Swingaleswi a va swi tiva leswaku leyi a yi tava nhlengeletano ya kahle ngopfu, swingaleswi u yile kwalahaya a ya kuma vuthu ra varindzi. Kute loko va swi endlile, va kumile muako lowu kulukumba. Kutani a va ta ndzi nghenisa endzeni kukotisa sweswo. Hulumende a yi ri karhi yi ndzi nghenisa endzeni.

Swingaleswi, loko va swi endlile, e—e mubixopo, un'wana wa tibixopo letikulu ta kereke ya Khatholiki, u yile eka yena, eka holobye, kutani a ku, “Nkulukumba, ndzi twisia leswaku u le ku ngheniseni ka loyi a nga riki Mukhatholiki.”

A ku, “Ina. Ku yini ka swona?”

“Hikokwalaho ka yini,” a ku, “u ngaka u ngavi na munhu wo kotisa yaloye lahwani. Mfumo lowu a wu se tshama wu tiva hi ta ku endliya ka nchumu wo kotisa wolowo.”

¹⁰⁹ “Kambe,” a ku, “hi swi endlile sweswi.” A ku, “Hikokwalaho ka yini,” a ku, “wanuna loyi i munhu wa ndhuma ya kahle. Ndhuna Valdena, i munghana wa mina wa le xifuveni.” A ku . . . Na kuva na . . . Presidente yena n’winyi i Muprotestant, ma swi tiva, Mumethodist. Swingaleswi u te—u te, “Wanuna loyi i munhu wa ndhuma ya kahle, hilaha ndzi tivaka hakona.” A ku, “Ndhuna Valdena lahwani, u hundzukile ehansi ka wanuna loyi.” A ku, “Hikokwalaho ka yini, hi yena, hilaha ndzi tivaka hakona, munhu wa ndhuma ya kahle.” A ku, “Magidi ya vanhu, loko va koxa, va ta ta va ta n’wi yingisela.”

Kutani mubixopo loyi a ku, “Xana i vanhu va muxaka muni, nkulukumba? Ntsena lava nga tiviki nchumu. Valava hi vona lava va yaka, kuya twa munhu wo kotisa yaloye.”

¹¹⁰ Presidente a ku, “Nkulukumba, mi vile na vona ku ringana ntlhanu wa madzana ya malembe, hikokwalaho ka yini va nga tivi nchumu?” Sweswo a swi ringanile. Sweswo swi swi tshamisekisile. Oho, mina! Sweswo swi va susile timhondzo. Ina, nkulukumba. Ina.

¹¹¹ Kutani loko xihlangi lexiya xi tava xi pfuxiwile eku feni, ndzi rhumerile murhumowiwa endzhaku ka wanuna. Manana a ri karhi a vula, hi Spanish, “N’wana u file, mixo lowu hi awara ya nkaye.” Nakona a yi ri karhi yi halaka, mpfula. Hi vile na kwalomu ka khume ra magidi ya lava nga hundzukela eka Kreste, vusiku byin’wana na byin’wana.

Hi vusiku bya xa tolo, mukhalabya wa bofu a amukerile ku vona ka yena eka platfomo. Oho, ka nharhu kumbe ka mune hi ku kula ku hundza tabernakele leyi, na ku leha kukotisa *sweswo*, hi swinchalani swa khale na swihuku leswi vekiweke. Kutani ntsena ndzi . . .

¹¹² Va ndzi enhlisile hi tintambu, exirhendzevutanini, ku ndzi nghenisa endzeni. Ntsena ndzi yile kwalahaya ndzi ya sungula ku chumayela, hi ripfumelo.

Billy u tile, a ku, “Papa, u ta fanela ku endla swin’wana, wansati luya.” A ku, “Ndzi na tiaxara ta madzana manharhu leti yimeke lahaya. A va swi koti ku yimisa wansati lontsongo, loyi a tikaka dzana ra tipondzo, kwalahaya.” Nakona hi lowo xonga, wansati lontsongo wo *tani* hi ku leha, hi mayelana na,

oho, kumbexani n'wana wa yena wa mativula. Ndzi nga vula leswaku u na makume mbirhi-nharhu kumbe makume mbirhi-ntlhanu wa malembe hi vukhale.

¹¹³ Kutani wansati a yimile kwalahaya, kutani misisi ya yena yi ri karhi yi lengalengela ehansi, a tlakurile xihlangi. Kutani a ta tisusumetela emahlweni ka layini liya. Vavanuna a va ta n'wi susumetela endzhaku. A ta khandziya ehenhla ka vona, n'wana luya a ri exisutini xa yena, hambiswiritano, a famba exikarhi ka milenge ya vona, kumbe swin'wana na swin'wana. A va ta n'wi kuma kwalahaya, kutani va boheka ku n'wi rahela ekule na platfomo.

¹¹⁴ Nakona a va ngari na khadi ra xikhongelo ro n'wi nyika rona. U te, "Loko ndzi pfumelela wansati a ta lahwani, Papa, a ri na n'wana luya wo fa, a ngari na khadi ra xikhongelo, kutani . . ." A ku, "Lava van'wana va yimile kwalahaya, va yimile kwala ku ringana masiku mambirhi kumbe manharhu, empfuleni liya na dyambu. Ku n'wi tshika a va rhangela," a ku, "swi ta vanga e—e mholovo ehansi lahay."

¹¹⁵ Ndzi ku, "Sweswo swi lulamile." Makwerhu Moore a ri kwalahaya, nakona u na mpandlha kukotisa mina. Kutani ndzi ku, "Wansati a nga swi tivi kuri mani i mani, kuna vanhu vo tala swonghasi." Ndzi ku, "Rhumela . . ." Kutani—kutani van'wana va vamakwerhu, un'wana wa vona ku suka kwala etabernakeleni, loyi a nga ya eVukwetsimelweni sweswi, a ndzi ri ehleketi vito ra yena hi nkarhi lowu, kambe, a yimile endzhaku kwalaya. Swingaleswi ndzi te, "Makwerhu Moore, rhelela, u ya khongelela n'wana luya. Wansati a nge swi tivi leswaku i mani, hambi hi mina kumbe wena. Ntsena rhelela kona. Na swona a nga swi koti ku vulavula Xinghezi."

Swingaleswi Makwerhu Moore a ku, "Swi lulamile, Makwerhu Branham."

¹¹⁶ U sungurile ku rhelela kona. Ndzi ku, "Tani hilaha a ndzi ri eku vuleni, fa . . ." Kutani ndzi vona xihlangi, xihlangi xa Mumexico xi tshamile emahlweni ka mina, ntsena xi ri karhi xi hleka. Ndzi ku, "Yimanyana." Kutani ndzi ku, "Tshikani wansati lontsongo a hundza."

Billy a ku, "Ndzi ngaka ndzi nga swi endli sweswo, Papa. Wansati . . ."

Ndzi ku, "Ndzi vonile xivono, Billy."

A ku, "Oho, sweswo swi hambanile."

¹¹⁷ Swingaleswi hi pfurile ntshungu kukotisa xisweswo kutani hi n'wi hundzisa. Hi loko a ta, a wa hi matsolo ya yena, a ri na vuhlalo bya xikhongelo evokweni ra yena. Ndzi ku, "Tlakuka."

Ndzi ku, "Tatana wa le Matilweni, sweswi a ndzi swi tivi leswi U nga ta swi endla. A ndzi swi tivi loko kuri leswaku U lava ntsena leswaku mina ndzi enetisa wansati hi ku khongelela

n'wana, kumbe yini. Kambe," Ndzi ku, "Ndzi tlhandleka mavoko ya mina ehenhla ka xihlangi lexi, hi Vito ra Hosi Yesu." Ntsena nchumu lowu fanaka na lowu ndzi nga wu endla eka Makwerhu Way, loyi a pavalarile ehansi, a file, siku rin'wana. Kutani nkumba wu rahiwa, ivi xihlangi lexiya xi sungula ku kalakala. Nakona a kuri ka vutomi bya xona. Loko . . .

¹¹⁸ Ndzi rhumerile xitsutsumi, Makwerhu Espinosa, ku famba na wansati eka dokodela, a ya kuma afidavhiti leyi nga hlambanyiwa ku suka eka dokodela, "N'wana yaloye u file." Sweswo a kuri kwalomu ka awara ya khume hi vusiku byebyo. "U file ni mixo wolowo hi awara ya nkaye, ehofisini ya yena, hi nyumoniya." U kumile xitatimente lexi nga hlambanyiwa ku suka eka dokodela.

Maphepha a ma nga ta swi tshika ntsena sweswo, ma swi tiva, swingaleswi a va boheka ku ta. Va ndzi konanisile. Kutani va ku ka mina, a ku, "Xana u ehleketa leswaku vakwetsimi va hina va nga swi endla sweswo, na vona?"

Ndzi ku, "Loko va hanya."

"Oho," a ku, "u ngaka u ngavi mukwetsimi ku kondza u va u file." Hi sweswo. Wa vona? Kutani vanhu . . .

¹¹⁹ Ma swi vona, siku rin'wana, laha a vari na nun leyi va nga yi tlangisa, ephepheni? Swingaleswi, mukwetsimi lontshwa u file, oho, dzana ra malembe lawa ya nga hundza, kumbe swin'wana swo kotisa sweswo, kutani va endlile e . . . va n'wi endlile mukwetsimi sweswi, va n'wi endla mukwetsimi. Kutani va virule leswaku—leswaku u vuyile ku suka ekufeni a ta khongelela muvabyi loyi a ri na mfukuzani ya ngati. A ku ngari swona? A kuri yin'wana ya timagazini. Ntsena ehlekетани hilaha va ringetaka ku tlanga sweswo, na loko kuri na madzana na madzana ya timhangu kwala ehansi ka tinhompfu ta vanhu lahwani. Xana i yini nchumu wolowo? Kuva nchumu wu yuthisa kereke ya Protestant yi nghena eka swona, wa vona, ku yi endla yi ehleketa swin'wana.

Kutani mintirho ya xiviri ya Hosi, laha yi nga tiyisisiwa hi ku hetiseka, yi khorwisiwa, nakona a va ngata ringeta ku khumbha phepha hi yona. Hi sweswo. Va kumile xirhambo ivi va xi ala. Ina, nkulukumba.

¹²⁰ Va ngaka va nga twisisi hilaha Hungu ro olova, vanhu vo olova, ku ala nchumu wo kotisa wolowo swi nga va vangelaka ku nghena eka mpfilumpfilu.

¹²¹ Wansati u ndzi byerile, eGrant Pass, Oregon, nkarhi lowu nga hundza, nhwenyana wa Mukhatholiki u tile kwalahaya ku ta avanyisa na ku tsala. A ri muviki wa phephahungu, na phakiti ra tisigarete evokweni ra yena. Kutani a ku, "Ndzi lava ku vulavula na wena."

Ndzi ku, "I yini leswi u lavaka ku swi vula?"

A ku, “A ndzi lava ku ku vutisa swivutiso swin’wana mayelana na ripfumelo leri ra wena.”

Kutani ndzi ku, “Iyini leswi u lavaka ku swi vutisa?”

Kutani a ku, “Xana i matimba wahi lawa u ya tirhisaka ku endla leswi?”

¹²² Ndzi ku, “Hi Vito ra Yesu Kreste, hi ku vitana ka Vukwembu.” Kutani u yile emahlweni, a ri karhi a nyenyetseka. Ndzi ku, “Yimanyana.”

A ku, “Loko a ndzi boheka ku tihlanganisa na nt lava wa madomu lahaya,” a ku, “a ndzi nga ta swi lava kuva Mukreste.” A ku, “Kungaku loko vona . . . Va vula leswaku vanhu lavaya va ta fuma misava siku rin’wana.” A ku, “Ndzi navela kuva ndzi ngavi kona.”

Ndzi ku, “U nga vileli. A wu ngevi kona.” Ndzi ku, “U . . . fanele ku vilela hi mayelana na sweswo.”

“Hikokwalaho ka yini,” a ku, “hinkwako kuya emahlweni na ku kalakala!”

Ndzi ku, “Kutani u koxa kuva u ri Mukhatholiki?”

A ku, “Ndzi yena.”

¹²³ Ndzi ku, “Xana wa swi tiva leswaku Mariya wa ntombhi wo kateka a fanele ku amukela Moya lowo Kwetsima na ku vulavula hi tindzimi, na ku cina a ri eMoyeni, hi ndlela yin’we na leswi va nga swi endlisa xiswona, loko Xikwembu xi nga se n’wi amukela? Mi n’wi vitana manana wa Xikwembu.”

A ku, “Yaleyo i miharihari.”

Ndzi ku, “Yimanyana. Ndzi . . .”

“A ndzi fanelanga ku langutisa Bibebe.”

¹²⁴ Ndzi ku, “Kutani u ta swi tivisa ku yini leswi nga Ntiyiso kumbe leswi nga riki wona?”

A ku, “Ndzi teka rito ra kereke ya mina.”

¹²⁵ Ndzi ku, “Leri i Rito ra Xikwembu. Hi Leri kona kwala. Ndza ku tlhontlha ku Ri langutisa. Nakona Mariya a ri na vona kwalahaya kamareni ya le xithezini, kutani u amukerile nkhuvelo wa Moya lowo Kwetsima kukotisa hilaha lavan’wana hinkwavo va nga swi endla. Nakona mi n’wi vitana manana wa Xikwembu.” Ndzi ku, “Kutani mi vitana lavaya, ‘Nt lava wa thyaka, makhukhuri?’” Ndzi ku, “U nga vileli. A wu ngevi Kona. A wu na swo tala swo vilela hi swona, loko kuri leswaku sweswo swi hinkwaswo leswi u vilelaka hi swona. Swa antswa u vilela hi moyo wa wena n’winyi wa vudyoho, nhwenyana.” Kutani ndzi n’wi tshika a famba.

¹²⁶ Sweswi ehleketa ni hi hinkwaswo leswi, swo olova. Xikwembu xi swi endla swi olova swonghasi.

Xana Akab a ta swi kota njhani, xana Yezabel a ta swi kota njhani, xana vanhu lavaya a va ta swi kota njhani lava a va ehleketa leswaku Eliya a ri noyi, hambi leswi a ri wa swa ximoya? Hambi a ri Akab u te, “Hi loyi muvangi wa swiphiqo hinkwaswo eka Israel.”

A ku, “Hi wena loyi a nga pfilunganya Israel.”

¹²⁷ Xana rixaka leriya a ri ta swi ehleketa ku yini, leswaku, ku ala hungu ra wanuna wa xikandza xa voya kukotisa yaloye, a nga ambalanga tinguvo ta vuprista, na swin’wana, a ku tava na ku avanyisiwa ha swona?

Xana Egipta, mufumi wa misava, vafaro, na ntlawa wa rona na xindzhuti...? Misava a yi se tshama yi fika eka ndhawu liya nakambe, eka sayense na swin’wana. Xana a va ta swi ehleketa ku yini, ku ala muprofeta wa makume nhungu wa malembe hi vukhale, loyi a ri na voya lebyi a byi ri karhi byi lengalengela ehansi, misisi yo basa, a ri karhi a gwirima ku huma kwalahaya, mubaleki? Kutani a ta kwalahaya na hungu, “U nga hava tshika va famba, kumbe Xikwembu xi ta herisa tiko leri.” Xana Faro a ta swi endlisa ku yini? “U ta ndzi yingisa, Faro.”

¹²⁸ Faro a ku, “Yingisa?” Oho, yena, Faro! “Mukhalabya, mukiringi wun’wana wa khale,” a va ehleketa, “Ku ala nakulorhi wo kotisa luya, swi nga herisa tiko?” Kambe swi swi endlile. Oho, mina!

A hi yimeni, hi yimanyana timinetse tintsongo kutani hi va na xikhongelo, kutani hi ehleketa. Xana hi hanya eka siku rihi? Xana hi le kwihi? Yin’wana ya ximanguva lawa, nguva ya sayense. Swa antswa kuva hi ehleketa. Kumbexani, mi yima, vanhu va yima va khongela nkarhinyana, kutani va ehleketa swintsongonyana, mi ta titwa mi antswa endzhaku ka loko mi hetile ku swi endla. Hi swona sweswo.

¹²⁹ Mukreste a hi xitirhi, kumbe muxaka wun’wana wa xipanere xa vukhanikhi eka mfumo lowu kulukumba wa swa vukhongeri. Hi swona sweswo. Mukreste a hi muxaka wa xitirhi lexi endlaka leswaku vandla ra vukhongeri ri ya emahlweni. Mukreste, yaloye a hi Mukreste. Mukreste u fanele kuva tani hi Kreste. Na swona Mukreste a ngaka a ngavi Mukreste ku kondza Kreste a nghena eka munhu yaloye, Vutomi bya Kreste eka yena. Kutani byi tswala Vutomi lebyi Kreste a byi hanya, kutani u endla swilo leswi Kreste a swi endla.

¹³⁰ Xana ndzi vulavula hi yini? Vuxaka bya xin’winyi eka Kreste. Xana i yini? Xana Vutomi bya wena byi yi lulamerile Evhangeli?

Sweswi ndzi le ku ringetenka ka ku andlala vuyimelo byebyo kwalano, ku mi kombisa sweswo, vavanuna na vavasati lava a vari vavasati lava tivekaka swinene, vavanuna.

¹³¹ Bibele yi vurile. Xana mi kale mi swi xiyisisa? Vusiku bya Sonto lowu nga hundza, swin'wana leswi ndzi nga rivala ku swi hoxa, Genesa kavanyisa ka vu6 na ndzimana ya vu4. "Vavanuna lavaya va nga titekela eka vona vavasati, va va vasati, a vari vavanuna va khale, lava tivekaka swinene." Vavanuna lava tivekaka swinene, va vhumbhiwile ku vuya nakambe. "Kukotisa leswi a swi ri xiswona hi masiku ya Nowa, swi tava tano hi ku Vuya ka N'wana wa munhu." "Vavanuna lava tivekaka swinene va ta teka vavasati," ku ngari vasati, "vavasati; va landzelela nyama yimbe."

¹³² Langutisani eNghilandhi, mavhikinyana lawa ya nga hundza. Langutisani e United States. Langutisani hinkwako, ku tele hi vunghwavava. Vavanuna lava kulukumba, lava kulukumba, va swiyimo swa le henhla, va ri karhi va tisa tingana ehenhla ka tiko, va hlongorisa vavasati. Nkulukumba luya lahaya eNghilandhi, muxaka wa ndhuna ya nyimpi, kukotisa sweswo, hikokwalaho ka yini, xana mi kale mi swi xiyisisa, a ri na nsati wo xonga. Xifaniso xa yena a xi ri kwalahaya, na xona. Langutisani nghwavava liya ya Murussia, kambe a ambarile swa vugangu, na ku ticukumetela ehandle lahaya, ku kombisa nyama ya yena ya xisati. Kutani wanuna luya u yengiwile hi swona.

¹³³ Leswi hi swi lavaka namuntlha i vana va Xikwembu. Hi lava vavanuna eka hulumende, lava va nga vana va Xikwembu. Hi swona sweswo. Hikokwalaho, ya kahle, hosi ya vukwembu yi nga yi yimisa hinkwayo miharihari leyi. A ku nga tava na tintambhu to kokwa. Tani hilaha Davhida a endleke hakona, u swi yimisile. Hakunene u swi endlile, hikuva a ri hosi. Nakona ntseña a kuri na . . .

¹³⁴ Ndlela ya xiviri, i, kuva Xikwembu xi ri Hosi, nakona Xikwembu xi rhumela muprefeta. Xana Samuel a nga va byelanga loko va nge seva na hosi? U te, "Xikwembu i Hosi ya n'wina. Xana a ndzi se tshama ndzi mi byela nchumu wun'wana hi Vito ra Hosi ehandle ka leswi swi nga humeleta?"

Vaku, "Ee. Hi swona sweswo."

"Xana ndzi tshama ndzi mi kombela swo tihanyisa hi swona swa n'wina ke?"

"Ee. A wu se tshama u hi kombela swo tihanyisa hi swona."

"A ndzi se tshama ndzi mi byela nchumu ehandle ka leswi swi nga lulama, emahlweni ka Hosi." A ku, "Xikwembu i Hosi ya n'wina."

¹³⁵ "Oho, ha swi lemuka sweswo. Na swona ha swi tiva leswaku u munhu wa kahle, Samuel. Ha pfumela leswaku Rito ra Hosi ri ta eka wena, kambe hi lava hosi, hambi swiritano." Wa vona? Sweswo hi leswi va swi kumaka.

¹³⁶ Pentekosta a yi lava vandla, hambiswiritano. Yi ri kumile. Hi swona sweswo. A yi lava ku fana na tikereke letin'wana. Mi tano. Yanani emahlweni, sweswo, hi leswi swi tekaka swona. Kambe Xikwembu i Hosi ya hina. Xikwembu i Hosi ya hina. Ina, nkulukumba.

¹³⁷ Xana i yini? Swi hikokwalaho kova vanhu, tani hilaha va nga endla hakona hi masiku ya Kreste, tani hilaha va nga endla hakona hi nguva yin'wana na yin'wana, va kuma ku tilandzulela. Va na mikhava ya vona vinyi. Mi nga hava mi nga lavi ku vula leswaku, "Ndzi—ndzi xavile homu, kutani ndzi fanele kuya vona loko kuri leswaku yi—yi ta tirha kumbe ee, kumbe ku nyika masi, kumbe—kumbe leswaku yi xitoko muni." Mi ngava mi ngari na ku tilandzulela koloko.

Kambe hi loku ku tilandzulela ka musa loku vanhu va nga ku vulaka, "Ndzi Mupresbyterian. A hi pfumeli eka Sweswo. Ndzi Mubaptist. A hi pfumeli eka swilo swo tani hi Sweswo. Kunene, ndzi Mulutheran." Kunene, sweswo swi hava nchumu xo xi endla na Swona. Sweswo a swi vuli leswaku u Mukreste. Sweswo swi vula leswaku u wela eka ntlawa wa vanhu lava va nga tikondletela. Nakona u wela eka loji ya Lutheran, loji ya Baptist, loji ya Pentekostal. Ku hava nchumu wo tani hi Kereke ya Pentekostal. Ku hava nchumu wo tani hi Kereke ya Baptist. I loji ya Baptist, loji ya Pentekostal, loji ya Presbyterian.

Kambe kuna Kereke yin'we ntsena. Nakona kuna ndlela yin'we ntsena ya kuva mi nghena eka Yona, nakona sweswo swi hi ku Velekiwa. Mi tswaleriwa endzeni ka Kereke ya Yesu Kreste, na xirho xa Miri wa Yena, wa vurhumiwa bya ximoya wa Matilo. Kutani swikombiso, swa leswaku Kreste u na n'wina, swi hanya eka n'wina.

¹³⁸ Vakreste, oho, mi boheka kuva na vuxaka bya ximunhu eka Xikwembu. Kuva u tava n'wana wa Xikwembu, u boheka kuva xaka eka Xikwembu. Xi fanele kuva Tatana wa wena, kuva u va n'wana wa Xona. Nakona i majaha na vanhwana ntsena va Xona lava va ponisiwaka, ku ngari swirho swa kereke, kambe majaha na vanhwana. Kuna nchumu wun'we ntsena lowu nga tswalaka sweswo, sweswo i ku velekiwa loku ku Ntshwa. Ku velekiwa ku Ntshwa i nchumu wun'we ntsena lowu nga tswalaka vuxaka eka Xikwembu. Hi swona sweswo? [Nhlengeletano yi ku, "Amen."—Muhleri.] Majaha na vanhwana. Kutani loko leswi swi teka ndzhawu, kutani vavanuna . . .

¹³⁹ Hi lexi xivutiso lexi ndzi lavaka ku xi tisa eka n'wina. Wanuna u ri, "Xana hi endla yini endzhaku ka loko hi tswareiwile ra vumbirhi?" Vo tala swonghasi va ndzi vutisa xivutiso xexo. "Xani ndzi fanele ku endla yini manuku, Makwerhu Branham?" Loko u tswareiwile ra vumbirhi, ntumbuluko wa wena hinkwawo wu cinciwile. U file eka swilo leswi u nga tshama u swi ehleketa.

¹⁴⁰ “Kunene,” mi ri, “Makwerhu Branham, loko ndzi joyina kereke, ndzi swi kumile sweswo.”

Kunene, kutani, loko, Xikwembu xi ku, “Yesu Kreste wa ha ri yena wa tolo, namuntlha, na hilaha ku nga heriki. Wa ha horisa vavabyi. Wa ha swi kombeta swivono.”

“Kambe, Makwerhu Branham, kereke ya mina!” Sweswi, a wu tswariwanga ra vumbirhi. Wa vona? U ngaka u ngavi tano; hikuva, loko Xikwembu xexiya, loko Vutomi bya Xona byi ri endzeni ka wena, tani hi...u le ndzeni, vutomi bya tatana wa wena, nakona, loko Vutomi byebyiya bya Xikwembu byi ri endzeni ka wena, Moya waluwa a wu ri eka Kreste, wuva endzeni ka wena, swi nga endlekisa ku yini kuva Moya wu hanya eka Yesu Kreste kutani wu tsala *Leswi*, kutani wu vuyela ehansi endzeni ka wena ivi wu ala *Sweswo*? Wa vona? Wu nge swi endli. Wu ta hikahata Rito rin’wana na rin’wana kuva ri ri tano.

¹⁴¹ Kutani, loko mi ku, “Kunene, ndzi xirho xa kahle xa kereke ya mina,” sweswo a swi na nchumu na wun’we wo wu endla ha Wona.

Ndza va tiva vahedeni. Le hansi e Afrika, exikarhi ka vamakwerhu va mina va ntima ehansi lahaya, ndzi kuma mahanyelo ya vanhu lavaya ya ri ehenhla ku tlula—ku tlula makume nkaye wa tiphesente ta vanhu va le Amerika. Hikokwalaho ka yini, eka tin’wana tinxaka lahaya, loko nhwenyana a nga tekiwanga ku kondza a fika eka malembe yo karhi, kumbe loko a ri eka xiyimo xo karhi nakona ku ri hava loyi a nga n’wi teka, va swi tiva leswaku swin’wana swi hoxekile. Va n’wi hlongola. U susa pende ya rixaka, kutani a ya edorobeni, kutani a ya hundzuka mugwinihi. Kutani loko a tekiwa, u kamberiwa vuntombhi bya yena. Loko xifunengeto lexintsongo xa vuntombhi xi handzukile, kutani u fanele ku vula loyi a nga swi endla. Kutani va va dlaya ha vambirhi, swin’we. Xana a ku nga tava na ku dlayiwa ko tala e Amerika loko sweswo a swi humelela? [Nhlengeletano yi ku, “Amen.”—Muhleri.] Wa vona? Kutani mi va vitana vahedeni? Oho, mina! Va nga ta va ta dyondzisa vanhu, lava va tivitanaka swirho swa kereke, hi ku hanya hi ndlela yo teng. Hi swona sweswo.

¹⁴² A ndzi kalanga ndzi kuma mhangu ya vuvabyi bya tingana eka rendzo hinkwaro ra le Afrika Dzonga. A va na wona nchumu wo tano. Hi sweswo. Wa vona? Ntsena kova tindlela ta hina vinyi to thyaka, tani hi valungu. Hi swona sweswo. Hi fambele ekule na Xikwembu.

¹⁴³ Loko leswi swi humelela, nchumu lowu mi nga ta wu endla, mi ta kuma leswaku Moya lowu nghenaka eka n’wina, ku suka eka ku velekiwa loku ku Ntshwa, mi ta pfumela na ku endla hinkwaswo leswi Xikwembu xi swi vulaka eRitweni ra Xona leswaku i swa kuva n’wina mi swi endla. Nakona hinkwaswo leswi Bibele yi swi tshahaka kuva n’wina mi swi endla, mi

ta swi hikahata hi “amen.” Nakona a mi nge yimi, vusiku na nhlekanhi, ku kondza mi swi kuma. Hi swona sweswo. Hi swona sweswo. Kutani hi nkarhi lowu hinkwawo, hakunene, ehenhla ka hinkwaswo, mi ta tswala mihandzu ya Moya.

¹⁴⁴ Mi ri, “Xana ndzi ta vulavula hi tindzimi?” Mi nga swi endla sweswo, nakona swi nga endleka mi nga swi endli. “Xana ndzi ta huwelela?” Mi nga ha swi endla. Swi nga endleka mi nga swi endli.

Kambe kuna nchumu wun’we wa ntiyiso lowu mi nga ta wu endla. Mi ta tswala muhandzu wa Moya. Nakona muhandzu wa Moya i rirhandzu, ntsako, ku rhula, ripfumelo, ku tiyisela, vunene, malwandla, ku lehisa mbilu. Ximbilwambilwani xa wena a xi ngevi, “Oooh!” Ntsena tsundzukani, loko mi ri na sweswo, sweswo swi nyamisela Moya lowo Kwetsima ekule na n’wina. Wa vona? Loko mi fika eka xiyimo lexi mi lavaka ku holova na vanhu hinkwavo lava mi hlanganaka na vona, kuna swin’wana swi nga hoxeka. Loko mi fika eka xiyimo lexi... ministara u ta hlaya ku suka eBibeleni, leswaku swi hoxekile ku endla nchumu wo karhi, kutani, n’wina mi ta... Ntsena tsundzukani, ku hava Vukreste lahaya na swintsongo. Sweswo hi sweswi, leswaku, “Mi ta va tiva hi mintirho ya vona.” Sweswo hi leswi Yesu a nga swi vula. Wa vona?

¹⁴⁵ Loko kuri Rito, nakona Xikwembu xi vurile tano, Moya walowo wu nga endzeni ka n’wina wu ta ri tiyisela Rito rero, nkarhi hinkwawo. Hikuva, Moya lowo Kwetsima wa xiviri wu ta tiyisela Rito, hikuva Rito i Vutomi na Moya. Yesu u te, “Marito ya Mina i Vutomi.” Kutani loko kuri leswaku mi na Vutomi lebyi nga Heriki, nakona Yena a ri Rito, xana Rito ri nga ri arisa ku yini Rito? Wa vona? Xana i muxaka muni wa munhu loyi mi nga n’wi endlaka Xikwembu? Walowo i nchumu lowu mi faneleke ku wu tiva, leswaku mi Vakreste, loko mi nga pfumelelana hi ku hetiseka na Rito ra Xikwembu.

¹⁴⁶ Kutani mi tikuma mi ri karhi mi rhandzana na valala va n’wina. Munhu un’wana a ku, “Kunene, a nga nchumu ehandle kova muvumbuluki wo kwetsima.” Kutani mi sungula ku kuma... Aha! Vanani na vukheta. Vanani na vukheta. Vanani na vukheta. Kambe loko mi kuma hi xiviri, n’wina n’winyi, leswaku ma n’wi rhandza! Swi ngari na mhaka leswaku va endla yini, mi tama ma ha va rhandza. Wa vona?

¹⁴⁷ Kutani mi sungula ku swi kuma, kutani ku lehisa mbilu ka n’wina ku sungula ku suka eka ku leha *kwaloko*, ku kondza ku nga havi na makumu. Un’wana na un’wana ntsena u ya emahlweni a ri karhi a vula swilo hi mayelana na wena, “Kunene, a ndzi na mhaka na leswi u swi vulaka!” U nga hakaseleki. Loko u hakaseleka, swa antswa u ya khongela ku sungula, loko u nga se vulavula na vona nakambe. Ina. Ina.

Mi nga ngheneleli eka timholovo. Mi nga tsakeli ku nghena eka timholovo; loko mi tsakela ku vona un'wana a tlakuka ekerekeni, a ku, “Ma swi tiva kuri i yini? Ndzi ta mi byela, *Swingere-ngere* u endlile *swingere-ngere*.”

Mi ri, “Sweswi, makwerhu, wa nyumisa.”

¹⁴⁸ Loko mi ku, “Oho, swi tano?” Mi yingisela xikhunguvanyiso xexo? Tivoneleni.

Moya lowo Kwetsima a hi xihlovo xa thyaka. Wa vona? Ee, ee. Ee, ee. Mbilu yi tshamiwile hi Moya lowo kwetsima, yi tele hi ku kwetsima, ku tengen. “A yi anakanyi vubihi, a yi endli vubihi; yi pfumela swilo hinkwaswo; ya kondzelela, ku tiyisela.” Wa vona?

¹⁴⁹ U nga holovi. Loko ndyangu wu nghena eka mholovo, u nga holovi na vona. Manana wa wena a ku, “A ndzi nga ha ku pfumeleli u ya ehenhla lahaya, kereke liya ya khale, nakambe. Kunene, wena, hinkwaswo leswi u ehleketa hi swona sweswi, u tshika misisi ya wena yi kula. U languteka tani hi mukhegula un'wana.” U nga holovi na yena.

U ku, “Hi swona, manana. Swi lulamile. Ndza ku rhandza, ntseña hilaha ku fanaka. Nakona ndzi tava ndzi ri karhi ndzi ku khongelela ntseña loko ndza ha hanya.” Wa vona?

¹⁵⁰ Sweswi, u nga holovi. Wa vona? Ximbilwambilwani xi tswala ximbilwambilwani. Nchumu wo sungula u wu tivaka, u khunguvanyisele Moya lowo Kwetsima ekule na wena, u tava u ri karhi u tlherisela hi ku holova. Kutani Moya lowo Kwetsima Wu hahela ekule. Ximbilwambilwana xi tswala ximbilwambilwana.

Kutani rirhandzu ri tswala rirhandzu. Talani hi rirhandzu. Yesu u teri, “Hi laha vanhu hinkwavo va nga ta tiva leswaku mi vadyondzisiwa va Mina, loko mi rhandzana, un'wana eka un'wana.” Walowo i muhandzu wa Moya lowo Kwetsima, rirhandzu.

¹⁵¹ Nakona xana a mi swi tiva, hi n'wina vatumbuluxi lavantsongo, n'wina vinyi? Ma swi tiva sweswo? Hakunene. Mi va vonile vanhu lava mi rhandzaka kuva ekusuhi na vona. A mi swi tivi leswaku hikokwalaho ka yini. Ntsena munhu wa muxaka wo rhandza. Xana mi swi vonile sweswo? [Nhlegetano yi ku, “Amen.”—Muhleri.] Tani hi musa, lahaya, mi rhandza kuva ekusuhi na vona. Valava... Va tumbuluxa moyo wa ndzhawu yoleyo, hi vutomi lebyi va byi hanyaka, hi ndlela leyi va vulavurisaka xiswona, mabulo ya vona.

Kutani, mi va vonile lavaya lava, nkarhi hinkwawo, mi—mi va papalataka. Nkarhi hinkwawo, va lava ku vulavula hi swin'wana swo biha, na ku vulavula hi munhu un'wana. Mi ku, “Oho, mina! Hi lavaya va taka. Va ya eku sandzeni ka un'wana lahaya. U kona kwala sweswi, u ya eku vulavuleni hi wanuna loyi. Hinkwaswo leswi va nga ta swi endla i ku vulavula swa mafenya ya thyaka, kumbe swin'wana hi mayelana na vavasati,

kumbe swin'wana swo kotisa sweswo." Ntsena mi venga kuva ekusuhi na vona. Wa vona? Va tumbuluxa. Va tikomba, va ri vanhu va kahle, kambe va tumbuluxa moya wa ndzhawu yoleyo.

Kutani swilo leswi mi ehleketa hi swona, swilo leswi mi swi endlaka, swendlo, swilo leswi mi vulavulaka hi swona, swi tumbuluxa moya wa ndzhawu.

¹⁵² Ndzi yile ehofisini ya wanuna un'wana, kona kwala dorobeni leri. Nakona wanuna loyi i muthirasti, kumbe mudiyakoni, hi swona, ekerekeni ya kahle. Ndzi yile kwalahaya kuya vona wanuna luya hi mayelana na mhaka yin'wana. Nakona kuna xiya-ni-moya kwalahaya, na rock-and-roll ya leyo kumbe ku tshombonyoka, hambi ku ngava yini, ntsena hi matimba hilaha a swi ta famba hakona. Nakona ndzi tshembha leswaku a kuri na swifaniso swa makume mune ehofisini ya yena, swa vavasati vo ka vanga ambalanga. Sweswi, mi ngaka mi nga ndzi byeli leswaku i mudiyakoni ku fika kwihi, kumbe hi swihi swin'wana. Ndzi pfumeleleni ndzi vona leswi mi swi langutaka, na leswi mi swi hlayaka, na muxaka wa vuyimbeleri lebyi mi byi yingiselaka, ntshungu lowu mi tihanganisaka na wona, kutani ndzi ta mi byela leswaku moya wa muxaka muni lowu nga eka n'wina. Wa vona? Ina.

¹⁵³ Mi twa nakulorhi a ku, "Mina ndzi endla *swingere-ngere*? Ntlawa luwa . . ." Ntsena tsundzukani, a ndzi na mhaka na leswi a swi vulaka. Marito ya yena ya vulavula ku tlurisa. Swendlo swa yena swi vulavula ku tlula leswi xin'wana na xin'wana xi nga swi vulaka. A nga ha nyika vumbhoni, a vula leswaku u Mukreste, i ntiyiso, kumbexani a nga endli nchumu. Kambe ntsena mi langutisa muxaka wa vutomi lebyi a byi hanyaka. Sweswo swi vula leswi a nga xiswona.

¹⁵⁴ Sweswi, ma swi anakanya sweswo, wanuna loyi a nga na vutomi lebyi byi nga vulaka leswaku, "Ku pfumela eka ku horisa ka Vukwembu, sweswo i nchumu wa swinyenyan. Sweswo a swi ri endzhaku eka malembe lawa ya nga hundza. Ku hava nchumu wo tani hi sweswo namunlh?" Xana byebyo hi byona vutomi lebyi nga ringanela Evhangeli, leswaku, "Kreste u tlhaviwile hikokwalaho ka swidyoho swa hina, kutani hi tshunguriwa hi timbangta Yena"? U ri, "Kambe ndzi mudiyakoni." A ndzi na mhaka na swona. U nga hava u ri bixopo.

¹⁵⁵ Loko ndzi twile Bixopo Sheen a swi vula, kwalomu ka malembe mambirhi lawa ya nga hundza, ndzi ri karhi ndzi rhelela; a ndza ha pfukanga ndzi n'wi pfulerile nakambe. Loko a ku, "Munhu loyi a nga ta pfumela na ku ringeta ku hanya hi Bibele yaleyo, u fana na munhu loyi a ringetaka ku famba ematini ya ndzhope." Bixopo Sheen, kutani a hundzuluka, a ku, "Loko ndzi fika eTilweni, ma swi tiva kuri i yini? Loko ndzi hlangana na Yesu, ndzi ta N'wi byela leswaku, 'Hi mina Bixopo Sheen,' nakona U ta ku, 'Oho, ina, ndzi twile manana wa Mina

a vulavula hi wena.”” Vuhedeni, vanhu lava va nga sandza Rito rero. Xikwembu a xi tsetseleli. A ndzi muavanyisi. Wa vona?

Rito rero i Ntiyiso. Hi swona. Nakona Moya wa Xikwembu wu ta lemuka ku Tsala ka Xona N’winyi. Xi tivisiwa hi ku Tsala ka Xona. Ku—Ku—Ku vulavula hi Xona. Nakona mi tivisiwa hi ku Ku pfumela, nakona Ku mi nyika swibumabumelo swa vutitivisi.

¹⁵⁶ Mi nga holovi na van’wana. Nakona mi na—mi ngavi na timholovo leti ta xindyangu, tani hilaha ndzi swi vuleke. Rirhandzu ri tswala rirhandzu. Ximbilwana xi tswala ximbilwina.

¹⁵⁷ Sweswi, sweswi a hi voneni. Langutisani Yesu, ntsena xinkadyana. A ri xikombiso xa n’wina. Ndzi tshembha leswaku a mi le ku karhaleni ngopfu. Langutisani. A hi langutisemi Yesu, ntsena xinkadyana. A ri xikombiso xa hina. U virile tano. “Hikuva ndzi mi nyikile xikombiso, leswaku mi ta endlela van’wana leswi Ndzi nga mi endlela swona.”

¹⁵⁸ Sweswi vonani. Loko A tile emisaveni, loko kuri na ko tala, ku kala ku pfumela ko tala emisaveni hi nkarhi luwa tani hilaha ku nga tshama kuva kona, a swi kalanga swi N’wi nonokisile. U yile emahlweni a ri karhi a chumayela ntsena hilaha ku fanaka, na ku horisa hilaha ku fanaka. A swi kalanga swi N’wi karhata. A kuri na vasandzi. Wanuna loyi u sandziwile ku sukela loko A hari N’wana ku kondza A fa exihambanweni. Xana swi N’wi yimisile? Ee, nkulukumba. Xana a kuri yini kungu ra Yena? “Ku tshamela ku endla leswi Tatana a nga swi tsala. Ku tshamela ku endla leswi swi N’wi tsakisaka.”

¹⁵⁹ Langutisani Yesu. Mi vulavula hi kuva hina hi titsongahata? Loko Xikwembu hi Xoxe xi hundzukile N’wana, ematshan’wini yo ta hi—hi mubedo lowuntsongo wa n’wana kun’wana ekaya ra kahle, xi tswariwile le handle ehenhla ka ndhundhuma ya quva exitaleni, exikarhi ka marhole lawa ya rhasaka. Va Xi phutserile hi malakani yo phutsela, lawa a ya suka enhan’wini ya joko ra nkavi. Xisiwana xo hetelela, nakona, hambiswiritano, a kuri Mutumbuluxi wa matilo na misava.

¹⁶⁰ Eka byin’wana byo titimela, vusiku bya mpfula, va te, “Hosi, hi taya ekaya na Wena.”

¹⁶¹ A ku, “Timhungubye ti ni minkele, na swinyenyana swi na swisaka, kambe a Ndzi na laha ndzi nga lataka nhloko ya Mina kona.”

Xikwembu, Yehovha, xi titsongahatile Xona n’winyi kutani xi hundzuka Munhu; Xi ti yimerile enyameni ya vudyoho, ku ta kutsula mina na n’wina. Xana hi hina vamani manuko? A xi ri xikombiso xa hina. Xana ndzi mani? A ndzi nichumu.

¹⁶² A ndzi ri karhi ndzi byela un’wana, ndzhengha lowu, enhlenglestanweni leyintsongo. Ndzi ku, “N’wana un’wana na

un'wana loyi a tswariweke hi Xikwembu u fanele ku ringetiwa, ku sungula, a layiwa." Ndzi tsundzuka loko ndzi ri na ya mina, kumbe awara leyi kulukumba ya mina. Loko e-loko e wanuna a tswariwa ra vumbirhi, kuna xivalana, kukotisa sayizi ya n'wala wa rintiho ra yena, lexi Xikwembu xi xi tlhavelaka endzeni ka yena, mafambisele, nakona xi wela endzeni ka mbilu ya yena kutani xi khemelela kona. Kutani Sathana u endla leswaku munhu a swi khorwisa. Kutani loko kuri leswaku a xi kona lahaya, u fambile.

¹⁶³ Ndzi tsundzuka lahaya exibedlele, a ndzi ri na kwalomu ka makume mbirhi-mbirhi wa malembe hi vukhale, makume mbirhi-nharhu, kumbexani, kwalahaya, a ndzi ri jaha. Kutani tatana wa mina, a ri karhi a fela emavokweni ya mina, kutani mina ndzi ri karhi ndzi vulavula na Xikwembu tani hi muhorisi. Kutani tatana wa mina eka nhlaselo wa mbilu, u latile nhloko ya yena evokweni ra mina, nakona mina a ndzi ri karhi ndzi n'wi khongelela; ivi ndzi n'wi vona a hundzuluxa matihlo lawaya a ndzi langutisa, kutani a timeka, kuya hlangana na Xikwembu. Ndzi n'wi tekile ndzi ya n'wi lahla ethelo ka makwerhu wa mina, nakona swiluva a swa ha ri swintshwa esirheni ra yena, loko mina ndzi ri karhi ndzi chumayela hi Xikwembu lexi horisaka vavabyi. A ndzi tirhela Public Service Company, ku ringana macheleni mambirhi hi awara, kutani nsati wa mina a tirha kwala efemeni ya tihembhe; ku hi pfuneta ku kota ku hanyisa xijahetana xa hina xa khume nhungu wa tin'hweti, Billy Paul, na n'wana wa nhungu wa tin'hweti loyi a n'wi beburile.

Ndzi vonile Sesi Wilson a kowetisa nhloko ya yena. Wa swi tsundzuka sweswo; Roy Slaughter na van'wana vapapa va khale.

¹⁶⁴ Xana ndzi endlile yini? Ndzi fambile hi switarata, ndzi ri na sangweji evokweni ra mina, ndzi fika ehansi ka pala, ndzi ri karhi ndzi mbhonyiyela eka vanhu hinkwavo lava va nga ta kwalahaya, hi mayelana na rirhandzu ra Yesu Kreste. Ndzi ya egaraji ya vona ndzi ya vutisa loko ndzi nga kota ku yi tirhisa, ku vulavula na vamakhanikhi. Ndzi nghena kwalahaya, ndzi ku, "Vavanuna, xana mi kale mi ponisiwa? Ndzi kumile swin'wana embilwini ya mina." Ndzi ya eswitolo swa swakudya ni madyambu. Ndzi vuya ekaya hi awara ya mbirhi kumbe ya nharhu hi ma-ta- kuxa, ku suka eku endleni ka swikhongelo swa vavabyi vusiku hinkwabyo. A ndzi ngata... Ntsena ndzi tshamile ehansi, ndzi cinea ivi ndzi ambala swiambalo swa mina swa ntirho. Kutani ndzi tshama kwalahaya xitulwini ndzi wisa vusiku ku kondza ri xa, ndzi pfuka ndzi famba. Kutani a ndzi ondzile swinene, hikokwalaho ko titsona swakudya na ku khongela, ku kondza ndzi boheka ku khongela kuva ndzi kuma nhlohlotelwa mina, kuva ndzi khandziya pala. Ku chumayela, na ku chumayela leswaku Xikwembu xi kahle, Xikwembu i ntsetselelo, Xikwembu i rirhandzu, eka vanhu.

Kutani, lahwani, tatana wa mina a ri karhi a fela emavokweni ya mina. Na vamakwerhu va mina va file, va dlayiwile loko ndza ha yimile eka phuluphiti ehansi lahwani eka leyintsongo, kereke xa Pentekostal ya makhaladi, ndzi ri karhi ndzi chumayela. Va tile va ta ndzi byela, “Makwenu wa wena u dlayiwile egondzweni lerikulu. Movha wu n’wi tlumbile kutani wu n’wi dlaya.” Ngati ya makwenu wa yena a yi ri karhi yi khuluka ku suka ehembheni ya yena, laha a nga n’wi teka kona egondzweni lerikulu. Endzhaku ka loko ndzi n’wi lahlide, tatana wa mina a fa. Kutani, hi luya nsati wa mina a nga latiwa lahayla.

¹⁶⁵ Kutani ndzi yile, ndzi tile lahwani etabernakeleni leyi. Ku suka eka leswi, laha platifomo leyi yi nga yima kona, ndzi byerile vanhu, eka tin’hweti ta ntsevu swi nga se humeleta, “Ku ta ta ndhambhi. Nakona ndzi vonile Ntsumi yi teka nhonga, kutani yi pima, ‘Makume mbirhi wa magoza ehenhla ka Spring Street.’”

Kutani Sandy Davis na lava va nga tshama lahwani, va hlekile, va ku, “A yi ri ntsena kwalomu ka nhungu kumbe khume ra tiinchhi hi 1884, mufana. Xana i yini lexi xi vulavulaka na wena?”

¹⁶⁶ Ndzi ku, “Yi tava kona. Hikuva, ndzi vonile xin’wana xa swivono, nakona Xi ndzi byerile tano. Nakona yi tava kona.” Kutani ku na mfungho eSpring Street, namuntlha, eka makume mbirhi-mbirhi wa magoza ya mati. Ndzi ku, “Ndzi khandziyile ehenhla ka tabernakele leyi hi byatso.” Nakona ndzi swi endlile.

¹⁶⁷ Hi nkarhi wolowo, nsati wa mina u khomiwile hi vuvabyi. Ndzi n’wi khongelerile. Kutani ndzi tile etabernakeleni, vanhu a va n’wi yimerile. Ndzi ku, “U le kufeni.”

“Oho, kova ntsena nsati wa wena, luya.”

¹⁶⁸ Ndzi ku, “U le kufeni.”

Ndzi yile ehenhla lahaya ndzi ya khongela na ku khongela na ku khongela. Nakona a ndzi ta tshambuluta mavoko ya mina. U khomile voko ra mina. A ku, “Billy, ndzi ta hlangana na wena ni mixo, yima Lahaya.” A ku, “Hlengeleta vana kun’we kutani mi hlangana na mina enyangweni.”

¹⁶⁹ Ndzi ku, “Ntsena sungula ku huweleta, ‘Bill.’ Ndzi tava Kona.” Wa bona? Kutani a huma. Ndzi n’wi latile kwale moxari.

Ndzi yile ekaya, kuya badama ehansi. Kute loko ndzi swi endlile . . . Billy Paul lontsongo a ri karhi a tshama na Manana Broy na bona, a ri karhi a vabya swinene. Dokodela a n’wi ehleketelela ku fa nkarhi wihi na wihi. Mina a ndzi ri karhi ndzi khongelela Billy. Hi loko ku ta Makwerhu Frank a ta ndzi kuma. A ku, “N’wana wa wena u le ku feni, loyi wa xinhwenyetana.”

¹⁷⁰ Ndzi humile exibedlele. Dokodela Adair a nga ndzi pfumeleli ku nghena endzeni, a ku, “U na vuvabyi bya khenukhenu. U ta yi tlherisela eka Billy Paul.” U endlile leswaku muongori a ndzi nyika swilo swin’wana swo tshwuka kuva ndzi swi nwa,

eka muxaka wun'wana wa xititivati, xa swin'wana swo ndzi miyeta. Kutani ndzi va yimerile va huma ekamareni, ndzi swi cukumetela ehandle ka fasitere. Ndzi nyengile hi nyangwa wa le ndzhaku, ndzi rhelela ekamareni ya le hansi.

Kwalahaya a ku etlerile n'wana, emahlweni ka xibedele, wadi leyi nga vekiwa etlhelio, tinhongani ti ri hinkwako ematihlweni ya yena kukotisa sweswo. Ndzi tekile nete wa khale wa tinsuna, ndzi ti swikutela ekule, kutani ndzi yi tlhandleka ehenhla ka yena. Ndzi khinsamile ehansi, ndzi ku, "Xikwembu, hi luya tatana wa mina na makwerhu wa mina va nga etlela, lahaya, na swiluva esirheni ra vona. Hi luya Hope a nga etlela, u etlerile lahaya. Nakona hi loyi n'wana wa mina, a nga eku feni. U nga n'wi teki, Hosi."

¹⁷¹ Yi lo kokela khetenisi ehansi, tani hi loko yi vula leswaku, "Miyela. A ndzi lavi ku ku twa, na swintsongo." A yi kalanga yi vulavula na mina.

¹⁷² Kutani, loko Yi nga vulavuli na mina, a kuri nkarihi wa Sathana. A ku, "Kutani a ndzi ehleketa leswaku u ri hi Xona Xikwembu xa kahle. I yini hinkwaswo leswi u huwelelaka hi mayelana na swona? Ntsena u mufana. Langutisa hinkwako, ehenhla ka doroba. Nhwanyana un'wana na un'wana na mufana un'wana na un'wana loyi u nga tshama u tihlanganisa na yena u ehleketa leswaku u lahlekeriwile hi miehleketo ya wena. Yi ku lahlekerile." Sweswi, a nga ta ndzi byela leswaku a kuna Xikwembu, hikuva a ndzi Xi vonile khale. Kambe u ndzi byerile leswaku a Xi ngari na mhaka na mina.

¹⁷³ Ndzi tshamile vusiku hinkwabyo, siku hinkwaro. Ndzi vula sweswo eka Xikwembu, "Xana ndzi endlile yini? Ndzi kombeti, Hosi. U nga tshiki lava nga riki na nandzu va xaniseka hikokwalaho ka mina, loko ndzi endlile leswo hoxeka." A ndzi nga swi tivi leswaku a Xi ri eku ndzi ringeten. Kambe n'wana un'wana na un'wana loyi a taka eka Xikwembu u fanele ku ringetiwa. Ndzi ku, "Ndzi byeli leswi ndzi nga swi endla. Ndzi ta swi lulamisa. Xana ndzi endlile yini ehandle ko chumayela siku hinkwaro, vusiku hinkwabyo, na ku Xi nyiketa vutomi bya mina, nkarihi na nkarihi? Xana ndzi endlile yini?"

Sathana a ku, "Hi swona sweswo. Wa swi vona, sweswi, loko swi ta eka wena, nakona u va byerile hinkwavo leswaku u pfumela leswaku hi Xona muhorisi lonkulu, kutani hi luya n'wana wa wena a nga etlela lahaya, a ri eku feni. Xi ala hambi kuri ku yingisa. Nsati wa wena u file hi vuyabyi bya rifuva. U vurile leswaku Xa swi kota ku horisa mfukuzani, kutani hi Lexiya. Sweswi, u vulavula hikuva Xona xi ri kahle, na leswaku Xi kahle njhani eka vanhu. Kutani hi mayelana na wena-ke?"

¹⁷⁴ Kutani ndzi sungurile ku n'wi yingisela. Sweswo i ku anakanya. Ndzi ehleketele leswaku, "Hi swona sweswo."

A ku, “Xi nga vula. A xi boheki ku vulavula Rito. Ntsena ku *langutisa* n’wana wa wena, kutani a nga hanya.”

Ndzi ku, “Hi swona sweswo.”

“Na swo tala leswi u nga Xi endlela swona, hambiswiritano sweswo hi leswi wena Xi ku endlelaka swona.”

¹⁷⁵ Ndzi ku, “Hi swona sweswo.” Ndzi sungurile ku ehleketa leswaku, “Kunene, yini?” Wa vona? Swilo hinkwaswo swi sungurile ku tshovekela ekule, loko swi ta eka ku anakanya. Kambe, loko swi ta eka Xexo, Xexo xi nembelerile. Xi tshamile kwalahaya. A ndzi ri ekusuhi na ku vula leswaku, “Kutani ndza tshika.”

Kambe loko swi tava swi fikile ehansi ku kondza matimba hinkwawo ya ku anakanya ya tava ya tshovekerile ekule, kutani swi fikile eka Vutomi lebyiya byi nga Heriki, ku velekiwa lokuya ku Ntshwa. A swi to yini loko a ndzi nga vanga kona lahaya? A swi to yini loko a ndzi nga vanga na swona? A hi tava hi nga tivananga kukotisa leswi hi tivanisaka xiswona sweswi. Kereke leyia yi nga tava yi ri kona kukotisa leswi, magidi na mamiliyoni ku rhendzeleka na misava. Kambe, ndzi khensa Xikwembu, a Xi ri kona.

¹⁷⁶ Kutani loko ndzi ehleketa leswaku, “Yini? Hi mina mani, hambiswiritano? Hi mina mani, ku vutisa vukulukumba bya Xona? Hi mina mani, ku vutisa Mutumbuluxi loyi a nga ndzi nyika byona vutomi bya mina kwala misaveni? Xana ndzi n’wi kumile kwihi n’wana luya? Xana i mani a nga ndzi nyika yena? A hi mina, hambiswiritano. Ntsena xi lo ndzi lomba yena, nkharhinyana.”

Ndzi ku, “Sathana, fambela ekule na mina.” Ndzi yile kwalahaya, ndzi tlhandleka voko ra mina ehenhla ka n’wana. Ndzi ku, “Xikwembu xi ku katekisa, murhandziwa. Hi xinkadyana, papa u ta ku rhelerisa ehansi, a ku veka emavokweni ya manana. Tintsumi ti ta longa moyo lowuntsongo wa wena wu ya ekule. Kutani ndzi ta hlangana na wena hi mixo wolowo.”

Ndzi ku, “Hosi, U ndzi nyikile yena. U le ku n’wi tekeni. Hambi loko U ndzi dlaya, tani hilaha Yobo a nga vula hakona, hambiswiritano, ndza Ku rhandza na swona ndza Ku pfumela. Loko U ndzi yisa etiheleni, ndzi ta Ku rhandza, hambiswiritano. Ndzi ngaka ndzi nga swi balekeli sweswo.” Hi sweswo.

Ntsena ku tirhisa vutlharchi, a swi tava hinkwaswo swi tshovekerile ekule. Kambe u fanele kuva na vuxaka bya ximunhu. U fanele ku tswariwa ra vumbirhi.

¹⁷⁷ Xexo hi xona xivangelo xo va tiministara ti ya ekule, swihehlo leswikulu na swin’wana. Va ri, “Ku hava nchumu wo tani hi ku horisa ka Vukwembu. Ku hava nchumu wo tani hi swilo leswi.” A va se tshama va va eka misava leya yo kwetsima,

tani hilaha a ndzi ri karhi ndzi vulavula hi swona mixo lowu. A va tivi nchumu hi Swona. Xana va nga swi vurisa ku yini leswaku hi vona vana va Xikwembu, kutani va tsan'wa Rito ra Xikwembu? Xana u nga swi endlisa ku yini, ku tsan'wa wona Moya lowo Kwetsima lowu wu nga ku xava?

¹⁷⁸ Oho, ntsena tsundzukani, Yesu u titsongahatile Yena n'winyi, eka rifu, hikokwalaho ka n'wina. A nga holovi. Loko va N'wi phela hi marha exikandzeni, A nga va vuyetanga. Loko va tsuvurile malevhу ya Yena, A nga va kokanga hi ya vona. Loko va N'wi phakatile etlhelwени rin'we ra xikandza, lerin'wana, A nga kalanga a va phakata. U va khongelerile, a ya emahlweni a famba, hi ku titsongahata. A ri xikombiso xa ku titsongahata.

¹⁷⁹ A tele Ripfumelo. Hikokwalaho ka yini? A swi tiva leswaku Marito ya Yena ya ngaka ya nga tsandzeki. U hanyisile xisweswo hi Rito ku kondza A hundzuka Rito.

O Xikwembu! Ndzi pfumeleli ndzi tlakusela mavoko ya mina ha mambirhi eka Xikwembu, emahlweni ka vayingiseri lava. Ndzi pfumeleli ndzi hanya kukotisa sweswo. Pfumelela Rito leri ri va tano, leswaku mina na Rito leri hi va nchumu wun'we: pfumelela marito ya mina ya va Rito leri; pfumelela ku anakanya ka mbilu ya mina; N'wi pfumeleli a va embilwini ya mina, emiehleketweni ya mina; boha swileriso swa Yena ehenhla ka mhandzi ya vutlharhi bya mina; yi bohe ehenhla ka mhandzi ya mbilu ya mina; ndzi pfumeleli ntsena ndzi N'wi vona; loko mindzingo yi pfuka, ndzi pfumeleli ndzi vona Kreste; loko swilo swi hoxeka, ndzi pfumeleli ndzi vona Yena; loko ndzi lungheka, kutani nala a ringeta ku ndzi khunguvanyisa, ndzi pfumeleli ndzi vona Yesu, Xana U ta endla yini?

¹⁸⁰ A ri eRitweni swonghasi, ku kondza Yena na Rito va hundzuka nchumu lowu fanaka. Vonani.

¹⁸¹ A nga boheki ku holova. A swi tiva leswaku Yena na Rito a va fana. A swi tiva leswaku A ri Rito ra Xikwembu leri nga vonakarisiwa, na leswaku nawu wa Xikwembu wu ta hetelela wu hlula misava. A swi tiva sweswo, Rito ra Yena. A ri na ripfumelo. A ku tiva laha A ri kona. A nga boheki ku kanelia, kutani a ku, "Haleno, mi nga ta haleno."

¹⁸² Javulosi u te, "Sweswi, vona, U nga ha endla mahlori. Wa swi tiva leswaku U na ripfumelo lerikulu. U nga ha endla mahlori. Ndzi ta Ku akela muako, wo hundza wa Oral Roberts ha kambirhi. Hikuva, vanhu hinkwavo... E—e nchumu wun'we ntsena lowu U faneleke ku wu endla, i ku va kombeta. Jitama ku suka emuakwini lowu lahwani, ntsena yana ehansi, hikuva ku tsariwile, wa vona, 'Tintsumi ti ta Ku khavulela, leswaku nenge wa wena wu nga tshuki wu khuguriwa hi riby.'" Wa vona?

A swi tiva leswaku A ri na matimba. A swi tiva leswaku A ta swi endla. A swi tiva leswaku a ya ri endzeni ka Yena, kambe A nga lavi ku ya tirhisa ku kondza Xikwembu xi N'wi byela ku

swi endla. Wa vona? A lava leswaku kuva Xikwembu endzeni ka Yena, kuva Rito eka hinkwaswo. Nakona A swi tiva leswaku, loko A vula swin'wana na swin'wana, leswaku A kuri Rito ra Xikwembu; nakona hambi loko matilo na misava swi hundza, Rito rero ri ta hlula siku rin'wana.

¹⁸³ A nga holovi na ku nyangatseka. U vulavurile ntsena Marito ya Xikwembu. Rito rin'wana na rin'wana leri a ri huma enon'weni wa Yena a kuri Rito ra Xikwembu leri nga totiwa.

Xana a swi nga tava kahle loko a ho vula leswaku, "Rito ra mina na Rito ra Xikwembu ya fana. Leswi ndzi swi vulaka, Xa swi xixima, hikuva a ndzi endli nchumu ku kondza Xi sungula xi ndzi byela"? Oho, hi xexo xikombiso xa n'wina. Hi byebyo vutomi lebyi nga ringanelia Evhangeli.

¹⁸⁴ Ku ngari vaprista lavaya a va dyondzekile swonghasi na ku pholichiwa, na kuva na hinkwabyo vukulukumba, na ku yima va endla swikhongelo swo leha, na ku phangha mimiti ya tinoni, na ku phangha switulu swa le henbla e—e nhlengeletanweni, hinkwaswo swilo leswi lahawani. A vari... Lebyi a byi ngari vutomi lebyi nga ringanelia Evhangeli.

Kambe Yena a ringanerile Evhangeli, swonghasi, lero Xikwembu xi ku, "Loyi i N'wana wa Mina loyi a rhandzekaka, Loyi Ndzi n'wi tsakelaka. N'wi yingiseni. Rito ra Mina hi Yena. Hi yena Rito ra Mina. Mina na Yena ha fana."

¹⁸⁵ Swi tiveni, mi vona leswi sweswi. A swi tiva leswaku Rito ra Yena ri ta hetelela ri hlurile misava. A ku tiva laha Rito ra Yena a ri huma kona. A swi tiva leswaku a Ri nga ta tsandzeka, xexo hi xona xivangelo xova A te, "Ha vumbirhi matilo na misava swi ta hundza, kambe Rito ra Mina ri ngaka ri nga tsandzeki." Wa vona? A swi kota ku vula sweswo. Yaloye a ri Munhu Loyi Yena na Rito ra Xikwembu va nga hundzuka nchumu wun'we. U va byerile...

"Mi fanele ku endla *leswi na sweswo*."

¹⁸⁶ U te, "I mani loyi a nga Ndzi avanyisaka hi xidyoho? I mani loyi a nga Ndzi hehlaka?" *Xidyoho* i "ku kala ripfumelo." "Loko Mina, hi rintiho ra Xikwembu, Ndzi hlongola madimoni, xana vana va n'wina va ma hlongola hi mani?" Wa vona? A ku ngari sweswo, swingaleswi a ku fanele kuva swin'wanyana. Wa vona? "Loko Mina..."

Va ku, "Kunene, hi ma hlongorile madimoni."

¹⁸⁷ Yena a ku, "Loko Ndzi swi endla hi rintiho ra Xikwembu, Rito ra Xikwembu leri tiyisisiweke, kutani xana vana va n'wina va ma hlongola hi mani? Kutani vanani vaavanyisi."

¹⁸⁸ Vanhu va masiku ya Yena, na swona vanhu a va endla mafenya ha Yena, va vulavula hi Yena. Kambe, Yena, va N'wi xumbadzile, hi ndlela yin'wana na yin'wana leyi a va yi kota.

Va N'wi byela tinxaka hinkwato ta vubihi, ku lwisana na Yena, kambe U yile emahlweni.

Sweswi ndzi lava ku pfala ku ngari khale, hi ku vula leswi.

¹⁸⁹ Vanhu va masiku lawa i ntlawa wa swipengo. Vanhu va siku leri i ntlawa wa swipengo. Va chava ku teka switshembhiso swa Xikwembu. Vavanuna va kereke, vandla ra kereke, mavandla ya tikereke ya chava ku teka ntlhontlho wa Matsalwa ya Xikwembu eka siku leri. Va swi lemuka. Va lemuka leswaku swiyimo swa vona swa ximanguva lawa na evhangeli ya vona ya vuxaka leyi ya yi chumayelaka a yi nge fikeleli ntlhontlho wa awara leyi, ku tlula kuva Samson a yi fikelerile eka xiyimo xa yena. Swi tekile Xikwembu.

Kutani hi lowu nongonoko lowu wu nga swi tshembhisa. Ndzi ta fika eka sweswo ku ngari khale.

¹⁹⁰ Ndzi lava ku khoma rito rero, xinkadyana. Hambi loko va tivitana Vakreste, va hlayisa mikhuva, mikhuva leyi endliweke hi vanhu, kuva yi siva ndhawu ya Rito ra Xikwembu. Swingaleswi, va nga teka mukhuva, hikuva munhu u wu endlile. Kambe va chava ku veka ripfumelo ra vona le handle eka Xikwembu lexi va koxaka kuva va xi rhandza. Hi swona sweswo. Kutani mi vula leswaku vutomi byebyo byi ringanerile Evhangeli? A swi nge endleki, hambi loko va ngava swirho swa kereke. Kambe sweswo a swi ringanelanga Evhangeli. Ee, hakunene.

¹⁹¹ Evhangeli! Yesu u te, “Fambani emisaveni hinkwayo kutani mi chumayela Evhangeli eka swivumbiwa hinkwaswo. Swikombiso leswi swi ta landzela vapfumeri.”

Kutani loko mi ala kuva sweswo swi landzela vapfumeri, xana mi ngava na vutomi... A swi na mhaka, mi nga hava mi nga vuli rito ro biha, mi ngava mi hlayisa swileriso hinkwaswo swa khume, sweswo a swi ngevi na nchumu na wun'we wo wu endla hi swona. Byi tama byi nga ringanelanga Evhangeli. Wa vona? A swi ngata endleka.

Vaprista lavaya va hlayisile sweswo, nakona a va tama va nga ringanelanga. U te, “Mi huma eka tata wa n'wina, javulosi.” Xana i mani loyi a ta tlhandleka rintiho ehenhla ka vavanuna lavaya? Mfungho wun'we wa kuva na nandzu, kutani a va khandliwa ehandle ka ntsetselelo. Vavanuna vo kwetsima! Kutani Yesu u te, “Mi huma eka tata wa n'wina, javulosi,” loko Evhangeli yi tile.

¹⁹² Hambi loko va tivula Vakreste, va rhandza ku khomelela eka mikhuva, mikhuva ya vona. Oho! Mikhuva yi humelerisa na ku fikelerisa maehleketelele ya vanhu va ximanguva lawa va siku leri. Kutani wanuna loyi a nga tava ku humelela eka siku leri, u fanele ku famba hi maendlele ya ximanguva lawa ya ku ehleketa. Mi nge ndzi vula sweswo kahle swi va erivaleni. Wa vona? Wanuna, loko u tava ku humelela, u fanele ku famba hi maehleketelele ya ximanguva lawa. Swi... Va rhendzeleka

hinkwako, va ku, "Oho, xana a nga rhandzeki? Xana a nga sasekanga? A nga ha yima kwalahaya a lulamile, nakona a nga hi khomeleti ku hundza khume ntlhanu wa timinetse. Nakona mufundhisi wa hina a nga hi holovelhi mayelana na swilo leswi."

Tingana eka mufundhisi yaloye. Wanuna un'wana na un'wana loyi a nga ta yima ephuluphutini kutani a langutisa xidyoho xa siku leri, kutani a nga huweleli, kuna swin'wana swi nga hoxeka hi wanuna yaloye. A nga ringanelanga Evhangeli leyia a koxaka kuva a yi chumayela. Hi swona sweswo. Swingaleswi, hi ku endla tano, va tiendlela swilandzulo, hi ku vula leswaku, "Sweswi, langutisani, nhlengeletano ya mina!"

¹⁹³ E—e wanuna u tile lahawani, a hi khale ngopfu, eka kereke yin'wana yikulukumba, nakona a ri karhi a tsala xitsalwana. Kutani a ku, "Ndzi tsala hi ku horisa ka Vukwembu." A ku, "Makwerhu Branham, ha ku rhandza, eka dinominexini ya hina." Yin'wana ya tidinominexini tikulukumba, yin'wana ya letikulu etikweni, kumbe emisaveni. Kutani a ku, "Ha ku rhandza, eka dinominexini leyia." A ri kwala eJefferson Villa. Kambe, a ku, "Ndzi tile ku ta lavisia hi mayelana na ku horisa loku ka Vukwembu." A ku, "Kuna xihoxo xin'we ntsena lexi kereke ya mina yi xi kumaka." Wa vona? A ku, "U tihlanganisa na Mapentekostal yo tala."

Ndzi ku, "Kunene, sweswi, wa swi tiva, sweswo hi swona." Ndzi ku, "Sweswo i ntiyiso. Wa swi tiva, a ndzi tshama ndzi ri karhi ndzi lava nkateko wo hambana na vona." Ndzi ku, "Ndzi ta ku byela leswaku i yini. Ndzi ta ta edorobeni ra wena, u endla leswaku kereke ya wena yi ndzi seketela."

"Oho," a ku, "A va nge swi endla."

Ndzi ku, "Sweswo hi leswi a ndzi swi ehleketa. Sweswo hi leswi a ndzi swi ehleketa."

¹⁹⁴ A ku, "Wa swi vona, dinominexini ya mina yi nge swi yimeli sweswo." Sweswo i ku tilandzulela, tani hi, "Ndzi tekile nsati," kumbe "ndzi xavile joko ra nkavi." A ndzi na mhaka na leswaku i tidigiri ti ngani ta vudokodela leti u nga na tonu, na leswaku u langutisiwa ku fika kwihi, hi dinominexini ya wena. Ministri ya muxaka wolowo a yi yi ringanelanga Evhangeli leyia nga tsariwa eBukwini leyia. Swi lulamile.

¹⁹⁵ Xirho xin'wana na xin'wana xa kereke lexi xi nga yima na swilo swo tani hi sweswo, kutani va tititana Vakreste! Kutani va ya ehandle lahawani va ya hanya... Na vavasati va ri karhi va boba misisi ya vona, na ku ambala swiambalo leswi Bibebe yi vulaka leswaku va nga swi ambali. Vavanuna va ri karhi va tikhoma hi ndlela leyia va tikhomisaka xiswona sweswi, "nghohe ya vukhongeri," ku nwa mabyalwa na ku dzaha tisigara, na ku teka ko tala kutani va hundzuka madiyakoni ya kereke na hambi kuri kuva vafundhisi, na swin'wana. Kutani vanhu lava

va kondzelelaka swilo swo tani hi sweswo, vutomi byo tani hi byebyo a byi yi ringanelanga Evhangeli.

¹⁹⁶ Wansati loyi a nga fambaka, a ya nghena eka riqingho kutani a hleva, na ku sungula timholovo ekerekeni, na swilo swo kotisa sweswo, byebyo a hi vutomi lebyi nga ringanelanga Evhangeli leyi hi nga ta yi yimela. Munhu un'wana na un'wana loyi a nga ta hambanisa kereke, na ku sungula dzolonga exikarhi ka vanhu, na swilo swo kotisa sweswo, a nga ringanelanga hi Evhangeli leyi hi yi chumayelaka. Hakunene. "I nghanhe ya vukhongeri, va ri karhi va tsan'wa matimba ya yona," matimba ya Xikwembu lawa ya mi sivelaka eka sweswo.

¹⁹⁷ Xiyisisani, sweswi, a va swi endli. Ntsena va ngaka va nga swi endli. Va tilandzulela, leswaku, kereke ya vona a yi Ri pfumeli. Va . . .

Kunene, kambe, Yesu a swi vula—vula eka wanuna, vusiku lebyi, a vulavula na mbilu ya yena kutani a ku, "Ndzi lava leswaku u famba, u ya chumayela Evhangeli leyi hetisekeke."

"Kereke ya mina a yi Ri yimeli, Hosi. Ndzi khomeli, loko U swi kota. Ndzi na xihehlo xa kahle. Ndzi—ndzi—ndzi, Wa swi tiva, ndzi mufundhisi, eka yin'wana ya tikereke leti kulukumba edorobeni leri, Hosi. Oho, hi dzunisa Vito ra Wena kwalahaya! Ina, Nkulukumba. Hakunene ha swi endla. A ndzi nge swi koti." I ku tilandzulela kun'we, i nchumu wun'we. Swingaleswi a va ti enkhubyeni wa ximoya wa leri a nga ri tshembhisa, Rito leri nga tyisisiwa.

¹⁹⁸ Xana Yesu a nga vulanga leswaku, "Laha ntsumbu wu nga kona, hi laha magama ya nga ta hlengeletana kona"? "Magama," ku ngari tin'hwati, sweswi. Magama! Laha swakudya swa thyaka swi nga kona, na e—na e nyama yo—yo bola, kutani tin'whati ti hlengeletana kona. Kambe laha leyintshwa, Nyama yo basa yi nga kona, hi laha magama ma hlengeletanaka kona. Wa vona? Hakunene. Laha Rito, Swakudya swa magama, ya ta hlengeletana kona.

¹⁹⁹ Swingaleswi a va ti enkhubyeni wa ximoya lowu va nga rhambiwa eka wona. Xana ma pfumela leswaku Xikwembu xi nyikile Amerika xirhambo, khume ntlhanu wa malembe yo hetelela, eka mpfuxelelo lowukulu, eka nkhuvo wa ximoya? [Nhlengeletano yi ku, "Amen."—Muhleri.] Xana va tile? Ee, nkulukumba. Ee, nkulukumba. Kutani, ku ala ku ta, xana vutomi byebyo byi yi ringanerile Evhangeli, hambi leswi va tititanaka sweswo?

²⁰⁰ Loko wanuna a tile eka mina, a hi khale ngopfu, a ta tshama etafuleni, ivi a ku, "Makwerhu Branham, ndzi lava ku fikelela ku tsemakanya tafula," wanuna wa kahle, "Ndzi lava ku khoma voko ra wena, Ndza ku rhandza." A ndzi ri ekerekeni nakona ndzi twile a ri karhi a chumayela. A ku, "Ndza ku rhandza. Ndza pfumela leswaku u nandza wa Xikwembu."

Ndzi ku, “Ndza khensa, dokodela. Ndza ku rhandza, na mina.”

A ku, “Ndzi lava ku ku byela leswaku ndzi ku rhandza ku fika kwihi, tani hi makwerhu.” Kutani a ku, “Wa yi vona hosikazi ya mina leyintsongo yi tshameke lahwani, nsati wa mina? Wa n’wi tsundzuka?”

Ndzi ku, “Ina.”

A ku, “Dokodela u n’wi nyikile mavhiki mambirhi yo hanya, a ri na mfukuzani ya marhambu. Kutani u tile edorobeni ku ta n’wi khongeleta. Kutani u langutile ehenhla, ivi u vona xivono. A hundzuluka ivi u ndzi byela, ‘LESWI SWI VULAKA HI HOSI, wansati u ta hola.’” Xivati lexikulu enhlaneni wa yena, xi phya kukotisa *sweswo*, xi languteka tani hi lexikulu... tani hi loko xiphemu xa mavele ya wansati xi kokeriwile endzeni, enhlaneni wa yena, kwalahaya elongweni ra yena. A ka hari na xivati na xintsongo xa xona, namuntlha. A ku, “Hi liya yi tshameke lahaya hosikazi ya mina, ya hanya namuntlha.” A ku, “Xana ndzi nga swi endlisa ku yini swin’wana ehandle ka ku ku rhandza, hikokwalaho ko khongela xikhongelo lexiya xa ripfumelo? Xana ndzi nga tshikisa ku yini ku pfumela kuva wena u ri—u ri nandza wa Hosi, loko u ndzi vonile, na ku ndzi byela hi ku kongoma leswi a swi ta humelela?” A ku, “Sweswi ndzi ku khomerile swin’wana, Makwerhu Branham.” A ku, “Ndzi wela eka nhlangano lowukulu wa Pentekosta leyi nga kona.”

Ndzi ku, “Ina, nkulukumba. Ndza swi tiva sweswo.”

A ku, “Ndzi vulavurile na vamakwerhu, a hi khale ngopfu, nakona va ndzi byerile leswaku ndzi tihlanganisa na wena, kutani ndzi ku byela leswaku swi na tingana kuva u yisile ministri lowu nga nyiketa hi Xikwembu eka ntlawa wa vanhu entsungeni wa nambu na ku rhendzeleka kukotisa sweswo.”

Ndzi ku, “Hi swona sweswo?”

A ku, “Ina.” A ku, “Xikwembu xi rhumerile ministri wolowo kuva wu ba mavala ya minsiba, vala lerikulu, swiendlakalonkulu.”

²⁰¹ Ndzi vonile javulosi a ri karhi a vulavula hi nkarhi wolowo. Ndzi ehleketa, “Ina. ‘Jitamela ehansi ka ntshava leyi, kutani u kombisa, wa swi tiva, ku suka eka muako lowu.’” Wa vona? Wa vona?

Ndzi ehleketa, “Ntsena n’wi yisi emahlweni swintsongo.” Mukhegula manana wa mina a tshamela ku vula leswaku, “Nyika homu ntambhu yo ringanelo, yi ta tisunga hi yoxe.”

Ndzi ku, “Hi swona sweswo?”

“Ina.” A ku, “I tingana, hi leswi u swi endlaka?” A ku, “U yimi xana? Namuntlha u tsandzeka ku tixavela swakudya.” Kutani a ku, “Langutisa Oral Roberts na lavan’wana, va nghenile, kutani

va yile ehandle lahaya na n'we xa dzana ra ministri lowu u nga na wona. Langutisa laha va yaka kona."

Ndzi ku, "Ina. Hi swona sweswo." Wa vona?

Kutani a ku, "Ntlawa wa mina wu ta ku teka. Hi ta ku nghenisa endzeni, tani—tani hi un'wana wa vamakwerhu wa hina. Hinkwavo va ta ku nyika voko ra xinene ra xinakulobye, kutani hi ta lomba xihaha-mpfhuka, ivi hi ku nyika muholo wa wena wa ntlanhan wa madzana hi vhiki, kumbe ku tlula loko u swi lava. Kutani hi ta ku rhumela eka doroba-nkululu rin'wana na rin'wana etikweni." Leswi swi humelerile ePhoenix, Arizona, hi ku tsemakanya tafula. Kutani a ku, "Kutani hi ta ku hakelela . . ." A ku, "Kutani pfumelela misava, misava ya le handle, pfumelela vachaviseki, vakulukumba, vale henhlahanhla . . ." A ku, "U tshamela ku vulavula hi va le hansi-na-le handle. Hi na va le henhlana-le handle." A ku, "Va pfumelele ku vona voko ra Hosi. Kutani ndzi ta va pfumelela va teka nsati wa mina, na van'wana, va ta khorwisa leswaku swilo leswiya u swi vulaka swa humelela."

²⁰² Ndzi ku, "Ina, nkulukumba. Sweswo a swi tava kahle."

Sweswi, wa vona, wanuna loyi, eka xiyimo xa D.L., L.L.D., mutsari wa tibuku, wa vona, dokodela ra swintlangwana, mutsari wa kahle, wanuna wa kahle. Wa vona? A nga ma tivi Matsalwa.

Xana a mi swi tiva leswaku Ntsumi liya yi nga endla tinxaka hinkwato ta mintirho a yi kalanga yi ya eSodoma? Yi sele na ntlawa lowu nga vitaneriwa ehandle, Abraham.

Ntsena a nga swi tivi. Ndzi lo n'wi tshikisa xisweswo, ntsena ndzi tshama kwalahaya xinkadyananyana. Ntsena a ndzi lava ku vona leswaku xiphasiwa a kuri yini. Ndzi ku, "Kunene, xana ndzi ta fanela ku endla yini?"

A ku, "Kunene, Makwerhu Branham, ntsena nchumu wun'we lowu va nga wu vula...Hi wu kanerile, swilo swintsongo, swilonyana leswi u swi dyondzisaka, leswaku u swi veka etlhelo."

Ndzi ku, "Hi xikombiso, yini, makwerhu?"

"Oho," a ku, "nkhuvulo wa wena, wa swi tiva. Wa swi tiva, u na makhuvulelo yo kotisa oneness, swin'wana swo kotisa sweswo." A ku, "Swilo swintsongo swo kotisa sweswo."

Ndzi ku, "Oho?" Ndzi yile emahlweni.

Kutani a ku, "Vumbhoni byo sungula; na vachumayeri va vavasati; na swilo swintsongonyana swo kotisa sweswo."

²⁰³ Ndzi ku, "Ahaa?" Ndzi ku, "Wa swi tiva, ndza hlamaleswaku nandza un'wana wa Xikwembu a nga kombela nandza un'wana wa Xikwembu, endzhaku ka kuva u hakerile ndzuvo eka mina, na ku ndzi vitana muprofeta, na ku tiva leswaku Rito

ra Hosi, kumbe nhlavutelo wa Rito, wu ta eka muprefeta. Kutani u hundzuluka, Dokodela Pope, (a swi vulavuli hi vutlharhi bya wena bya kahle), kutani u vula na ku kombela, nandza un'wana wa Xikwembu, u kombela nandza un'wana wa Xikwembu kuva a xavelela eka nchumu wo tani hi wolowo...?...swi vula swo tala eka yena ku tlula vutomi hi byoxe." Ndzi ku, "Ee, nkulukumba, Makwerhu Pope. Na swintsongo ndzi nge swi endli. Ee, nkulukumba."

Xana i yini? Kuna ndoho ya Vutomi lebyi nga Heriki; ku hanya kumbe ku fa, hambi u nakulorhi wa kahle kumbe u ngari nakulorhi wa kahle.

²⁰⁴ Ndzi hundzile hi kona, siku rin'wana... Ku ngari ku tekela vavanuna lava ehansi. Ndzi langutile kwalahaya, nakona a kuri na xifaniso lexikulu lahaya eTulsa, Oklahoma; ndhawu yintshwa ya Oral Roberts yi nga eku teni, seminari yo dyondzisa tiministara. Yi ta durha (Nakona ndzi tiva Demos Shakarian, Makwerhu Carl Williams, na lava va nga eka bodo ya mathirasti ya yona.) makume ntshanu wa timiliyoni ta tidolara, na muako wa timiliyoni tinharhu ta tidolara; mufana wa Pentekosta, wolowo i nkateko wu kulukumba lowu Xikwembu xi nga n'wi endlela wona.

²⁰⁵ Ndzi ehleketa, "Mina, na seminari? Ndzi lwisana na yona, xo sungula."

²⁰⁶ Kutani a xi ku, "Kaya ra mundzuku ra seminari leyikulu ya Oral Roberts." Ndzi rhelerile hi patu, a kuri na nchumu wu kulukumba wa ximanguva lawa. Kutani Oral Roberts, endzeni ka tende lerintsongo ro hlakala, u tile enhlenegetanweni ya mina le Dorobeni ra Kansas, Kansas.

Xi te, "Kaya ra mundzuku ra Tommy Osborn," oho, wanuna, ndhawu ya kwalomu ka nharhu kumbe mune wa timiliyoni ta tidolara yi ri karhi yi ya ehenhla kukotisa sweswo.

Kutani kwalahaya, Tommy Osborn, un'wana wa vavanuna va Vakreste. I wanuna wa xiviri, wanuna loyi a rhumiweke hi Xikwembu. U yimile a hingakanya xitarata lahaya; lontsongo, mufana wa rhumbyani, xifanyetana na hwanyana emovheni; va tsutsuma hinkwako, va humela ehandle. A ku, "Makwerhu Branham, a ndzi ri kona loko ndzi vona nhlanyi liya yi tsutsumela ehandle. Nakona ndzi ku vonile u kombetela rintihro ra wena exikandzeni xa yona, kutani u ku, 'Hi Vito ra Yesu Kreste, huma eka yena.' Ndzi yi vonile yi wa yi hingakanya milenge ya wena; endzhaku ka loko yi vekile vuprefeta bya yona, yi ku, 'Vusiku lebyi, ndzi ta ku tlatlalatela ehansi exikarhi ka vayingiseri valava va makume ntsevu-ntshanu wa madzana ya vanhu.'" Kutani a ku, "Ndzi ku vonile u yima lahaya, u nga kali u tlakusa rito, kutani u ku, 'Hi Vito ra Hosi, hikokwalaho kova u tlhontlhile Moya wa Xikwembu, vusiku lebyi, u ta wela ehenhla

ka milenge ya mina.' A ku, 'Ndzi ta ku komba loyi ndzi nga ta wela emilengeni ya yena."

²⁰⁷ Kutani ndzi ku, "Huma eka yena, Sathan." Ntsena u wile hi xindzhakwa-ndzhakwani ivi a khinela milenge ya mina ehansi.

A ku, "Xikwembu i Xikwembu, Makwerhu Branham. Hi sweswo ntsena." A ku, "Ndzi tikumile ndzi bekeriwile endlwini ku ringana masiku mambirhi kumbe manharhu." A nga kondli swibakele. A nga vulavula hi swona. A nga na tingana hi swona. A ku, "U ehleketa leswaku ndzi na nyiko yo horisa?"

²⁰⁸ Ndzi ku, "Swi rivali, Tommy. U rhumiwile ku chumayela Evhangeli. Famba, u ya Yi chumayela. Famba na Makwerhu Bosworth lahaya."

²⁰⁹ Ndzi langutile lahaya, kutani ndzi vona. Ndzi sungurile emahlweni ka vumbirhi bya lavaya.

Ndzi ehlekete, "Hi luya Oral Roberts na ntlhanu wa madzana ya michini, leyi hambi kuri voko ra munhu ri nga khumbhiki maletere; mune wa timiliyonu ta tidolara eposweni, lembe leri nga hundza." Mune wa timiliyonu; n'we xa mune xa mali hinkwayo leyi nga tekiwa, eka misava hinkwayo ya Xikreste, hinkwako. N'we xa mune xa mali hinkwayo eka Xikreste hinkwaxo eka munhu un'we. I ndhawu muni! Ndzi yile kwalahaya ku ya yi vona.

²¹⁰ Kutani, sweswi, Oral i makwerhu wa mina. Mina! Ndza n'wi rhandza. I nakulorhi wa kahle, nakulorhi wa xiviri, na swona ndza n'wi rhandza. Na swona u ehleketa misava hi mina, na mina ndza swi endla ha yena, na mina. Ntsena a hi pfumelelani e-e Matsalweni.

Nakona, Tommy Osborn, ku ngari ku antswa. Ntsena ndzi ehleketa misava ha yena. Hi un'wana wa vavanuna va kahle lava ndzi nga hlangana na vona, Tommy Osborn.

"Kutani vavanuna lavaya," ndzi ehlekete, loko ndzi yile ehofisini ya vona ndzi ya vona leswi a va ri na swona, "Ndzi ehleketa leswaku ndzi nga khomiwa hi tingana loko vona vo ta, va ta vona ya mina": xitirhisiwa xin'we lexintsongo xo thayipa, kutani a hi ta ringeta ku humesela maphepha ehandle. Nakona a xiri nchumu muni! A xi tshama emakumu ka xigolonyani, hi nkarhi wa kona. Ndzi ehleketa, "Xana sweswo swi ngava yini?"

Kutani ndzi humela ehandle. Ndzi ehleketa, "Kunene, 'Kaya ra mundzuku ra Oral Roberts.' 'Kaya ra mundzuku ra Tommy Osborn.' Un'wana a nga vulavuli na loyi un'wana."

Swingaleswi, ndzi rhelerile hi pato. Ndzi ehleketa, "Kambe mina-ke?"

²¹¹ Kutani xin'wana xi ku, "Langutisa ehenhla."

²¹² Ndzi ehleketa, "Ina, Hosi, ndzi pfumeleli ndzi veka rifuwo ra mina eTilweni, hikuva hi laha mbilu ya mina yi nga kona."

Sweswi, a ndzi vuli sweswo hikokwalaho ko tiputa. Ntsena ndzi swi vula hikuva swi humelerile, na swona Xikwembu xa swi tiva leswaku wolowo i ntiyiso. Wa vona?

²¹³ Xana rifuwo ra n'wina ri le kwihi? Xana mi lava kuva munhu un'wana nkulukumba? Loko mi lava swona, a mi nchumu. Mi fika eka xiyimo lexi mi nga ha laviki kuva munhu nkulukumba. Mi lava kuva nandza lontsongo wo titsongahata eka Kreste. Yaleylo hi yona ndlela yo huma. Hi sweswo ntsena.

²¹⁴ Makwerhu Boze na lavan'wana va le ku vumbeni ka kereke eChicago. Ntsena a va boheka ku tshiketa kereke ya Philadelphiya hikokwalaho ka dinominexini yaleylo. Sweswi a vari karhi va vulavula hi mayelana na ku kuma nakulorhi un'wana na baji ra yena ro kotisa *leswi*, DD yin'wana. Ndzi ku, "Mi le ndleleni ya n'wina yo ya ehandle. Loko mi lava ku kuma mufundhisi wa xiviri eka kereke yaleylo, kumani nakulorhi wa khalenyana wo titsongahata loyi a nga swi kotiki ngopfu na ku hlaya vito ra yena, nakona mbilu ya yena yi ri karhi yi pfurhela Xikwembu. Ntsena tekani nakulorhi yaloye. Yaloye hi loyi mi lavaka ku n'wi kuma, munhu loyi a nga swi tiviki swilo leswi hinkwaswo, munhu loyi a nga taka a nga lerisi na ku chayela, na ku mi hoxa eka tinxaka hinkwato ta swikweleti, hinkwaswo leswin'wana, ntsena a mi phamela Rito ra Xikwembu. Yaloye i muxaka na munhu loyi mi faneleke ku n'wi kuma."

Swingaleswi, a va nga ti enkhubyeni wa ximoya. Ndzi fanele ku pfala. Ndzi hundzisile nkarhi sweswi. Hi kwalomu ka ntsevu wa timinetse, hi tava hi ri karhi hi ntshuxeka, loko Hosi yi swi rhanda.

²¹⁵ Ndzi twa van'wana va ku, "Kambe, Makwerhu Branham, swa antswa u seketela xitatimende xexo." Va ku, "Vanhu lavaya a hi swipengo. Vanhu lava a hi swipengo. Va lo dyondzeka ntsena." Hi vona swipengo swo dyondzeka, manuku. Hi swona sweswo. Ina. "A hi vona swipengo. Va dyondzekile."

Kutani ndzi lava ku mi vutisa xivutiso. Wa vona? Ma swi twisia. Ndzi lava ku mi vutisa xivutiso manuku. Ndzi kombela mi hlamusela swendlo swa vona swa namuntlha, loko va ngari swipengo. Ndzi byeleni leswaku i yini xi va endlaka va tikhoma hi ndlela leyi va tikhomisaka xiswona, loko va ngari swipengo; wa vona, nakulorhi un'wana na un'wana u kokela dinominexini ya yena, hi makolo. Yesu a ngari tano. A nga hatliseli nchumu. Wa vona? A nga ri na makolo. A ri xikombiso xa hina.

²¹⁶ Vugevenga, tiko, tiko ri na vugevenga byo tala ku tlula lebyi ri nga tshama ri va na byona. Xana i yini xi nga hoxeka? Va-kondlo-a-ndzi-dyi, swirho swa kereke, va teka vutomi, vavanuna va balesela vasati va vona na mindyangu, na ku hisa vana va vona. Kutani langutisani gandlati ra vugevenga. A hi vona swipengo? Kutani i yini xiphijo? I yini swendlo swa vona?

Matiko lawa ya hlanyelaka matimba, un'wana na un'wana u lava ku teka hinkwaswo...leswin'wana kutani a swi endla mujeko wun'we, tiko rin'we, sweswo swi va mujeko wa vona na tiko ra vona. Ku hlanyela matimba!

²¹⁷ Matikhoma yo biha, hikokwalaho ka yini, misava yi tikhoma ku biha ku tlula leswi yi nga tshama yi va xiswona. Vavasati lava nga ambalangiki eswitarateni, vavasati lava nga ambalangiki, kutani mi vula leswaku va kahle emiehlekeweni ya vona? Va ngaka va ngavi kahle. Ntsena va ngaka va ngavi kahle.

²¹⁸ Yingisani. A kuri na munhu un'we eBibeleni loyi a nga tihluvula swiambalo, yaloye a ri Vandla. A hlanganile nhloko. Loko Yesu a n'wi kuma ivi a n'wi nyiketa miehleketo leyinene, u ambarile swiambalo swa yena. Swi lulamile.

Xana i yini lexi xi mi endlaka mi hluvula swiambalo swa n'wina? I javulosi. Hi swona sweswo. Kutani mi ri a hi swipengo? Sungulani ku rhelela hi xitarata lahawani, kutani mi chayela mune wa tibiloko ta doroba ehandle ko vona wansati loyi a nga ambalangiki nchumu, kutani mi vuya mi ta ndzi byela. Swi lulamile. Swi kumisiseni.

²¹⁹ Kutani mi ri a hi vona swipengo? Kutani xana i yini xi nga hoxeka? Va ngaka va ngavi emiehlekeweni ya vona leyinene. Wansati wa miehleketo leyinene a nga ta swi endla sweswo; U na ku twisia ko antswa. Wa swi tiva leswi a ti hoxaka eka swona le handle. Ntlawa wa madimoni ya ku navela le handle, ntsena va thyaka, va vubihi, va futa, vavanuna vo dakwa, vadlayi, hinkwaswo leswin'wana. Mi ri...

²²⁰ Misava yi le ku nwени ka byalwa byo tala sweswi. Va tirhisa mali yo tala hikokwalaho ka byalwa, eUnited States, ku tlula leyi va yi tirhiselaka swakudya. Ndzi ehléketa leswaku swi... Ndzi rivèle leswaku i ku tlula ka ngani hi ku tala leswi xikweleti xa byalwa xi durhisaka xiswona lembe rin'wana na rin'wana, etikweni, ku tlula leswi a swiri xiswona. Nakona xana vudakwa byi endla yini? Byi ku rhumela evuhlayselweni bya lavo hlangana-nhloko.

²²¹ Mfukuzani. Loko madokodela ya vutshunguri ku suka ematikweni hinkwawo ya tsala eka timagazini, kutani ya mi byela leswaku, "Mfukuzani hi mindhwalo ya timovha." Tisigarete. Ti hoxeni eka makondlo, nakona ti swi khorwisile leswaku ti mi nyika mfukuzani ya mahawu. Makume nkombo wa vona va teka mfukuzani ya mahawu ku suka eku dzaheni ka tisigarete. Kutani vavasati na vavanuna va ta tikokela endzeni va ti hefemulela exikandzeni xa n'wina. Loko sweswo ku ngari ku penga, xana ku penga i yini?

²²² Loko, Evhangeli ya Yesu Kreste yi nga chumayeriwa na ku khorwisiwa, kutani Xikwembu xa Matilo hi xivumbeko xa Langavi ra Xona ra Ndzilo xi ndzilukela ehenhla ka vanhu

ivi xi kombisa leswaku Yesu Kreste u le nhlengeletanweni ya Yena yo heteleta ya ku Vuya ka Yena, ku va nyika xikombiso xo heteleta. Kutani va Yi hlekula na ku endla mafenya ha Yona, kutani va tivitana swirho swa kereke; kutani va vula leswaku a hi vona swipengo? Hlamuselani sweswo. Nkarhi wa mina wu ya emahlweni wu famba. Kambe ntsena vutisani loko va ngari swipengo. Kunene. Hi vona swipengo swo dyondzeka. Sweswo hi swona. Hlamuselani xiyimo xa vona. Mi nge swi koti.

²²³ Va tsemeta misisi ya vona, va ambala swiambalo swa le misaveni, va huma va famba eswitarateni kukotisa xisweswo. Na swona Rito ra Bibebe ya Xikwembu ra tshinya ku lwisana na swona, yi alela hambi kuri kuva wansati a khongela a ri na misisi leyi bobeweke. Nakona yi vula leswaku wanuna... Kutani wansati a endla sweswo. Wa swi koxa, yena n'winyi, eka nuna wa yena, leswaku u tikhoma ku biha, yena n'winyi, kutani wanuna u na mfanelo yo hetiseka ya ku n'wi thala na ku n'wi hlongola a ya ekule na yena. Sweswo hi swona ngopfu. Rito ra Xikwembu loko ri vula sweswo, ivi wansati a swi twa sweswo, kutani a ya emahlweni a ri na misisi yo koma, nakona a tivitana Mukreste. Loko sweswo ku ngari xipengo, xana xipengo i yini? Ndzi lava leswaku un'wana a ndzi byela leswaku xipengo i yini, manuku. Ina. Hi vona swipengo.

²²⁴ Va dyondzekile ngopfu, tidigiri, ta kholichi! Hi veka nkarhi wo tala eku dyondziseni ka vana va hina, eka—eka algebra na biology, ku tlula lowu hi nga na wona eka Bibebe na Yesu Kreste. Ku hava n'wana etikweni leri loyi a nga taka a nga mi byeli leswaku David Crockett i mani. Ku hava xa nharhu xa vona lava va nga mi byelaka leswaku Yesu Kreste i Mani. Kutani, a hi swipengo? Kunene, hi swona. Hilaha hi nga yaka emahlweni na kuya emahlweni na kuya emahlweni, hilaha va endlaka hakona!

²²⁵ Ntsena tsundzukani. Kutani kereke ya swi pasisa, loko Bibebe yi swi tshimbisa. I ministri wa swipengo-ke? Swipengo swo dyondzeka. Sweswo hi swona ngopfu. Tikereke ta swi pasisa.

²²⁶ Tsundzukani Lot. A ri wanuna wo tlhariha. N'wi languteni, xinkadyana nyana sweswi. Mi nga—mi nga... Hi nga...

Ndzi khomeleni kuva ndzi hundzisa hi timinetse tintsongo nyana. Leswi swi na nkoka swinene. Swi ya ehandle eka... Mi tile ku ta ndzi twa loko ndzi endla thepi leyti.

²²⁷ Langutisani. Langutisani. A hi yimeninyana. Khongelani xinkadyanayana, etimbilwini ta n'wina, "Hosi, ndzi pfumeleli ndzi swi vona." Pfulani ku twisia ka n'wina. Ingaku Xikwembu xi nga swi endla. Langutisani e... Ntsena tekani tiko leri, ri ri roxe. A hi vuleni leswi Xikwembu xi nga swi vula.

²²⁸ Bibebe yi vurile, leswaku, "Swidyoho swa Sodoma swi xanisile moyo lowu lulameke wa Lot hi masiku hinkwawo" Ntsena a ngari na xitiya nhlana xo ringanelu ku yima erivaleni

a lwisana na swona. Hi swona sweswo? [Nhlengeletano yi ku, “Amen.”—Muhleri.] A nga ta swi endla, hikuva a ri meyara wa doroba. A nga ta swi kota. Kambe Bibele yi vurile, leswaku, “Swidyo ho swa—swa Masodoma swi xanisile moya wa yena.” A swi tiva leswaku a swi hoxekile, kambe a ngari na xitiya nhlana xo swi endla, ku yima a lwisana na swona.

²²⁹ Sweswi langutisani. I va Lot va ngani eAmerika, lava tolo, a va hlaya Tibibele ta vona, ku lulamisa hungu ra vona ra siku, kutani va hlangana na nkhuvulo wa mati hi Vito ra Yesu Kreste? I va ngani va vona lava va nga hlangana na nkhuvulo wa Moya lowo Kwetsima? “Yesu Kreste wa hari wa tolo, namuntlha, na hilaha ku nga heriki”? Marka 16, “Swikombiso leswi swi ta landzela lava va pfumelaka”? Yohana 14:12, “Loyi a pfumelaka eka Mina, mintirho leyi ndzi yi endlaka na yena u ta yi endla”? “Loko mi tshama eka Mina, na Rito ra Mina ri tshama eka n’wina, kombelani xin’wana na xin’wana kutani mi ta endleriwa xona”? I va Lot va ngani lava va nga vona Sweswo? Kambe, hikokwalaho ka ku tilandzulela ka vona, ka dinominexini ya vona! Swi... Langutisani kutani mi vona eBibeleni.

²³⁰ Langutisani tinhlengeletano ta vona ta vavasati va misisi leyi bobiweke, na swona va swi tiva leswaku Bibele ya swi tshimbissa. Langutisani ku rhelela hi xitarata, eka swirho swa tikereke ta vona leswi fambaka ku rhelela hi xitarata, swi ambarile leswo koma, nakona va swi tiva leswaku Rito ri lwisana na swona. Kambe a va na xitiya nhlana xo huwelela ku lwisana na swona. Kambe, hambiswiritano, wanuna u hlambanya kuva a ri Mukreste, moya lowu nga endzeni ka yena wu rila ku lwisana na swona, kambe a nga na xintiya nhlana. Loko yaleyo yi ngari Sodoma ya ximanguva lawa, xana yi le kwihi?

Xikwembu, hi nyike munhu loyi a nga ta huwelela ku lwisana na swona. Hi swona sweswo. Tani hilaha Yohana Mukhuvuri a nga te, “Xihloka xi vekiwile erimintswini ra nsinya.” Sweswo hi leswi hi swi lavaka namuntlha.

²³¹ Vonani. Hi vona Sodoma ya ximanguva lawa. Tsundzukani. Wa vona? Tiko hinkwaro ri hundzukile Sodoma na Gomora. Lot wa ha hanya kona nakambe. Ee... Wa ha swi hanya nakambe, hikuva vutinyiketeri bya yena bya ntiyiso bya n’wi byela hi Rito leswaku wa hoxisa.

²³² Langutisani Chicago, Chicago leyikulu, loko madzana nharhu wa swichumayeri leswikulu swi tshamile lahaya. Kutani Hosi yi ndzi byela hi vusiku byebyo leswi a va ya eku swi endleni. A va ndzi rhiyerile ntlhamu. Mina, ndzi yile kwalahaya. Ndzi yile ndzi ya byela Makwerhu Carlson. Ndzi ku, “A wu nge yi khomeli ehodela liya. U ta yi yisa eka ndhawu xin’wana, nakona ku tava kuri kamara ya rihlaza. Nakona va ndzi rhiyerile ntlhamu, a hi swona, Makwerhu Carlson?” U korhamisile nhloko ya yena.

U tshamile kwalahaya hofisini ya mina, masikunyana lawa ya nga hundza, kuva mina ndzi ta, eka nhlengeletano ya le Chicago. A ku, “Ndzi nge pfuki ndzi swi rivarile leswiya, Makwerhu Branham.”

Kutani ndzi ku, “Va ndzi rhiyerile ntlhamu. Hikokwalaho ka yini, Makwerhu Carlson? Xana ma chava ku ndzi byela leswaku hikokwalaho ka yini, wena na Tommy hicks?” Va korhamisile tinhloko ta vona. Ndzi ku, “Tommy, hikokwalaho ka yini u nga yi u ya vulavula?”

A ku, “A ndzi nga ta swi kota.”

Ndzi ku, “A ndzi ehleketa leswaku u vurile leswaku u ta ndzi pfuna.”

²³³ Ndzi ku, “Vusiku bya tolo Hosi yi ndzi byerile. U ya kona kwalahaya namuntlha, nakona u ta kuma leswaku a wu nga wu kumi muako luwa. U taya eka muako wun’wana. Dokodela Mead u tava a tshamile hi tlhelo *leri*. Wanuna luya wa mukhaladi, nsati wa yena, loyi a yimbelelaka, u tava a tshamile *lahawani*, na swin’wana, laha hinkwavo va nga tava va tshamile kona.” Ndzi ku, “Ku tava kuri na muprista wa Buddha lahaya.” Kutani ndzi ku, “Sweswi swi kumisiseni. Va ndzi khomile xikungu hikokwalaho kova ndzi chumayela nkhuvulo hi Vito ra Hosi Yesu Kreste. Va ndzi khomile xikungu hikokwalaho kova ndzi chumayela mbewu ya nyoka; na ku lwisana na vumbhoni, leswaku, munhu un’wana na un’wana loyi a vulavulaka hi tindzimi u na Moya lowo Kwetsima, na swin’wana.” Ndzi ku, “Rhelelani kona mi ta vona Xikwembu.”

²³⁴ Ndzi fikile kwalahaya, va rhelerile ehansi lahaya, kutani hi tiawara tetiya timbirhi ku sukela nkarhi wolowo, kumbe ku antswa, nkarhi wun’wana hi ndzhengha wolowo, va vitanile Makwerhu Carlson. Kutani a ku, “Nakulorhi loyi a nga n’wi pfumelela kuva na liya, na ku hakelela hakelo yale hansi ya yona, u te, ‘Hi fanele ku yimisa, hikuva meninjere a vurile leswaku u yi tshembhisile bende eka vusiku byebyo, kumbe mixo wolowo.’” Nakona a va nga ta yi kuma.

²³⁵ Swingaleswi hi humile hi ya eTown and Country. Kutani hi mixo wolowo loko hi fika lahaya, na ku yima kwalahaya, kutani—kutani Makwerhu Carlson u teri, “Ku na nchumu wun’we. N’wina vamakwerhu mi nga ha kanetana na Makwerhu Branham, kambe,” a ku, “a nga chavi ku vula leswi a swi pfumelaka.” A ku, “U ndzi byerile leswaku swilo leswi swi ta humelela ntsena hi ndlela leyi swi nga eku humeleleni hakona.” A ku, “Sweswi hi loyi. N’wi pfumeleleni a tivulavulela hi yexe.”

²³⁶ Ndzi tekile Matsalwa, “A ndzi alanga xivono xa le tilweni,” tani hilaha Paul a nga vula hakona. Ndzi ku, “Mi ndzi khomile xikungu, hikokwalaho ka nkhuvulo wa mati hi Vito ra Yesu Kreste. Swi antswa ku tlula madzana nharhu ya n’wina mi titivisaka tani hi va Dokodela *Swingere-ngere*, na Dokodela

Swingere-ngere." Ndzi ku, "A ndzi kali ndzi ri na dyondzo ya xikolo ya ririmbi. Kambe ndzi tlhontlha wanuna wihi na wihi lahawani ku ta na Bibele ya wena u ta yima etlhelo ka mina, kutani u tsan'wa rin'we ra Marito lawa ya nga vuriwa."

Mi na swona eka thepi ehandle lahawani, loko mi lava ku swi twa. Wolowo a wuri ntshungu wo miyela ku tlurisa lowu mi nga tshama mi wu twa. Ndzi ku, "Xana mhaka i yini?" Xana ku ngava kuri na un'wana lahawani, vusiku lebyi, loyi a ri kona eka nhlengeletano ya mixo luwa? U nge hi ku vona u yimisa voko ra wena. Ina. Kunene, i ntiyiso, langutisani hinkwako.

Ndzi ku, "Kutani, loko mi nga koti ku swi seketela, kutani sukani endzhaku ka mina." Swi lulamile. Kuna ku gungula ko tala, loko va ri ekhoneni. Kambe langutanani na mhaka exikandzeni, swa hambana. Hi swona sweswo. Swi... Vavanuna va humile.

²³⁷ Tommy Hicks a ku, "Ndzi lava madzana nharhu ya tithepi teto, ndzi ta ti rhumela eka muchumayeri un'wana na un'wana wo tiendlisa wa Trinitarian loyi ndzi n'wi tivaka."

Vavanuna va qhavurile voko ra mina, va ku, "Hi ta rhelela etabernakeleni hi ta khuvuriwa nakambe."

Xana va le kwihi? Swilandzulo. "A ndzi nge swi koti. Dinominexini ya mina a yi nge ndzi pfumeleli ndzi swi endla. Ndzi tekile nsati. Ndzi xavile nkavi ya joko, kumbe joko ra nkavi, swa antswa. Ndzi—ndzi xavile xiphemu xa misava. Ndzi fanele kuya ndzi ya xi languta." Wa vona? Swin'wana swa swilo leswiya, tani hi, swilandzulo. Hi swona sweswo? [Nhlengeletano yi ku, "Amen."—Muhleri.] Xana vutomi byebyo byi yi ringanerile Evhangeli-ke? ["Ee."]

Loko Evhangeli yi lulamile, a hi xaviseni swilo hinkwaswo leswi hi nga na swona kutani hi hanyela Yona. Vanani Vakreste. Ina, nkulukumba. Amen. Xiyisisani sweswi, loko ha ha pfala.

²³⁸ Kambe swilandzulo swa vona i mikhuva ya vona na tidinominexini ta vona.

Swi kotisa nsinya. A ndzi ri karhi ndzi langutisa Makwerhu Banks, siku rin'wana. A ndzi ri na—na nsinya wa ncindu, ndzi wu byarile loko ndzi rhurhela ro sungula lahaya, kwalomu ka, oho, kwalomu ka khume ntlanhu wa malembe lawa ya nga hundza, kumbe ku anstwa. Kutani ndzi pfumelela yona minsinya, marhavi ya kula ensinyeni wa ncindu, nakona a hi nga swi koti ku nghenisa muchini wo tsema byasi ehansi kwalahaya. Nakona a ku ngari na nsinya wa byasi, hambiswiritano. Kutani ndzi yile kwalahaya, ndzi teka saha kutani ndzi saha marhavi ya suka, ku kondza nsinya luwa wa ncindu wu va le henhla *lahaya*, laha a wu ta swi kota ku famba ehansi ka wona na muchini wo tsema byasi. Byasi byo saseka ku tlurisa lebyi mi nga se tshama mi byi vona byi le hansi ka wona sweswi. Xana i yini? Mbewu a yi ri kona. A yi fanele ku kuma ku vonakala.

²³⁹ Kutani ntsena loko dinominexini, swilandzulo swa n'wina, swi ringeta ku endla ndzhuti eka Mbewu leyi mi swi tivaka leswaku yi tshamile kwalahaya, mi le ku tekeni ka xiphemu xa Lot. Cukumetani swilo sweswo ekule, kutani mi pfumelela Rivoni ra Evhangeli ku voningela kwalahaya, matimba ya Yesu Kreste. Ina. Ku sivela Rivoni ekule na yona, swi ta yi sivela ku hanya. Hikuva, loko Rivoni ro tshwuka ku ri fikelerile, yi ta hlukela eVuton'wini.

Xexo hi xona xivangelo xova vanhu va ku, “Mi ngayi eka tin’wana ta tinxaka ta tinhlengeletano.” Va chava leswaku Rivoni rin’wana ri nga tlhava un’wana wa swirho swa vona.

²⁴⁰ Tsundzukani wansati luya wa le xihlobyen. A ri nghwawava.

Hi lahaya a ku yimile vaprista lavaya. Va vonile Yesu a byela Natanael, “Ndzi ku vonile, loko wa hari ehansi ka nsinya wa nkuwa.”

Kutani vaprista va ku, “Hi yena Beelzebub. Hi yena muvhumbhi. Yaloye i javulosi.”

²⁴¹ Wansati loyi lontsongo, loko a taya kwalahaya, a ri eka xiyimo xa yena xa matikhomele yo biha, a ri karhi a hanya na ntsevu wa vavanuna. Kute loko a yile kwalahaya a ri eka xiyimo lexiya, eka xiyimo lexi a ri eka xona. Kutani Yesu a ku, “Ndzi keli mati yo nwa.” Mbulavurisano wu sungurile. A ku, “Landza nuna wa wena u vuya na yena lahwani.”

Wansati a ku, “A ndzi na yena.”

A ku, “Wa vurisa. U na ntlhanu, na swona loyi u hanyakna na yena, a hi nuna wa wena.”

Wansati a ku, “Ndza swi vona leswaku u muprefeta, Nkulukumba. Ndza swi tiva leswaku Mesiya u ta endla sweswo loko A ta.”

Yesu a ku, “Ndzi Yena.”

²⁴² Sweswo swi swi tshamisekisile. Loko Rivoni rero ri tava ri hatimile ku tsemakanya Mbewu leyia yi tshamile endzeni ka nghwawava liya leyintsongo ya khale, masiku ya vunghwawava a ya herile. Hi loko a kongoma exitarateni, a ri karhi a dzunisa Xikwembu, a ku, “Tanani, mi ta vona Wanuna Loyi a nga ndzi byela swilo leswi ndzi nga swi endla. Xana Loyi a hi yena Mesiya-ke?” Xana a kuri yini? Rivoni ri fikile eka mbewu liya le ndzhaku ehansi ka ndzhuti wa vutumbelo bya nghwawava. Ina, nkulukumba.

Sweswi a hi pfalen, hi ku vula leswi. A ndzi swi tivi leswaku i mapapila mangani lawa ndzi nga na wona, kambe kunene ndzi—ndzi ngaka ndzi nga ya teki hinkwawo. Kwalomu ka khume, kambe sweswo kova ntsena ku heta hafu yin’we. Kambe a hi pfalen, hi ku vula leswi.

²⁴³ A hi fananiseni swin'wana, kan'we, hi vutomi lebyi nga ringanelia. A hi fananiseni vutomi bya Mukwetsimi Paul eka jaha ra mufumi. Rivoni leri fanaka ri bile vavanuna ha vambirhi. Ha vambirhi va vile na xirhambo xin'we ku suka eka Yesu Kreste. Hi swona sweswo? [Nhlengeletano yi ku, "Amen."—Muhleri.] Ha vumbirhi a va tokotisiwile eMatsalweni. Ha vambirhi a vari vativi va swa vukhongeri. Tsundzukani, Yesu u byerile—byerile jaha ra mufumi leswaku, "Hlayisa swileriso."

²⁴⁴ A ku, "Ndzi swi endlile leswi, ku sukela evuntsongwanini bya mina."

A ri wanuna loyi a tokotisiwile. Swi tano hi Mukwetsimi Paul. Ha vumbirhi a va tokotisiwile eka Matsalwa. Kambe, ha vumbirhi bya vona a vari na Rito. Un'wana a ri na Rona ku suka eka vutivi; loyi un'wana a ri na ntsutsu wa Vutomi eka rona. Loko Rivoni leriya ri ta hatima ku tsemakanya, emahlweni ka Paul, u te, "Hosi, U Mani xana?"

A ku, "Hi mina Yesu."

"Hi mina loyi, manuku." A lunghekile.

²⁴⁵ Rivoni ri bile vavanuna ha vambirhi. Un'wana u mirisiwile; loyi un'wana a nga mirisiwanga. Yaleylo i ndlela leyi swi nga xiswona namuntha: kereke ya ximoya, kereke ya ntumbuluko.

²⁴⁶ Wanuna wa xifumi a ri na ku tilandzulela ka yena. A nga ta swi kota. A tikeriwa ngopfu ehansi hi vanghana vo tala va misava. A nga lavi ku tshika ku tihlanganisa.

Yaleylo hi yona mhaka hi vanhu vo tala namuntha. Mi ehleketa leswaku, hikokwalaho kova mi wela eka loji, ntseña a mi ngata byi fularhela yumakwerhu byebyo. "Hinkwavo va nwa na swilo swo tani hi sweswo. Va endla *leswi*." Swi lulamile, yanani emahlweni na swona; a ndzi na nchumu xo lwisana na loji, a ndzi na nchumu xo lwisana na kereke. Ndzi vulavula mayelana na n'wina. Wa vona? Ina. Wa vona? Ku hava xo lwisana na sweswo. Kwalomu ka, ntsevu xa n'we, na hafu ya khume mbirhi ya lexin'wana. Ntseña ndza ha ku heta ku mi byela leswaku kereke a hi nchumu ehandle ka loji, dinominexini, loko va tsan'wa Rito ra Xikwembu.

²⁴⁷ Xiyisisani. Wanuna wa xifumi a ri na swilandzulo swa yena. A nga kalanga a fularhela vumbhoni bya yena, hambiswiritano. Hi kuma leswaku u yile eka bindzu leri kulu. A ri na vutivi. Nakona u yile eka ndhawu yo tani hi yaleylo ku fikela laha a boheka ku kula swonghasi, ku kondza a boheka ku aka madulu yo veka swilo swa yena kona. Kutani loko a file; kutani nghwendzha yin'wana, na kholoro ra yona leri hundzuluxiweke, yi chumayerile enkosini wa yena, a swi kanakanisi. Nakona loko yi swi endlile, yi ngava yi vurile leswaku... Va enhlesile mijeko yi fika exikarhi, kutani va ku, "Makwerhu wa hina loyi a rhandzekaka, meyara wa doroba leri, sweswi u le mavokweni ya

Iowa Matimba hinkwawo, hikuva a ri xirho lexi kulukumba xa kereke. U endlile *swingere-ngere*, na *swingere*.²⁴⁸

Kutani Bibele yi te, “U tlakusile mahlo ya yena a ri etiheleni, a ri karhi a xaniseka.” Wa vona?

²⁴⁸ Kutani tsundzukani, a tama a ha lava ku khomelela xiyimo xa yena etiheleni. U vonile Lazaro, exifuveni xa Abraham, kutani a ku, “Tatana Abraham, rhumela Lazaro ehansi lahwani.” A tama a ha n’wi vitana “tatana.” Wa vona?

U tekile vutivi bya yena, kutani a ya ekerekeni ya swa vutlharhi. Loko Rivoni ri n’wi ba, u Ri arile.

Loko sweswo ku ngari maendlele ya ximanguva lawa ya kereke namuntlha, a ndzi swi tivi. Swi ngari na mhaka leswaku Xikwembu xi hatimisa yini ku tsemakanya ndlela ya vona, Langavi ra Ndzilo kumbe hambi ku ngava yini; va tama, hi vutivi bya vona, va nga Swi hlamuselala ekule, kutani va ya eka ntlawa wa swa vutlharhi, hikokwalaho ka xiyimo xa vona eka vanhu.

²⁴⁹ Kambe Paul a kuri khale a ri eka xiyimo xa le henhla emahlweni ka vanhu, hi vutivi lebyikulu, xidyondzeki lexikulu ehansi ka Gamaliel, xandla xa xinene eka muprista lonkulu, swonghasi ku kondza a ya eka vaprista a ya kuma swileriso swo hoxa vavumbuluki vo kwetsima hinkwavo ekhotsweni. Kambe loko Rivoni ri ba ndlela ya yena, kutani a swi vona leswaku Langavi ra Ndzilo leri fanaka leri ri nga rhangela Israel emananga a kuri Yesu Kreste, u fularherile hinkwaswo leswi a nga tshama a swi tiva. U tile eVuton’wini.

²⁵⁰ Xana mi nga vitana vutomi bya wanuna luya wa xifumi tani hi vutomi lebyi nga ringanelia Evhangeli leyi a nga yi twake? Hambi leswi a ri mupfumeri, xana mi nga vitana muxaka wolowo wa vutomi... Exikarhi ka tintlharhi na vuhungasi, vusiku byebyo ehenhla lahaya e... loko dyambu ri pela, a ri karhi a ringanyeta kunwa ko tlangela, kumbexani vaprista van’wana va ri karhi va khongela, ehenhla lahaya. Nakona a ri na vuhungasi, kutani mukomberi a tshamile enyagweni wa yena ehansi lahaya. Kutani u ringanyetile kunwa ko tlangela ka yena, na ku vulavula hi ripfumelo lerikulu leri a ri na rona eka Xikwembu. Kute loko dyambu ri nga se huma, emixweni lowu landzelaka, loko dyambu ri nga se xa, a ri etiheleni. Hi swona sweswo. Hi letiya tintlharhi ta n’wina.

²⁵¹ Kambe Paul, loko Rivoni ri n’wi bile, a hi pimaniseni vutomi bya yena kutani hi vona loko byi ringanerile. Xana ku humelerile yini? Loko, Paul, Rivoni ri n’wi bile, u fularherile vutivi bya yena hinkwabyo kutani a ya ekule na ntlawa luwa wo tlhariha, kutani a famba hi Moya wa Yesu Kreste. Ku kwetsima a kuve eka Xikwembu! Na ku tlhariha loku a ri na kona, a nga ma tirhisanga hambi ma ri marito lamakulu.

Loko a tile exikarhi ka Vakorinto, u te, “A ndzi tanga eka n’wina hi vutlharhi bya munhu. A ndzi tanga eka n’wina hi

marito lawa ya tlakukeke, hikuva mi veka ripfumelo ra n'wina eka sweswo. Kambe ndzi ta eka n'wina hi ku olova, hi matimba ya ku pfuxiwa ka Yesu Kreste, leswaku ripfumelo ra n'wina ri kwalahaya." Hi lebyiya vutomi. Byi langutiseni.

²⁵² A nga kalanga a tirhisa dyondzo ya yena. A nga kalanga a famba na ntlawa wo tlhariha. U fambile hi Moya wa Kreste, a titsongahata, a yingisa Rito ra Xikwembu, loko Ri ri karhi ri hambana swinene na mikhuva ya vona. Kambe Paul u vonile Rivoni kutani a famba hi Rona (hi swona sweswo?), a pfumelela Vutomi bya Kreste byi vonakarisa Yesu Kreste eka nguva leyi a hanya eka yona, leswaku vanhu va ta kota ku vona Moya wa Xikwembu eka Yena.

Kutani lava va titsongahataka va swi pfumerile, swonghasi, ku kondza va lava ku nghenisa swidukwana endzeni. Va swi teka swi suka emirini wa yena. Nakona a va swi pfumela, swonghasi, leswaku hi yena muyimeri wa Yesu Kreste, ku kondza, hambi ku ngava yini leswi a swi khumbha, a va pfumela, leswaku swi katekile. Ina. A kuri wanuna muni yaloye, u nyiketile vutomi bya yena, rifumo ra yena, na hinkwaswo leswi a ri na swona! Dyondzo ya yena; a rivala hinkwaswo, ku ta famba na vaphasi va tihlampfi, na vakomberi na vahlupheki exitarateni, ku pfumelela rivoni ra yena ku kombisa rirhandzu ra Yesu Kreste.

U te, "Ndzi biwile enhlaneni, ku ringana makume mune-nkaye; mi nga ndzi karhati." U vurile nakambe, "Ndzi rhwele swivati swa Yesu Kreste emirini wa mina." Mbuyangwani lontsongo eka xiyimo lexiya xo chavisa, u te, "Ndzi rhwele swivati swa Yesu Kreste emirini wa mina." I ku hambana njhani na muchaviseki loyi lonkulu na vaprista lava va n'wi rhendzeleke hinkwako.

²⁵³ Kutani loko a ri eRhomma, a ku ngari na loyi a yima na yena. Nakona a vari karhi va aka biloko, yo tsemela nhloko ya yena kona, ehandle lahaya. Hi kona laha a nga swi vula kona. Oho, mina! U te, "Hi liya harhi ya mina yi ndzi tshameleke, leyi Hosi, yona Muavanyisi lowo lulama a nga ta ndzi nyika hi Siku rero; kambe ku ngari mina ntsena, kambe sweswi hinkwavo ka vona lava va rhandzaka ku humelela ka Yona." Hi byebyo vutomi lebyi nga ringanelia Evhangeli, kumbe, n'wana.

²⁵⁴ U yimerile Kreste. U pfumelerile Evhangeli yi tikombisa ha yena. Loko a nga se swi endla, u yile a ya dyondzo Evhangeli. U rhelerile e Arabia a ya tshama malembe manharhu, na ku teka Testamente ya Khale. Kutani u kombisiwile, hi Testamente ya Khale, leswaku A ri Yesu Kreste. Kutani u Yi pfumelerile kuva a tikombisa ha yena, eka ntlawa wa vanhu lava va titsongahataka. Leswaku, yena, loko... U te, "Ndzi tiva ku va ni khwiri ro xurha, na swona ndzi tiva kuva na ndlala na ku pfumala."

Wanuna loyi a nga na dyondzo yo kotisa ya yena, na xidyondzeki xo kotisa yena, a yimile hi...na mpfuneto wa

swa dyondzo ku suka eka Gamaliel, un'wana wa vadyondzisi vakulukumba lava a vari kona hi siku rero, kutani a yimisana hi voko-na-voko na muprista lonkulu. Makwerhu, a tava a durha timiliyoni ta tidolara na kuva na tinxaka hikwato ta miako. Hi swona sweswo. Kambe u te, "Ndzi . . ."

²⁵⁵ A ngari na nchumu ehandle ka jasi rin'we. Kutani Demas u vonile wanuna loyi a ri na ministri wo tani hi wolowo! Timotiya wa Vumbirhi, kavanyisa ka vu3, u te, "Demas u ndzi fularherile, na hinkwavo vavanuna lavan'wana, hi ku rhandza misava ya sweswi." A ku, "Loko u ta, ndzi tisele jasi leriya ndzi ri siyeke lahaya. Ku sungula ku titimela." Wanuna wa ministri wo tani hi wolowo, kutani a ngava na jasi rin'we ntsena? Ku kwetsima a kuve eka Xikwembu!

²⁵⁶ Swi ndzi tsundzuxa hi Mukwetsimi Martin, loko a ri karhi a ringeta ku yimela Evhangeli, na swilo hinkwaswo, loko a nga se hundzuka. Eka—eka Pre-Nicene, kumbe huvo ya Nicaea, *Vatatana va Nicaea*, eka matimu. Siku rin'wana, a ri karhi a hundza eminyangweni kwalahaya. A huma eTours. eFurwa. Nakona a kuri na vanhu... Muhlupheki wa mukhalabya a tshamile kwalahaya, a ri karhi a fa, a ngari na swiambalo. Kutani vanhu va hundzile hi kwalahaya, lava a va ta n'wi nyika swiambalo, kutani a va swi endlanga. Va n'wi hundzile va tlhela va honisa nakulorhi luya wa mukhalabya. Kutani Mukwetsimi Martin u yimile kwalaha a swi langutisa. Va vula leswaku u . . .

²⁵⁷ Socha rin'wana na rin'wana a ri ri—a ri ri na munhu loyi a ri hatimisela mabuntsu ya rona. Nakona u hatimiserile mabuntsu ya nandza wa yena.

Kutani u hluvurile jasi ra yena, a teka mukwana a ri tsema, hi le xikarhi, hi ka mbirhi, hi fumu ra yena. A phutsela muhlupheki wa mukhalabya hi rona, a ku, "Ha vumbirhi hi nga hanya."

U yile ekaya a ya etlela. Loko a ha etlele lahaya, a ehleketa leswaku mukhalabya luya u ririle. Xikan'we-kan'we, Xin'wana xi n'wi pfuxa. U langutisile. Ku yima ekamareni, hi lahaya a ku yimile Yesu Kreste a phutseriwile hi xiphemu lexi fanaka xa nguvu ya khale leyi a nga phutsela mukhalabya wa muhlupheki hi xona. A ku, "Kukotisa leswi u nga swi endlela lava lavantsongo, u swi endlerile Mina." Byebyo i vutomi lebyi byi nga ringanelia Evhangeli. Ma swi tiva hilaha a nga lemelela vutomi bya yena hakona, na swona, a mi swi tivi?

²⁵⁸ Langutisani Polycarp, a yimerile nkhuvulo hi Vito ra Yesu, ku lwisana na kereke ya Khatholiki ya Rhoma. Nakona va n'wi hiserile emhandzini; Va hahlula yindlu yo hlambela kutani va n'wi hisa. Langutisani Irenaeus, hinkwavo ka vona, lava va nga xaniseka hi xivangelo lexi. Byebyo i vutomi lebyi nga ringanelia.

²⁵⁹ Langutisani leswi Paul a nga swi vula eka Buku ya Vaheveru, kavanyisa ka vu11. U te, "Va sahiwile hi le xikarhi, va phatluriwa hi le xikarhi; va tsendzeleka hinkwako, va ambarile madzovo

ya tinyimpfu na madzovo ya timbuti, nakona a vari emananga, na vusiwana na swin'wana; vutomi lebyi misava yi nga byi faneriki." Hi sweswo. Vutomi lebyiya byi ringanerile Evhangeli. Xana bya mina na n'wina byi ta yimisa ku yini hi Siku ra ku Avanyisa, na vanhu vo tani hi lavaya?

²⁶⁰ Langutisani Paul sweswi. Hi taya emahlweni hi rhelela. U yimerile Evhangeli, a pfumelela Yesu a khuluka ha yena. Swi ngari na mhaka leswaku njhani, yini, swi ngari na mhaka leswaku munhu un'wana a ehleketa yini. Laha, muprista lonkulu, hikokwalaho ka yini, u yile a yi endla leswaku a tsemiwa nhloko, hikokwalaho ka Yona. A ri muyimeri loyi a ringanelia Evhangeli. Ku pfumelela... Langutisani kwalahaya. Ehandle ko tekela enhlokweni leswi vanhu a va swi anakanya, a ri karhi a pfumelela nkhuluko wa Vutomi lebyi nga Heriki wu khuluka ha yena, swonghasi laha a nge te, "Ndzi nga ha rhukaniwa ku suka eka Kreste, hikokwalaho ka vamakwerhu va mina."

Sweswi xana ma swi tiva leswaku mi endla yini loko mi ri na Vutomi lebyi nga Heriki? Hi xexo xivutiso xa n'wina. Hi yaleyo nhlamulo ya n'wina. Mi teka tlheloa ra swa vutlharhi; kumbe, mi teka tlheloa *Leri*, loko hakunene mi ri na Vutomi lebyi nga Heriki. Sweswo hi leswi swi humelalaka.

²⁶¹ Sweswo hi leswi swi nga humelela. Paul, a tiyimiserile ku rhukaniwa ku suka eka Kreste, ku pfumelela va ka rikwavo... Mabofu, vanhu lava va honisaka lava a va nga ta yingisela Evhangeli ya yena!

Ndzi ehleketa leswaku, i tingana eka mina n'winyi. A ndzi tiyimiserile ku va tshika, hikokwalaho kova va nga ndzi yingisi. Ndzi twa ingaku ndzi ngo hundzuka. Nakona ndzi hundzukile. Wa vona?

²⁶² Xiyisisani. Swingari na mhaka leswaku vanhu van'wana va anakanya yini, vutomi bya muxaka lowu byi ringanerile Evhangeli.

Sweswi ndza pfala.

²⁶³ Wanuna luya wa xifumi, kukotisa vo tala va hina namuntlha, u pfalerile ehandle na ku ala Rito ra Vutomi, kutani a hundzuka xirho xa kereke; na ku kombisa vutomi, lebyi khorwisiwaka eBibeleni, leswaku a byi nga yi ringanelanga Evhangeli leyia a komberiwile ku yi amukela. Hi swona sweswo? [Nhlengeletano yi ku, "Amen."—Muhleri.] Xana Evhangeli a yi ta voningisa ku yini hi rivoni ro dzwiharisa xisweswo, leri tsan'waka matimba ya Xikwembu?

²⁶⁴ Sweswi, ndlela yin'we ntsena yo hanya vutomi lebyi nga ringanelia, i ku pfumelela Kreste na Rito ra Yena (laho, Yena a nga Rito) Ri tikombisa hi Roxe hi ku hetiseka eka n'wina ku kondza Xikwembu xi tiyisisa leswi Xi nga swi vula eRitweni. Hikuva, Kreste u file leswaku A ta tikombisa Yena hi yexe

emahlweni ka Xikwembu, tani hi Xitlhavelo. Nakona Ri vuyerile endzhaku hi xivumbeko xa Moya lowo Kwetsima, ku kombisa Yena hi vanhu va Yena, ku yisa ntirho wa Yena emahlweni; a tikombisa Yena hi yexe hi n'wina, ku hetisekisa Rito ra Yena ra xitshebbiso eka masiku lawa ya ha taka.

Tani hi loko Yohana Mukhuvuri a swi twile, loko a twa ku ta ka Kreste. Kutani Kreste u yile a ya nghena ematin. Kutani Yohana a ku, "Vonani Xinyimpfana xa Xikwembu."

A kuna un'wana a nga Ri vona. Kambe yena u Ri vonile, Rivoni leriya a ri xikela ehansi ku suka eTilweni, kukotisa tuva. Kutani Rito ri ku, "Loyi i N'wana wa Mina loyi a rhandzekaka Loyi Ndzi tsakelaka ku tshama eka yena." U Ri vonile ri ri eku teni.

Kutani Yesu u yile a ya nghena endzeni ka mati, Emmanuel, emahlweni ka—ka muchumayeri loyi a fanele kuva a hundzeletiwile. U yile a ya nghena endzeni ka mati, emahlweni ka vanhu, kutani a ku, "Ndzi lava ku khuvuriwa hi wena."

²⁶⁵ Yohana a ku, "Hosi, hi mina ndzi faneleke ku khuvuriwa hi Wena. Hikokwalaho ka yini U ta eka mina?" Kambe matihlo ya vona ya hlanganile, muprofeta na Xikwembu xa yena. Amen. Xana n'wina... Ndzi... Xana a ndzi nga ta swi rhandza ku yima ndzi hlalela sweswo? Ku vona lawa yo tikisa, matihlo lawa yo sondzolota ya Yohana ya vandlile kutani ya kuma lawa yo tikisa, matihlo yo sondzolota ya Yesu Kreste; va mutswala va un'wana eka loyi un'wana, hi swa xinyama.

²⁶⁶ Yesu a ku, "Yohana, swi pfumeleli swi va tano sweswi, hikuva swa hi fanela. Hi hina Hungu ra awara leyi. Swa hi fanela ku fikelerisa ku lulama hinkwako."

²⁶⁷ Yohana a ehleketa, "Ina, hi Yena Xitlhavelo. Xitlhavelo xi fanele ku hlantswiwa loko Xi nga se humesiwa." Kutani a ku, "Tana." Kutani a N'wi khuvula. Amen. Hi marito man'wana, "Swa hi boha ku fikelerisa ku lulama hinkwako."

Yesu, hi ku tiva leswaku wanuna luya a ri wa xiviri, a ku, "A ku se tshama kuva na munhu loyi a nga tswariwa hi wansati, loyi a fanaka na yena. U tlula muprofeta; mi nga swi amukela, loyi u tlula muprofeta." Kutani Yesu, hi ku langutisa embilwini ya yena, u swi tivile sweswo. Mutswala wa Yena n'winyi u hlanganile na Yena kwalahaya, nghohe hi nghohe.

²⁶⁸ Yohana u te, "Hosi, hi mina ndzi faneleke ku khuvuriwa hi Wena. Kutani hikokwalaho ka yini U ta eka mina?"

²⁶⁹ A ku, "Swi pfumelele swi va tano, Yohana. Kambe, tsundzuka, swa hi fanela ku fikelerisa hinkwaswo leswi Xikwembu xi nga swi tshembhisa. Nakona hi Mina Xitlhavelo. Ndzi fanele ku hlantswiwa loko ndzi nga se humesiwa." Oho, mina! Mina!

²⁷⁰ Kutani, namunlhha, loko Mavoni ya ni madyambu ya ri karhi ya voninga, loko ku ngari na munhu wa miehleketo leyinene ehandle ka loyi a nga ta vula leswaku (xidyondzeki xihi na xihi xa Bibebe, lexi nga langutisa eBibeleni, xa swi tiva) leri i siku ra makumu. Kutani, swa hi boha ku wa ku suka emakhumbini lawa lamakulu, kumbe kuya ekule na swilo leswi, kutani hi nghena eku lulameni ka Yesu Kreste eka siku leri ra makumu, kutani hi teka Xilemo xa Xikwembu loko javulosi a nga se hi nyika mfungho wa xivandzana. Oho, mina. Ina.

²⁷¹ Khongelani Xikwembu kuva xi pfumelela Rivoni ra siku leri ku pfuka endzeni ka n'wina, leswaku mi va malandza yo yingisa eka Xikwembu. Kutani mi pfumelela muhandzu wa Moya wu tshama hi masiku evuton'wini bya n'wina. Kutani byebyo i vutomi lebyi nga ringanelia Evhangeli.

²⁷² Ndzi pfumeleleni ndzi vula leswi, hi ku pfala. Ndlela yin'we ntsena, ndlela yin'we ntsena leyi mi nga hanyaka vutomi lebyi byi nga ringanelia Evhangeli, i ku pfumelela Evhangeli Yona hi yoxe, xiphemu xin'wana na xin'wana xa Evhangeli, xi nghena endzeni ka n'wina kutani xi kombisa endzhaku switshembhiso swa Xona, xi swi endla swi tiyisisiwa. Pfumelelania Xikwembu xi hanya endzeni ka n'wina, ku tiyisisa switshembhiso swa siku leri.

Ntsena tani hi Yohana, tani hilaha Yesu a nga byela Yohana, "Swi pfumeleli swi va tano, Yohana. Hi swona sweswo. Kambe hi hina varhumiwa va siku leri, nakona hi fanele ku fikelerisa ku lulama hinkwako."

Kutani loko hi ri Vakreste va siku leri, a hi amukeleni Yesu Kreste endzeni ka timbilu ta hina. Nakona hi Yena Rito. Mi nga Ri tsan'wi na swintsongo. Mi nge, "Hi rona Ntiyiso." Kutani mi Ri veka etimbilwini ta n'wina, mi hlalela muhandzu wa Moya ehenhla ka n'wina, kutani mi fikelerisa xitsembhiso xihi na xihi lexi A nga xi endla eBibeleni. Xikwembu xi lava ku fikelerisa Rito ra Xona, nakona a Xi na mavoko ehandle ka ya mina na n'wina. A xi na matihlo ehandle ka ya mina na n'wina. A xi na ririmbi ehandle ka ra mina na n'wina. "Hi mina Vhinya. N'wina mi marhavi." Marhavi ya tswala mihandzu. Vhinya yi nyika ntamu eka rhavi. Byebyo i vutomi lebyi byi nga ringanelia.

²⁷³ Xikhongelo xa mina hi leswaku, eka lava nga eka xiyan-moya kumbe eka... eka tiko ra thepi, na lava va nga kona. Ingaku Xikwembu xa tintswalo hinkwato, xa Tilo, xi nga voningisa Moya lowo Kwetsima wa Xona wo kateka ehenhla ka hina hinkwerhu, leswaku hina, ku sukela vusiku lebyi, kuya emahlweni, hi nga hanya vutomi lebyi Xikwembu xi nga vulaka leswaku, "Ndzi tsakile swinene. Nghanani eka ntsako lowu nga Heriki lowu wu nga lulamiseriwa n'wina hi mpfhuka ka loko misava yi sunguriwa." Xikwembu xa Tilo a xi rhumele minkateko ya Xona ehenhla ka n'wina vanhu hinkwenu.

²⁷⁴ Ndza khongela leswaku Xikwembu xi ta katekisa n'wina vavasati, yusiku lebyi, lava va nga na misisi yo koma, hi ndlela ya kuva mi vona, kutani mi fambela ekule na maendlele lawa ya ximanguva lawa ya siku leri, kutani mi lemuka leswaku Bibele yi vula leswaku a mi fanelanga ku endla sweswo. Kutani loko mi ri na nandzu wa ku ambala swiambalo swa vndlakuta, leswaku Xikwembu xa Tilo xi ta halata tintswalo ta Xona etimbilwini ta n'wina, leswaku mi ta ka mi nga ha swi endli nakambe, leswaku mi ta ka mi nga havi na nandzu nakambe hi swilo sweswo. Ingaku Moya lowo Kwetsima wu nga mi pfulela swona na ku mi kombeta. Ingaku n'wina, lava nga riki na nkhuvulo wa Moya lowo Kwetsima . . .

²⁷⁵ N'wina vavanuna lava mi nga na vasati, na ku va pfumelela va va tiboso ta miti na ku mi rhangela hinkwako, ingaku Xikwembu xa Tilo xi nga mi nyika tintswalo ta ku veka milenge ya n'wina ehansi kutani mi vuyisela vavasati valava emiehlekeweni ya vona leyinene nakambe, ina, na ku lemuka leswaku yaleyo i ndhawu ya n'wina eka Kreste. Ku ngari boso, sweswi, kambe mi tinhloko ta mimiti. Tsundzukani, wansati a nga kona na le ka ntumbuluko wa xiviri. Ntsena o va xivumbiwa xa le tlhelo xa n'wina, lexi nga nyikiwa hi Xikwembu, eka n'wina, kuva xi mi hlayisa, ku hlayisa swiambalo swa n'wina swi va leswi baseke na ku lulamisa swakudya swa n'wina, na swin'wana. A hi vona valawuri va n'wina.

²⁷⁶ N'wina vavasati va le Amerika mi tsutsuma-tsutsumaka na nomo wa pende exikandzeni xa n'wina, na nhompfu ya n'wina yi pesukerile ehenhla emoyeni (loko yo na, yi ta ku nwerisa), kutani u ehleketa leswaku u mulawuri wo karhi. U yena, eka loyi wa rhumbyana, kambe ku ngari eka n'wana wa Xikwembu wa xiviri. Swi lulamile.

²⁷⁷ Ingaku Xikwembu xi nga nyika n'wina vavanuna tintswalo, tani hi vana va Xikwembu, ku yimisa miharihari yo tani hi yaleyo. Hi swona sweswo. Ingaku Xi nga mi nyika tintswalo, to cukumetela tisigarete ehansi, mi yima ku yingisela swa mafenya ya thyaka, hinkwayo miharihari yaleyo. A hi veni vana va Xikwembu, leswaku hi ta famba vutomi lebyi nga ringanelia Evhangeli.

Kutani munhu un'wana loyi a rhelelaka hi xitarata, a ku, "Loko ku tshame kuva na Mukreste, hi luya a fambaka lahaya. Hi luya a fambaka lahaya loyi Xikwembu xi tikombisaka hi Xoxe ha yena, nakona wanuna luya i Mukreste wa xiviri, loko ku tshame kuva na Mukreste. Mi nga ha ehleketa leswaku u languteka a ri wa xikhale. Hi yena wansati wa xiviri." Hi sweswo.

²⁷⁸ Vanani Vakreste va ndzhuti, hikuva hi vahlampfa lahwani. Leri a hi Kaya ra hina. Kaya ra hina ri le Henhla. Hi majaha na vanhwana va Hosi, va *yona* Hosi. A hi ha- . . . vutomi bya hina

a byi ve e—e vutomi bya ndzhuti. A hi ha...lahaya ku hanya vutomi lebyi byi nga ta xixima nchumu luwa hi koxaka kuva hi ri wona: Mukreste. Kutani loko mi nga hanyi muxaka wolowo wa vutomi, kutani yimani kuva mi vitaniwa Vakreste, hikuva ntseña mi le ku tiseni ka xisolo ehenhleni ka Xivangelo.

²⁷⁹ Ndza mi khensa, vanhu, eka vusiku lebyi byo hisa, mi tshameke kwala. Ndzi tshembha leswaku a ku ngavi na un'we wa n'wina a nga tava a lahlekile, hi Siku rero. Ndzi—ndzi—ndzi tshembha leswaku mina na n'wina, swin'we, hi ta kuma tintswalo emahlweni ka Xikwembu, leswaku ndzi ta swi kota minkarhi hinkwayo ku yimela leswi swi nga Ntiyiso, ku ngari ku mi vavisa, kambe ku ngari ku mi kondlela swibakele. Wa vona? Loko a ndzo swi endla, a ndzi nga tava ndzi ri muxaka wa papa wa kahle, loko ndzi pfumelela n'wana wa mina a endla swin'wana na swin'wana. Ndzi ta va lulamisa. Rirhandzu rin'wana na rin'wana ri ta endla sweswo. Rirhandzu ra lulamisa. Ndzi tsundzuka loko u ndzi tsalela noti liya, siku leriya, Pat. Ndza ha ri na yona. Nakona rirhandzu ra lulamisa. Bibele yi vule tano. Kutani loko ri nga lulamanga, xexo hi xona xivangelo xova Xikwembu xi hi lulamisa. Xa hi rhandza.

²⁸⁰ Ingaku hi nga hanya vutomi, ku sukela sweswi kuya emahlweni, lebyi byi nga ringaneli, hi malwandla na ku olova. Mi nga swi tekeli enhlokweni, loko va ku, “Kunene, a ku katekisiwe Xikwembu, ndza swi tiva leswaku u na Wona. U vulavurile hi tindzimi. U cinile a ri eMoyeni.” Sweswo swi lulamile. Kambe loko a ngari na muhandzu wa Moya, Moya a wu koni. Ntsena o va eku encenyeten i ka muxaka wun'wana wa ku tiendlisa, kumbe swin'wana, hikuva Moya lowo Kwetsima wu nga hanya ntseña vutomi bya muhandzu wa Moya. Yaleyi i ndlela yin'we ntseña ley A nga yi endlaka.

²⁸¹ Xikwembu xi mi katekisa. A hi korhamiseni tinhloko ta hina, ntseña xinkadyana.

Pfumelelani e... Xikwembu, lexi xi nga tisa Rivoni ra Xona eka siku leri ro hetelela, Leriya ri nga tshama kwala emahlweni ka mina, ra Bibele ya Xona; na xifaniso xa Tintsumi leti, Rivoni ra xihundla hi xivumbeko xa phiramidi, leri hambi va ri vativi va sayense va nga swi tiviki leswaku Ri fike njhani lahwani. A va nge Ri hlamuseli. Kambe, Tatana, ha khensa. U hi byerile, tin'hweti loko swi nga se humelela, nakona ha khensa eka Wena.

²⁸² Pfumelela vanhu, lava nga vitaniwa hi Vito ra Wena, va suka evudyohweni, vusiku lebyi, Hosi, ku kala ripfumelo. Ingaku, tani... Ndzi bohekile ku vulavula ndzi tikisa ku lwsana na vasesi va hina, ku ngari hikuva ndzi nga va rhandzi, Hosi, kambe a ndzi lavi ku vona javulosi a va rhendzelexa ku kondza va wela ehansi va fa, rin'wana ra masiku lawa, kutani va ringeta ku hlangana na Wena eka xiyimo xa muxaka wolowo, endzhaku ko twa Ntiyiso wa Xikwembu, kukotisa leswi. Ingaku va nga

twa va tikelota vona vinyi, kuya va ya lavisia Matsalwa, kutani va vona loko sweswo swi lulamile. Va khinsama hi matsolo ya vona kutani, hi ku tshembheka, va ku, "Xikwembu, xana wolowo i Ntiyiso?" Kutani sweswo ku tava kuri hinkwaswo leswi nga fanela, Hosi, loko va nga tshembheka mayelana na swona, hikuva Rito ra Wena i Ntiyiso.

²⁸³ Vanhu va tshamile. Vo tala va vona, kumbexani, a vari na swilo leswi a swi va vavisa. Kambe Moya wa Xikwembu wu vulavurile na vona, nakona va tshamisekile va yingisela. Awara yi le ku heleni. Awara yi herile ni madyambu, nakona yi herile eka nkarhi lowu hi hanyaka eka wona. Dyambu ri le ku peleni. Misava yi le ku holeni. Xikwembu, munyama ku ngari khale wu ta nghena, kutani ku Vuya ka Hosi, ku ta vutlela Kereke ya Yona ekule. Hilaha hi Ku khensaka hakona hikokwalaho ka leswi, Hosi!

²⁸⁴ Ha khongela sweswi leswaku U ta katekisa munhu un'wana na un'wana eka Vukona bya Vukwembu. Un'wana na un'wana loyi a twaka thepi leyi, Hosi, ku rhendzeleka hi misava, ingaku va ngaya ekule na mikhuva liya ya khale na swin'wana, kutani va ta va ta tirthela Xikwembu lexi hanyaka, va ta ku ta vekaza eka Xona, va endla kukotisa hilaha hosikazi ya le Dzongeni yi nga endla hakona. Yi tile, swi yi tekerile tin'hweti tinhharhu ku fika laha a kuri na wanuna loyi a yimela Yesu Kreste, kumbe Xikwembu xa Matilo; Solomon. Yesu u te, "U tile ku suka emakumu ka misava, ku ta twa vutlharhi bya Solomon, kutani vonani lonkulu eka Solomon u kwala." Nakona ha swi tiva leswaku "lonkulu eka Solomon" u kwala, Moya lowo Kwetsima lowu kulukumba hi Woxe wu kwala, wu ri karhi wu tirha hi vanhu. Hilaha hi Ku khensaka hakona hikowalaho ka leswi, Tatana. Ndzi khongelela nkateko sweswi.

²⁸⁵ Katekisa mufundhisi wa hina loyi a rhandzekaka, Makwerhu Neville. Hosi, loko ndzi-loko ndzi n'wi langutisa kutani ndzi ehleketa hi mintirho ya yena ya rirhandzu, mbilu ya mina ya tlulatlula. Ndza n'wi rhandza. Ku n'wi vona loko a ri karhi a langutisa nsati wa yena na swihlangi swa yena, ndza—ndza khongela, Xikwembu, leswaku U ta n'wi tiyisa. N'wi nyike xitiya-nhlana. N'wi katekisi eka yo tala, yo tala swinene malembe ya ntirho, eka nsimu leyikulu ya ntshovelo leyi hi nga eka yona.

²⁸⁶ Katekisa vamakwerhu va tiministara hinkwavo lava va nga tshama lahawani vusiku lebyi. Vo tala va vona i vaendzi vo huma etindhawini tin'wana. Ndza khongela leswaku U tava na vona kwalahaya, Junie na Makwerhu Ruddell, na vavanuna lavaya vo hlawuleka lava va nga tikereke ta sesi eka kereke leyi lahawani, lava va yimeke va khomelela Rivoni ra Evhangeli etindhawini to hambana-hambana ta madoroba ya le kusuhi, hikokwalaho ka Rivoni leri fanaka, ku Ri lwela. Ndza Ku khensa hikokwalaho ka vavanuna lavaya, Hosi. Va hloholotel. Nakona u va nyika

tintswalo to tiyisela mindzingo leyikulu na swilo leswi swi taka emisaveni ku ta khorwisa Vakreste hinkwavo.

²⁸⁷ Horisa vavabyi na lava xanisekaka, Hosi. Vana na hina eka vhiki leri taka sweswi. Hi nyike xitiya-nhlana. Ingaku letintsongo, tidyondzo ta xikolo xa Sonto leti ti tshovekeke ta siku leri ti nga suki etimbilwini ta vona. Ingaku va nga anakanya, vusiku na nhlekanhi. Hi nyike minkateko leyi, Tatana. Hi Vito ra Yesu Kreste, ndza swi kombela. Amen.

²⁸⁸ Ma N'wi rhandza? [Nhlengeletano yi ku, "Amen."—Muhleri.] Ma Swi pfumela? ["Amen."] A hi yimbeleleni risimu ra hina ra kahle nakambe, "Ndza N'wi rhandza, Ndza N'wi rhandza," loko hi ri karhi hi tihlanganisa kun'we. Xana u kwihi Sesi Ungren? Xana u kona kwala, un'wana wa vona, kumbe sesi loyi a nga tlanga piyano, un'wana wa vaxisati lahawani? A ndzi n'wi voni. Ina, hi loyiwani, wansati loyi a nga lahawani. Hi swona sweswo.

²⁸⁹ A ndzi ri eku laveni, vusiku lebyi, hi tindlela hinkwato, kambe a ndzi n'wi vonanga Makwerhu Ungren. A ndzi lava leswaku a ndzi yimbelelela, vusiku lebyi, *Hilaha U Nga Nkulukumba Hakona!* Ndzi tshembha leswaku Makwerhu u yile ekaya. Wa vona? Ndzi ri twile risimu rero mixo lowu, na swona i ntiyiso leswaku ndzi ri khensile risimu rero. Mina, oho, mina! Rero ri ririle embilwini ya mina. Nakona a ndzi—ndzi—ndzi lava ku n'wi twa a yimbelela *Hilaha U Nga Nkulukumba Hakona!*

²⁹⁰ Sweswi a hi yimbeleleni *Ndza Nwi Rhandza*, hinkwerhu, swin'we. Sweswi pfalani matihlo ya n'wina. Kutani a hi langutiseni eka Yena sweswi, hi ku, "Hosi, loko ku ngava kuri na ku navela ka swa nyama eka mina, ku humeseli ehandle, kona sweswi. Ku humeseli ehandle." Na n'wina, mi nga ehandle, mi twaka thepi leyi, loko mi twa risimu leri, yimbelelani na hina, kutani, kona kwalano exitulwini lexi mi nga tshama eka xona.

Loko kuri na sweswo, loko mi avanyisiwa hi Rito, loko mi nga ehleketi leswaku i Rito, lavisisani Matsalwa, mi vona loko Ya lulamile. Ya mi boha. Ya vula Vutomi kumbe rifu.

Kutani loko ha ha yimbelela risimu leri, loko kuri na ku navela ka swa nyama evuton'wini bya n'wina, xana a mi nge yimiseli voko ra n'wina ehenhla, exitulwini xa n'wina-ke? Endlani leswaku vana va n'wina na vavasati va yimisa mavoko ya vona, varhandziwa va n'wina ekusuhi na n'wina. Yimbelelani *Ndza Nwi Rhandza*, kutani mi nyiketa vutomi bya n'wina eka Yena. Mi nge, "Ndzi basise, Hosi, eka vubihi hinkwabyo."

Loko ha ha yimbelela sweswi, a hi yimeni.

Ndza N'wi rhandza, ndza . . .

Hosi Yesu, ndza khongela leswaku U ta horisa vanhu lava, lava va nga ta ambala swidukwana leswi. Ndza swi katekisa, hi Vito ra Yesu Kreste. Amen.

Kutani a xava ku ponisiwa ka mina
Emhandzini ya Xihambano.

²⁹¹ Sweswi, eka nkateko lowu lowukulu! Ntsena yana emahlweni u ri tlanga, sesi. Ntsena pfalani matihlo ya n'wina ivi mi ehleketa, xinkadyana sweswi. A hi khongeleni, etimbilwini ta hina, "Hosi Yesu, ndzi kambele. Xana hakunene ndza Ku rhandza? U te, 'Loko mi Ndzi rhandza, mi ta hlayisa marito ya Mina. Loko mi Ndzi rhandza, mi ta hlayisa Rito ra Mina.'" Kutani etimbilwini ta n'wina, mi ku, "Hosi, ndzi pfumeleli ndzi hlayisa Rito ra Wena. Ndzi pfumeleli ndzi Ri fihla embilwini ya mina, ndzi nga ka ha pfuki ndzi dyohile nakambe ku lwisana na Wena, leswi swi nga, ku ala ku pfumela swin'wana na swin'wana leswi U nga swi vula."

²⁹² Sweswi loko ha ha yimbelela *Ndza N'wi Rhandza*, a hi qhavuleni voko ra loyi a nga ekusuhi na hina. Ntsena fikelela kwalano, u ku, "Xikwembu xi ku katekisa, boti, kumbe sesi." Hi ku miyela swinene sweswi.

"Ndza . . ." Xikwembu xi ku katekisa, makwerhu. "Ndzi . . ." Xikwembu xi ku katekisa, sesi wa mina. Xikwembu xi ku katekisa, sesi. Xikwembu xi ku katekisa. Xikwembu xi ku katekisa, sesi. "Kutani a xav- . . ." Xikwembu xi ku katekisa, sesi wa mina. Xikwembu xi ku katekisa. Xikwembu xi ku katekisa. Xikwembu xi ku katekisa. " . . . ya xihambano."

²⁹³ Sweswi a hi tlakuseleni mavoko ya hina eka Yena.

Ndza—ndza N'wi rhandza
Hikuva . . .

Mi na swin'wana, etlhelo, leswi mi lavaka ku swi endla? Ndzi lava leswaku mi ntshuxeka.

. . . mina
Kutani a xava ku ponisiwa ka mina
Emhandzini ya Xihambano.

²⁹⁴ Ma N'wi rhandza? [Nhlengeletano yi ku. "Amen."—Muhleri.] Xana a hi Wa kahle? ["Amen."] Ndzi khongeleta un'wana na un'wana wa n'wina, vana. Hi swihi swa kahle leswi swi nga ndzi endlaka swona ku yima lahawani ndzi vula swilo leswi loko mina, embilwini ya mina, ndzi nga swi ehleketa leswaku swi ta mi pfuna-ke? Loko, ndzi karhele na ku hlakala. Ntsena a ndzi swi koti na ku yima lahawani. Milenge ya mina ya vava. Na tintanghu ta mina, ndzi yimile hi tona ku kondza ku juluka lahaya, na hinkwaswo, ku kondza minkondzo ya mina yi huma minkenyengwani. Nakona ndzi karhele ngopfu! A ndza hari n'wana, na swintsongo. Nakona ndzi chumayerile minchumayelo ya tiawara tinharhu kumbe mune, na ku khongeleta vavabyi, na ku famba vusiku na nhlekanhi. Xana ndzi ngava ndzi yimerile yini lahawani, ndzi swi endla?

Ma swi tiva, hinkwawo malembe lawa ya makume nharhu, loko a kuri hikokwalaho ka ndhuma, ndzi swi fularherile sweswo. Ma swi tiva leswaku a ndzi teki mali. Ma swi tiva sweswo. A ndzi swi endlanga . . . Xana ndzi tshama ndzi mi byela swin'wana na swin'wana hi Vito ra Hosi ehandle ka leswi swi nga humeleta? Ma swi tiva leswaku sweswo hi swona.

Ndza mi rhandza. I rirhandzu ra Xikwembu leri nga embilwini ya mina eka un'wana na un'wana wa n'wina. Ndzi navela ingaku ndzi nga . . . Ndzi navela ingaku ndzi nga kota ku yima emahlweni ka Xikwembu, kutani ndzi ku, "Xikwembu, ndzi—ndzi—ndzi pfumelele ndzi va pfuna. Ndzi pfumelele—pfumelele ndzi endla *leswi*." A ndzi nge swi koti. Munhu un'wana na un'wana u fanele ku tiyimela hi yexe. Wa vona?

²⁹⁵ Ndzi—ndzi—ndzi pfumela leswaku hinkwerhu hi ya ehenhla sweswi, rin'wana ra masiku lawa. Kutani loko ho tikuma hi khomiwile hi vurhongo nkarhi wolowo wu nga se fika, ndzi tekiwa eka n'wina, tsundzukani, ndzi ta hlangana na n'wina Lahaya. Ndza swi tiva leswaku Ku kona. Swona swivono leswi swi nga mi byela swilo hinkwaswo, hi ku hetiseka, swi humelerile ntseña tani hilaha Xi nga vula hakona. Ku hava na un'we, eka hinkwawo malembe lawa, a nga pfukaka a vurile leswaku ndzi mi byerile swin'wana na swin'wana leswi a swi ta humeleta kambe leswi swi nga humeleta. Misava hinkwayo, ya swi tiva sweswo. A mi se tshama mi swi vona eka platifomo, leswi nga byela vanhu hinkwawo Ntiyiso hi ku hetiseka. Wa vona? Swi vile tano nkarhi hinkwawo. Xikwembu lexiya xi fanaka xi ndzi pfumelerile ku vona ku hundza eka khetenisi ra nkarhi. Ndzi vonile vavasati na vavanuna va ri karhi va hoxa mavoko ya vona ku rhendzeleka na mina kutani va ndzi vukarha, va ku, "Oho, Makwerhu Branham."

²⁹⁶ Ntsena ndzi—ndzi ngaka ndzi nga tshami. Swingaleswi, loko ndzi karhele, ndza famba, hambiswiritano. Nhlana wa mina wa vava. Nakona mina, masiku hinkwawo . . . Ndzi—ndzi—ndzi na makume ntlanu-mune wa malembe hi vukhale. Ma swi tiva, mi kuma xithlavi xo engetelela masiku hinkwawo.

Xikhongelo xa mina i ku, "Xikwembu, ndzi khomelele kun'we. Ndzi khomelele kun'we, kuva ndzi chumayela Rito, ndzi yima ehenhla ka Ntiyiso wolowo, ku kondza ndzi vona mufana wa mina, Joseph, a kurile ku ringanelia, na ku tatiwa hi Moya lowo Kwetsima; ndzi ta teka Bibele leyia khale yo hlakala, ndzi yi tlhandleka evokweni ra yena, ndzi ku, 'Jaha, yi rhwali kuya fika emakumu ka vutomi bya wena. U nga tshuki u xavelerile eka Yona.'"

²⁹⁷ A ndzi ehleketa leswaku kumbexani Billy u ta chumayela Evhangeli. Xikwembu a xi kalanga xi n'wi vitana.

Kambe ndza pfumela, Joseph, hambi leswi a nga xifanyetana xa nkanu hakona, ndzi pfumela leswaku Xikwembu xi n'wi

vitanile. Xexo hi xona xivangelo xo va vana va nga tolovelani na yena, hi yena murhangeri. Na swona ndza—ndza—ndza swi tiva leswaku Xikwembu xi n'wi vitanile. Ndzi lava ku n'wi tokotisa hi ndlela ya Rito, ndlela ya Rito ra Xikwembu, leswaku a ta ka a nga fularheli Rito. Ndzi lava ku swi endla, hi ndzexe, loko Xikwembu xi swi rhandza. Kutani loko ndzi khalabya ivi ndzi tshamela le ndzhaku, kutani ndzi kota ku n'wi vona lahaya, a yimile ephuluphitini, a ku, "Evhangeli leyi fanaka, papa wa mina a yimela yona. U tshamile lahaya, u khalabyile na ku tshoveleleka, vusiku lebyi. Kambe ndzi lava ku teka ndhawu ya yena na ku tata tintanghu ta yena, ndzi yima lahaya."

²⁹⁸ Kutani ndzi ta langutisa ehenhla, ivi ndzi ku, "Hosi, pfumeleta nandza wa Wena a famba hi ku rhula." Sweswo hi leswi ndzi lavaka ku swi vona, hi mbilu hinkwayo. Ku kondza nkarhi wolowo wu fika . . .

²⁹⁹ Kutani loko ndzo pfuxiwa eka rixaka rin'wana-ke? Ndzi nge swi koti. Ndzi fanele ku ta na rixaka leri. Ndzi fanele ku yima na n'wina. Hi n'wina lava ndzi faneleku mi yimela, kutani ndzi nyika vutihlamuleri emahlweni ka Xikwembu, bya Evhangeli leyi ndzi nga yi chumayela. Xana mi ehleketa leswaku ndzi nga yima lahawani kutani ndzi ringeta ku mi soholota, mi huma eka Swin'wana leswi a ndzi ehleketa leswaku swi lulamile-ke? A ndzi tava ndzi ri karhi ndzi mi hlohlotelu ku ya mi ya Swi endla. Kambe ndza swi tiva, loko swi hoxekile, ndzi lava ku mi humesela ehandle ka sweswo, mi nghena endzeni ka leswi swi nga lulama. I ntiyiso, ku suka embilwini ya mina, Xikwembu i mbhoni ya mina, ndza mi rhandza, hinkwenu ka n'wina, hi ra xiviri, rirhandzu ra Vukwembu bya Vukreste. Xikwembu xi mi katekisa. Mi ndzi khongelela.

³⁰⁰ A ndzi swi tivi leswaku vumundzuku bya mina byi khomile yini, kambe ndza n'wi tiva Loyi a nga khoma vumundzuku bya mina, swingaleswi ndzi wise eka sweswo.

³⁰¹ Ndzi hundzuluxela e, phuluphiti leyi eka wanuna loyi ndzi nga na ntshembho wa le henhla eka yena, tani hi nandza wa Yesu Kreste, mufundhisu wa hina, Makwerhu Neville.



*XANA VUTOMI BYA WENA BYI YI
RINGANERILE EVHANGELI-KE? TSO63-0630E*
(Is Your Life Worthy Of The Gospel?)

Hungu leri hi Makwerhu William Marrion Branham, ri sungurile ri hangalasiwa hi Xinghezi hi Sonto ni madyambu, Khotavuxika 30, 1963, eTabernakeleni ya Branham eJeffersonville, Indiana, U.S.A., ri tekiwile kusuka eka nkandziyiso wa thepi ya maginetiki kutani yi tsariwa yi nga khomananga hi Xinghezi. Hundzuluxo lowu wa Xitsonga wu tsariwile wu hangalasiwa hi Voice Of God Recordings.

XITSONGA

©2018 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Xitiviso Xa Mpumelelo Wo Kopa

Timfanelo hinkwato ti hlayisiwile. Buku leyi yi nga ha kandziyisiwa hi printara yale kaya leswaku munhu a ti tirhisela kumbe ku yi phakela, yi nga hakerisiwi, tani hi xitirhi xo hangalasa Evhangeli ya Yesu Kreste. Buku leyi a yi xavisiwi, yi humesiwa hi xikalo lexikulu, yi vekeriwa eka “website,” yi hlayisiwa eka tisisiteme leti ti nga swi kotaka kuva yi tekiwa, yi hundzuluxeriwa eka tindzimi tin’wana, kumbe yi tirhiseriwela eka nkwama lowu wu nga pfumeleriwa handle ka nhlamuselo leyi yi nga tsariwa ya ku pfumeleriwa hi Voice Of God Recordings®.

Vuxokoxoko byo tala kumbe nhundzu yin’wana leyi yi nga kona, mi komberiwa ku ti hlanganisa na:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org